


BX
4700
G2953




Gen. Lib.

Gen. Lib.

The University of Chicago
Libraries








Genova 1878
Dr. P. Bonatti
STORIA

D' S. GENOFFEFA

TRASPORTADA T' NOSC' LINGAZ

daò
Christoph von Schmid
'L CANONICO SMID

7
DA M. D. PLOVANG D' MAREO.


Riv.
PRUM LIBER LADING.

Forsenù.
STAMPARIA D' A. WEGER.

1878.

BX4700
G29S3

Ed. Boehmer

Avvertenza a chi, che li.

Chesc' è 'l prum liber blott lading r'vè alla stampa. Mo nosc' lingaz nè sè lasceania scri bell' avvisa colles lettres talianes. Pur chesc' osserve valgunes regoles chi, ch' ò li saurì chesc' liber lading.

I consonanti sona sceoucche t'l taliang, tolando fora 'l *c*, che dang *e* sona *tsch* todesc; p. e. cerf — cervo, ceuff — fiore, mazzetto; dang *i* — tgi; p. e. ci — che cosa, ciarè, guardare; e 'l *j*, che ha 'l son francese, o sceoucche *s* in. Gesù; p. e. oje — voltare, ojure — dar damangiare. sc dang *e* e *i* è — sch todesc p. e. sceöde, scimia. L' *f* è plou mor'jell, ch' *s* p. e. rafù, fengn', sengn' — segno. I vocali *e*, *o*, *u* è stluttg' o davertg'; p. e. *e* è stlutt in lère — facile, davert in lère — ladro; *o* stlutt in sō — sorella, davert in sō — suo; *u* stlutt in sū — solo, davert in sū — suoi. Chesc' cunesch' vigne Lading; ullacch' el va dè busengn', gnarà 'l vocal stlutt signè cung 'l davert cung —.

'L dittongo *ou* è mezz *o* e mezz *u*. p. e. sou — suso, ingcou — oggi.

Chesc' liber è pur duttg' i Ladings, quindi

oressi tignì possibilment'r la meseria, tra la pronunzia in Badia e. Marêo; gausa, ch' el tomarà fora no der *marêo*, no blott *badiott*. El gnarà scritt p. e. prêo, in Marêo liarang preo t'la Val desura prö. Fora de Marêo sonarā l *e* gonot *a* p. e. mefa — tavola, deache l' *e* va plou giust, 'l messung lascè; all' incuntra pur ste colla maiù pert sarà scritt *a* impede *es*, p. e. *trattà*, *amarà*, no trattès, amarès. Cung chestes osservaziungs liereife presc' sauri dutt 'l liber. Mo r'cordefse dagnara, ch' lieis *lading*, e no taliang, e 'ng son *lading* mess avei les lettres, spezialmentr i vocai plou adum p. c. in ceura; l' *e*. e l' *i* dang 'ng vocal col *c* dant, nen aldung gonot puc e nia. p. e. piccei, ciër.

Da picce. ingsoù me recordi, che bones persones sè confortā, de ceaffè pur mang d'l M. R. S. Micorà de Ru — Bacher — ch' è illaota Professòr t'l I. R. Instituto militare a Milang, la vita d' S. Genofefa stampada te nosc' lingaz *lading*. Sior Bacher à dè alla stampa atri bi libri in bell taliang sauri da intenne, mo la vita de S. Genofefa in *lading* i è zai restada t'la penna; na grammatica ladina nes à le ciamò lascè a mang scritta.

I tegned' i fa 'ng plajei cung nia puc ut' l a mi bongn' patriotti quindi a i presentè chilò la bella ed edificante storia de S. Genofefa stampada in *lading*. Chesta storia è pur troucc'

nia da nū, mo s' ang la po li e considerè fora
plou avvisa, ceaffung laite tan de belles instru-
ziungs, pur Genitori, figliolanza, servitū,
Patrungs, ricc' e puri, in ligrezza e affliziung,
ch' i sung zerto, che dopo che l' ais litta naota,
la liareife ciamò ceing ötes.

Iddi benedesce chesc' picce laur, ch' el
porte bi frutti de benedisiung contentezza e
bongn' costumi te nosta amabil patria/ladina.

1. de Merz 1879.

L' autore editore.



GENOFESA.

C A P O I.

Genofesa t' sua gioventù.

Dopo che la lum d'l Cristianesimo ā fatt sparì les scuritès d'l' idolatria in germania — in t'i lusc' todesc' — āla nia puc smorjelè i costumi gröi de chella jent amante d'la verra; e pur grazia ch' i prumts convertiis al Vangele è amanti d'l' laur, chi paisc' denant nia coltivà e dutt imboscà, ā ceaffè n' apparenza in flu de coltivaziung, in maniera, che ullacch' el ē denant dutt fosc da bosc', ch' ang n' udō na fing, sè destennōle fora fengn' bi urtg' e campagnes coltivades. Tal ē dang 1000 angn' 'l Brabante, vijing alla Francea, patria de S. Genofesa, governè dang duca de gran nobiltè, da duttg' respettè nia manco pur sua bravura e 'l grang coraggio t'les battalies, che pur sua sinzira religiung, bella e luminosa onestè, e so amur attivo verso 'l prossimo. In chisc' ultimi cuntg' ē incie sua sposa nia atrament'r, de sentimentg' nobili ē la cung so om 'ng

n'anima e' ng cour, incie t'l' amur e t'la pōra grandissima pur i dè der na bona educaziung alla piccera fia Genofefa.

E la piccea mutta se meritā ben dutta chella pōra, dea ch' ella dimostrā 'ng intendiment svelto e fing, buntè amabil d'l cour, 'ng carattere angelico. A la udei de ceing angn' d'lungia la uma sounung bell picce bancoring sentada, e deburiada affaccenda, dō l'ausenza de chi temp, pro 'l spō o la roda; a l' aldi gnang cung dimandes furbes e siccades, e a vigne dimanda dè respostes intendores fora d'l solito, a la osservè in vigne aziung e parora viva e graziosa, duttg' restā e dijò: Chesta piccea mutta sarà 'ng dè val de morvonua. E spo cang, ch' ell' ā appena compli i disc' angn', e jē a dlisia cung sū genitori, ed ē illò ingjenedlada dang Altè tena procca curida cung plumatc' de scarlat, col mus jintil devot in curù de porpora soutt ai raggi d'illibata innozenza, coi ciaveis blancojings, ch' gnē in bi rōi jou pur les sceables, t' chel guant bell blanc e modesto alzā i oudli blēs al Ceil, e i chinā umile alla terra, illaota impermò, che nell' ess' tignida pur 'ng te piccie angel d'l Paraisc'? — E in veritè, chè che mutta è 'ng angel de consolaziung tles ūties di puri e al lett di amarà cang, ch' ella i portā guant laurè de sua propria mang, o monedes d'arjent regalades dal duca pur sè

fornì. Gonot slaicala da dumang o soulla sera cunung cest t'l brac' innascusc' tles ciales di amara, e i portā speifa rinforzante e ordura delicata, illaota ciamò na raritè in Germania, ch' ella s'ha sparagnè dalla boccia cearà. E col gni plou vedla d'angn' e madura in gioventù, nè sè perdō nia fora sua bellezza e innozenza; anzi duttes les bones umes i mostrā cui deitg' a sua filiolanza la Signorina (illaota nominang ingsceou incie les principesses) pur spidl de devoziung de modestia, amabilitè, e de vigne preziosa virtù, che fornesc' l'anima dena jona.

Grof Sigfrid, cavalier de grang valuta, de sentimentg' nia basc', e bell de persona, i ha salvè la vita t'l muscedōz d'la battaglia al duca de Brabante, e dopo che la verra fō finida elle ste condutt dal duca in propria ciasa, e chesc' i ā ceaffè sou 'ng amur desch' ang so fi, e i pita sua fia pur sposa. Cang ch' el gnē 'l dè, che Genofefa dò s'ung jì col grof ēle affliziung e legrimes pur dutt'l ciastell, e pur i contorni, e sebengn' ch' ella i portā grang amur a chel brao jon cavalier, ēla pou ci ella dutta in legrimes. — Incie 'l Pere lagrimā, cang ch' el l ā plengn' d'amur pur l'ultima ota al cour e i djō: „Va, mia filuola; t'arbandonès pere e uma attempà coll' inzer-tezza de t' udei ciamò na òta in vita sua; mo Iddì t' sii dagnora e dlunc to compangn'.

Tegnet'l tres prejent al pingsir e al cour, sceoucche t' has imparè da nos; nè jì mai fora d'les strades santes, ch' 'l Signur cung sua vita e dottrina t' ha mostrè. Se t' i restes dagnora fedele, nia atramentr, che cina de fengn', pudungse nos pungse a tè senza fastide, e stlù 'ng dè nousc' oudli in pesc'." Soun chesc' s' la tira la Uma a sè, e dutt scomouta e dal grang pittè ēla appena bona de gnì cung chestes cat'r parores: „Aieste fortuna, mia Genofefa, 'l Signur t' accompagne. O mi Di! ci ch' el t' aspetta a tè nè sai, mo 'ng rì presentiment mè stranc' 'l cour. Pur at'r este dagnora stada na bona fia, t' ēs nosta felizité soulla terra, nè tenes as mai fatt 'ng despla-jei: mantegnete ingsceou incie da chilò inant. Straverdete da vigne aziung, che tè fajess' vergogna dang da Iddi e tu genitori. Ciamò naota, mantegnete prossà, e dutt jarà bung: e se n' essung plou da s'udei soun chesta terra, ciara de m' arjunje cung bones operes in Ceil."

Dō chestes parores s' oji intrami dui verso 'l conte: „Fì," i diji, „ella sii cung tē, el vegne cung tè 'l tesoro plou prezioso de nosc' cour, de tè veramentr degno! Ah, porti amur, e fa impara da Pere e Uma". Dutt franco impormett 'l grof, colla sposa injenedlè, a recev'r la benedisiung dai Genitori.

Ingchel moment comparesc' 'l Vesco Idolfo,

ch' ā belle dè a dum i sposi, 'ng veccio venerabile dai ciaveis blanc', mo ciamò in forza da jon: intang ch' el tegn' sura d'ei les mangs pur i benedì, dijel a Genofefa: „No pitè, noviccea! T' à preparè 'l Signor na grang fortuna, bengn' che differente assà da chella, che i presentg' chilò s'imagina: mo el gnarà 'l dè, che duttg' ringraziarà a Iddì cung legrimes de consolaziung. In chel moment, ch' el tè toccherà casi strambi, pengsa amies parores — e sii 'l Signor cung tè.

Chestes parores d'l veccio religioso e pio descedā sou ti courz de chicche ē illò 'l pre-sentiment deng „tocca straordinario“ ch' aspettā senza dubbio a Genofefa; mō chesc' fastide, che druccā duttg', s ē presc' mudè tena oraziung de fiduzia in Dio e sua amabil provvidenza. 'L grof deida sou Genofefa smarida e quasi tena nescea, la fesc' sentè sounung ciaval fornì cung pumpa e s'ung sparesc' impara accom-pagnè dang trupp de cavalcanti.

C A P O II.

Verra.

'L ciastell de Sigfrid s' alzā teng bellissimo post sounung crepp inantr 'l Rein e la Mosel. Cang che chi da nozza revā illò, elle belle i servi e sudditi duttg' de vigne sesso piccei e grangn' cung so plou bell guant ingjignà ai receve cung unur. La strada e la porta d'l

ciastell ē fornides de rames e flus: a pena aspettā vignung 'l moment de pudei udei la Patrona nouia; e ing chel moment fō ci l'impressiung grana, purcicche i trattg' de Genofefa, 'ng vero spidl deng n' anima bella, innozentā, amabile nudrida de pingsirz zelesti, portā la someia deng angel. Gnuda jou dal ciaval jēla a saludè duttg' cung bella grazia, i dijō a vignung parores umiles zerties plenes d'amur, ē rispettosā verso i vecchi, amabile colles umes, che portā sū piccei t'l bracc'; de chisc' orōla savei l'innom e i angn', e i fajō te bi regai, che duttg' ciarà fitt e ē scomoutg'. Mo impermò cang ch' ella, cung lizenza d'l grof, annunziā pur 'l rest d'l an paga doppla ai soldàs e ai servi, i lasceā dō les gravaries ai sudditi e vassalli, e impormettō de partì fora scealdi blaa ai puri s' elle levè sou 'ng sussure de ligrezza, duttg' lagrimaa pur ringraziament sinzir, s' tignō sè e 'l conte pur felizi, pur chesc' m'nai devotes oraziungs al Ceil pur la felicitè di sposi. Finmai chi vedli soldas induris, che ā tan d' angn' battù soutt alla bandira d'l conte, e illò stē de guardia su i purtungs d'l ciastell, ci chi è scomoutg' ch' el i bordorà les legrimes jou pur la berba.

Sigfrid e Genofefa viō cuntentg' in bella pesc', mo chesta felizitè ha poumassa durè ma valgunes edmes. Fatti factorum, na sera dō cena, intang che Genofefa firā e ciantava,

accompagnada dal sposo col laut, dutt al l'improvvisa aldung ingherdening adarlerc sonament de trombetta. „Ci elle?“ sraia 'l conte incuntra al scudier — portaermes, — che salta in chesc' moment da usc' ite. — „Verra“, è la risposta. „I Mori“ — na spezie de turc', ch' à illaota grang to de Spagna in sua potestè — „i Mori gnūs a schires dalla Spagna, à assaltè la Francea, e manadcea de rovinè a fer e fuc 'l palse'. Dui cavalieri menà dal Re porta chesta novella col comando rigurùs, de piè ia belle in chesta noutt, pur arjunje l'armada plou presc' ch' el è possibile.“ Svelto è 'l grof jou pur les scalinades pur azzettè i cavalieri e i menè t'l sallung d'l riceviment; intang chela contessa dutt spurduda salta te ciala da fuc a i arjignè 'l past; chè a chi temp n' i ēle nia massa stlett alles prinzipesses, s' affacendè cear frogorè. Sigfrid passa la noutt in preparaziungs alla verra, fesc' saltè 'ng mess ing cà e inlà da i soldas ti quartirs, e à stabili i ordini duttg' ch' ang dess' osservè tang dī, ch' al è demezz. Intang r'vale da vigne pert truppe nouies de rittri arlerc verso 'l ciastell, che dutt ingherdenii dal strepito d'les ermes, dai ferz di ciavai, e dal marsc' soul tact di soldàs. Genofefa ā spenù dutta la noutt in azzettè i forstiis, e in injignè pro les robes necessaries pur 'l iade. All' alba stē i cavalieri t'l grang salung incear 'l grof dutt

curi de ferr, soul cié l'elmo cun'g plumes che bandorà, sua solita muntura pur la battalia chesta. Dang porta ligna a ligna aspettā la cavellaria e l'infanteria.

All' aufenza d' les Siores de ciastell comparesc' Genofefa t'l salung, i tacca allo sposo la spada cear la centuna, i dà la lancea in mang colles parores: „Maneja chestes ermes pur Iddi, pur defenne l' innozenza arbandonada, e in castigo all' ingiustizia crudele;“ mo chilò i smaresc' 'l mus, vengn' blanc desc' che 'l ling, ch ella tignia in mang e ella toma pūra t' i bracc' d'l sposo: ella sintì ciezze de disgrazià, ch' i druccā 'l cour adum, zenza savei ci.

„O Sigfrid,“ gnuda pro sè istessa, screiela; „se nè te vegnes pa plou!“ e ascongn' 'l mus t'l gormèl. „Pora nia, Genofefa,“ respogn' 'l conte; degungn' al mon mè po batte a terra, s' Iddi nen ò: sung dagnara te suos mangs; la mort nes pō arjungje dertang a ciala, che t'la battaglia, è solamentr Iddi ch' i tangn' 'l bracc'. Unis ad El nen ungfe bria de tromorè de plou tra 'l moscedōz da sanc in battalia, che soung nosc' ciastell, purcicch' El è Iddi degli eserziti, e la forza di virtuosi; chicche tem Iddi, nen ha nia at'r da temei. Quindi, mia cara sposa, mett' in pesc' tua affliziung, e sta zenza fastide pur mi desting. Pruma a Dio, spo al mi fedel capodeciala ai confidè tua

persona, la custodia d'l ciastell, e 'l governo de mia provinzia. At'r ne me rest'l plou fengn' che te raccomanè ciamò naota alla divina provvidenza. Sta bengn', recordete d' mè, preia pur to Sigfrid."

Genofefa l'accompagna in cina sul purtung d'l ciastell; dō vegnel duttg' i cavalieri, alla comparsa de chi sussureia les trombettes, slizzineia les spades fora d'la vaina al luminùs de soredl, che nasceō, e scraiamentg' dé fortuna saluda 'l grof. Pur ascogne les legrimes, che cuntra orentè i bagnà i oudli, sbalzel soul ciaval, e reita svelto a ciè d'la truppa, ch' i va do cunung rumù sceoucche 'l ton a passè 'l punt da balza, che tromorā e ceancantā soutt al tröpp di ciavai.

Genofefa ciara fitt dō a chella schira, cina, ch' ella è fora de oud'l; spo s' ella sarada te sua stanza, pur i dè liberamente sofogo in legrimes alla passiung, ch' i strengjō 'l cour adum, e zenza mangiè àla passé chel dè in legrimes.

C A P O III.

Cicch' el i tocca a Genofefa.

Dō 'l comiè da Sigfrid passā la contessa su dis solitaria, desconsolada assà, mo pur apparenza in pesc'. Da dumang, cang che 'l luminus revā al ciastell inant'r i yedli pecceōs, che l'incercenaa, ēla sentada al balcung, che sporc' infora dal ciastell, scomenceā so laur,

e lasceā tomè val legrima soul fiò, ch' ella cuji
fora, sceoucche la rofada soules flūs di prā.
Cang che la ciampana sonaa a Messa, jēla t'la
capella, e priā devotament'r pur la salvezza
de sò sposo; sua procca nen ē mai outa al
temp di divini uffizi, anzi, ch' ella ē ci do-
misdè valgunes ores illò sora in oraziung. Ella
abbinaa les mittangs d'la villa, ch' ē sott al
ciastell, e intang, ch' ella les insignā a firè
e cuji, les devertila cung cuntamentg' e stories
ūtiles; amica di puri e di amarà da piccera
ing sou, i ēla sengn' uma. El nen ē 'ng
miserabile, che nè ceafass' da Genofefa laur,
o limosina; o amarè, che nell' ess' a so lett,
ai smorjelè la ria saù d'les medejines plou
anties. Les seres cina tert stēla a firè cung
suus camerieres, spo se la luna illuminā 'l
ciastell, s'la godō la contessa sōra a sonè te
sua ciamena 'l laut pur accompagnè val ciantia
devota. In una parora, vigne sua aziung des-
mostrā onestè e puritè, amur a Iddi e al
prossimo e ella nen ess' mai soffrì, che val-
gungn' d' sua jent ess' rajonè o fatt val nia
d' indertura.

Golo ē patrung in ciafa, a chel, che 'l
grof i ha cungfidè dutt, denangche s'ung jì;
Golo, 'ng om furbo, capaze de tra a se 'l
cour deng n'at'r cung baià inganevoli e ma-
nieres dulcejines, pur at'r 'ng om zenza religiung
e coscienza, in maniera, che so proprio vadagn'

i varō ploucche dutt 'l rest, pur chel, e pur su
piazeri ēle pronto a sacrificchè dutt. Sigfrid
sen ē appena chē Golo scomenceā a fa dassenn
da patrung: a ji vistì all' inggrana for de
mesura, a dè pastg' de grang cost, e a desfà
ia in chesta maniera la roba d'l patrung, ch'i
ā confidè massa. E ciamò nia cuntent, mett'l
mang, sofflè sou dalla superbia, a maltrattè i
vedli soldàs e servi fedeli d'l grof, a i scurtè
'l paiament bengn' vadagnè ai orās, e proibì,
di dè ai puri fingmai 'ng to de pang. L' unica
persona, ch' el i desmostraa respett e amur
for de misura, ē Genofefa, pur chesc' 'l trat-
tala ella cung dignità e sodezza, mo mai cung
confidenza, e 'l tignò t'i temungs d'l dover.
'Ng pezz parōle obbedient a su comandi, purvā
anzi d'ascogne cung grang premura su defettg'
ai oudli de Genofefa; mo tang a tang c'rsceōle
l'ardiment e sua svergognatezza cina a i fa
dimandes les plou infames, che pò est'r pur
na fomena fedele, o jōna, d'unur. S'immagini
vignung, cung ci sdegno, che la virtuosa Ge-
nofefa desprijā e refudā te dimandes illezites;
mo degungn' nè sarà mai capazi de capì l'odio,
che purchesc' s' ē descedè sou t'l animo de
Golo, 'ch'e s'ha quindi resolt d'la rovinè.

Desconsolada da rì presentimentg' la con-
tessa ā scritt al grof, e i ā descorì sou cung
plena verità les tramadures de Golo, e priè
d'la deliberè da 'ng uomo tang prigurùs.

Draco, 'l prum coug d'l conte, 'ng om da bengn', purtè pur su patrungs, quindi contrario ai pessimi desengn's de Golo, s' ā tut l'impegno d' i fa r'vè la lettera inascusc' a Sigfrid pur 'ng om sigū ch' ē pronto a jì impara. Intang la finezza de Golo ha spiè chesc' plān, e 'ng dè da dumang, cang che la contessa i consegnā te sua propria stanza 'l scritt a Draco sbrocch 'l ite dutt furioso colla spada tratta ing mang, ammazza 'l pure servo soutt ai oudli de Genofefa e tira lapprō grangn' scraiungs. A chisc' salta allerc dūta la jent d'l ciastell, veiga Genofefa dutt smarida zèinza parora dal spavent, dang su pīsc' Draco mort teng lec de sanc; intang cunta sou Golo, pur sura l' innozenta e nobil sposa, les baujiis plou infames, che finmai i domestizi se dodā. E tang n' i bastā ciamò, mo, zèinza intardivè, attira menel 'ng' apostato al conte cung' calunnies plenes de baujiis pur sura la fomena, ch' ella i è infedele, e à macciè l' onor; e intang ch' el aspetta la risposta, la fescel serrè t'la torr plou spaventosa d'l ciastell.

Golo conesceō avvifa lo spirito d'l grof, ch' ē giust, nobile, plengn' de compassiung e generoso, mo cung dutes chestes virtūs incapaze de se gornè 'l senn spezialment'r se tizzè da gelosia. „Na passiung improvvisa“, rajonava chel malvagio, „descedada e sofflada sou te chel bell animo sarà sceoucche l'anell al nēs

d'la laurz, che la fesc' jì ullacch' ang ò. "Ingsceou trionfava 'l crudele belle dang fora, soulla speranza, che 'l conte t'l prum senn ordineie la mort de Genofefa. Iddì nes straverde dalles passiungs desliades, che tira a delitti tang spaventusc'. —

C A P O IV.

Genofefa te p'rjung.

La torr destinada pur i malfattori, e purchesc' nominada Torr di condannà, ē spaventosa a udei, e Genofefa nela passā mai ia senza sgricc', fengn' ela istessa serrada te chesta p'rjung. Fō chesta na p'rjung freida, scura, timpla, desco 'ng paisc' d'la mort; i murz plens de muffa, ghei vertg' pur l'umidità, 'l funz curì cung cadrì coucei: raggio de soresd'l o luminùs de luna degung, in modo, che la figura de chell' orrida abitaziung comparì ciamò plou confusa e malinconica da chella tan de dè, che passā pur 'ng būsce' a feriada grossa, e gnē rebattuda dalla iesta blancia de Genofefa. Dè e noutt sè lasceala jou sounung grum de strang, da na pert elle 'ng bocchè de terra plengn' d'èga, e 'ng pudè pang fosc' ē sua speifa. Incie sua ceira bella da angelo ē sfigurada dalles legrimes continues, ch' i bagnā i ondli e degorò jou pur 'l mūs. Ci farammo Genofefa te chesc' stato tang miserabile?

Appena che la pūra desgraziada s' ā re-

mettū dalla sporduda, ch' i ā tratt al cōl 'l spavent e l'angosceia d'i terribili avvenimentg' de pucies ores, alzela i oudli e les mangs ingroppades al ceil, e pronunzia in grang devoziung chesta preghiera: „O bung Pere in Ceil! da Os vegniou, chilò soppolida, da duttg' arbandonada, at'r, che da Os sū no: purcicche oud'l umano nè veiga mia desfortuna e a uredla d'uomo nè ruva mies plures, mo Os d'lunc' present incie te chesta p'rjung orida e scura udeis mies legrimes e aldīs mi sospiri. Mi parentg' nè 'sà nia de mia mala sorte, lo sposo, ch' m' ais dè è dalunc', 'l brac' de tangn' de mi amizi nè mè pō dè aiut, mo Ofta mang nen è scurtada. Bonissimo pere, Os che pudeis daurì les portes de chesta fossa, ede compassiung de mè.“

Spo sè lasc'la indō jou druccada dall'affi-ziung zenza parora e zenza legrimes screiela indō: O beates chelles creatures les plou miserabiles, che po udei 'l bell blē d'l firmament, e 'l bell vert di prā in flu. O cutang miù ch' el foss' pur me est'r na contadina plouttosc' che Signura, na pura, che mess' jì a s'l ceaffè, che na prinzipessa, chilò cung bell e nia! nia plou, nia! nianche soled'l no, che lumina pou pur duttg'. Mo impò, continueiela dlung pit-tang, seife, o mi bung Signur, incie pur mè. Os seis pur mè soledl, che illumineis mia anima, cang ch' i pense a Os, e mè scealdeis

’l cour, fora soutt alla dlaccea d’angoscies da mort, e mè fasceis amabiles pur fing les legri-mes. — Chi nè la capesc’ chilò, che la s. Religiung e devota oraziung è l’ unico, che consola t’les maiùs tribulaziungs?

Illaoa slizzinā t’l pingfir de Genofefa les parores d’l Vesco Venerabile: „Chesta è adunque la fortuna, che m’ ais pofetizè, chesc’ carzer m’ aspettā dunque dō ’l portung fornì in flus. Pouimpò, dea ch’ l Signur l’ha lasceada suzzede, ch’ i sii serrada ià, mess’ estr’ chesc’ mia fortuna, purcicche a proporziung d’l amur, ch’ El nes porta menel les desgrazies, che è favori mal conesceūs. In veritè, sott a affliziungs granes e psoccies s’ ascognel grang grazies e fortunes, sceoucche sua provvidenza ha stlutt soutt na scuscea antia troucc’ frutti de saū bona ducea. A pora nia toli sou chestes penes da sua mang paterna e i nè gnarà cung lamentanzes contra chel, che mè perseghita. Chilò pronta, o Signur, trattemme in ci maniera ch’ oreis, madèr nè mè tolleda osta grazia; contra osta orentè degungn’ nè mè pō fa pati.“ Da chesc’ veigung, che bones animes tira fora dla s. Religiung maiùs consolaziungs che nè sii les plou grang tribulaziungs.

Dō chelles parores sè sintila l’anima dutt confortada, e el parò che na usc’ intèrna i discess’: „Bung caraggio, Genofefa, maiùs crusc’ tè poste aspettè ciamò, mo ’l Signur tè libe-

rarà da duttes. Sengn' dubiteia la jent de tua virtù e innozenza, mo el gnarà 'l dè, ch' ella luminerà plou bella che soledl." — Na bona coscienza porta 'l germe de consolaziung desch' de vita la somenza. — Soung chesc' s' ēla indormedida Genofefa.

C A P O V.

Cicch' el suzzed' te p'rjung.

Chi valgungn' meisc' che Genofefa ā passè t'l spavent d'la p'rjung, l' unica persona, ch' ella ceaffà da udei, ele Golo, che gnē decunting cung suus dimandes disònorevoles, e solamentr a chisc' patti impormettōle de la lascè r'vè a unur e libertà; mo la pūra disgraziada i dē dagnara la medema risposta: „Trou m'iu com-pari desonorada ai oudli de jent, che l' est'r in veritè dang da i oudli d' Iddì; plouttosc' fraidì in funz dena torr, che r'vè cung colpa sou n' ung trono.“ — Na te virtù invinzibile impianta 'l s. timor d' Iddì incie tena donna!

Intang sintì Genofefa suus penes ciamò de plou, dea che, dopo che Sigfrid sè n' è ju alla verra, conesceōla, ch' ella ē uma, è 'l moment dezisivo è daimprō. E ella nè s' à fallè, purcicch' ella ā partorì 'ng baming. „O mi caro fi“ sospireiela intang ch' ella sè druccā al cour che pura creatura, „te chesc' luc orrido ēste destinè de gnì al mon. Chilò soung mi cour palsa e scealdete, chè tua pūra uma nen

à ci na fascea da tè curì nè. Che tè darà val da beire? Chesc' mi seno deb'l e smagri nen à nia pur tè. Te chesta spelunca sgricceorofa nen elle pur tè 'ng pizz, che nè sñi pera freida; da chesc' òt tume e fosc gott'l tres jou ega; tè messarās ben presc' murì dalla meferia. O! os mureies malinconiches, che nes serreis fora d'l mon, semia che bagneis chest' amabil creatura, seis impò manco crudies, che li uomini, chè daccordo cung mia tribulaziung lagrimeife ci os cung me.“

Dō chestes parores, plenes de passiung, sceoucch' elles nè pudō gni atrament'r dal fantinament de na uma afflitissima, alzela i oudli al Ceil, e 'l picce appena nasceù, cung sūs mangs debles, che tromorā, spo scraiola soutt a legrimes: „O Signur, da Os ai iou ceaffè chesc' fi, da Os ale la vita; pur est'r osta sincunda, ald'l a Os, a Os, mess'l gni consagrè. Sigù, i sung d'l dutt obliada de s'l dè a Os. Mo i nel pò nia cundū in t' osta s. dlisia. Pur at'r seife Os dlunc prejent; e ullacche Os seis, illò elle ci osc' tempio. In mancanza de 'ng amico, che 'l porte a batto, e deng sacro ministro, che recorde a pere e compère su oblighi, farai iou da sacerdote, da pere e töt. Quindi impormetti chilò solennement'r d'l tra sou t'la s. fede in Os, Padre eterno, in osc' divin Filuolo, e nello Spirito S., alla cogniziung de Os, t'l amur d' Iddi e

de duttg' li uomini; i s'impormette d'l assigurè dal mal desc' ch' 'ng tesoro prezioso a mè confidè, pur sel restitui senza maccia ing chel dè, ullacche dutt gnarà appefè e giudichè.“ Dopo ch' ella ā p'riè dī assà à la tut la mes-saria da l' ega e à battiè 'l bambing soutt àl innom Schmerzenreich (Dolricc, o, Ricc de do-lori) o Lagrimè: chè soutt a dudurz e legrimes ēle gnu àl mon. — Jugsceoū dess' vign' uma i dè sū fiis a Iddì, resolta di nudrì sou pur El, do sua s. orentè e dottrina.

Ella injoppa spo 'l picce t'l gormèl, s'l drucca al piete e disc': „Chesta sarà tua cuna“, e cunung oud'l soul pang fosc, ch' ella ā dang sè, seghitāla: „Chesc', o pura creatura, sarà da chilò inant tua speifa, chesc' pude pang grō dur, appena bastante pur mè. Tua consolaziung, ch' el sarà smorjelè dalles legrimes de tua uma, e fatt abbastang dalla divina provvidenza.“ E cang ch' ella 'ng mastiā pur sè ing dēla na pērt alla piccea creatura; cang ch' ella odō despò ch' el dormī chitament'r, pur sura inchlinada sospirāla:

O Signur, dede na udlada da Ceil soung chesc' pure picce, che dorm te mi greme. Vigne flu, soppolida te chesta grotta freida, scura, zenza lum de soled'l, zenza 'ng pude cialt, e aria sana, vigne flu messass' perde 'l fresc' e 'l curū, e diventè ghela e smarida. Co mai sarà bona de resister chilò na pianta

delicata compagna a chesta. Signur, no 'l lascede grafumè te chesta m'fèria. Jou l'ame, e dess' cung ligrezza pur el mia vīta, mo, Os, o mi bung Iddì, l' amais ciamò de plou; pur-cicch' ameis mè, e duttg' li uomini ploucche vign' uma mai ame sua propria creatura. Sè, scraiàla da dàlt, sè el è ostes parores:

Se incie na uma se pō desmentie so filuolo, nè mè desmentiarai mai iou de tè. A chesta usc' s' ēle descedè 'l picce, e i riō amabilment'r addōs alla uma, e ci i sleff d'la uma in chel moment ē sforzà, la pruma òta te chella p'rjung, de fa la grigna da rì. „Bella, sceoucche deng' angel, è tua ceira da rì, caro mi fi,“ dijela, tang, ch ella s' l strensceō al piete, „nè cunescesses't tou 'l spavent de chesc' luc? Ah, nonò: seghita pouma a rì, che in chest' acea to bell rì mè dā da intenne ploucche mille parores. El pē, che t' m' oies dī: „No pitede, uma, stede plouttosc' de bona vouia: os seis pura, mo ricc è Iddì, se seis ci arbandonada zenza aiut, è pou Dio generoso, os me porteis grang amur, mo maiū è l'amur ch' Iddì sè porta a nos intrami. — A riit'la pouma, piccening, chè cina, che te riis, ne degörr les legrimes d' tua uma.

Dopo, ch' el ē passè ingsceou plou dīs, vegn'l indō Golo, burt, e col mus disturbè. „Bung prō“ disc' l, „s'ureis restè ostinada t'

osta mattitè, e sè tignì a 'ng scrupolo de virtù; ede almanco pietè d' osc' fi, che se nè seis a mi contentg: la mort a intrami dui; Dio me castieie, s' i mente“. „Mille otes la mort“ respong'n' Genofefa in pesc' e a pora nia, „plouttosc' che acconsentì a 'ng fatt, che me fascess' vergogna dang da Iddi, dang da mi cari genitori, dang da mī sposo e li uomini duttg'“. Cuna burta odlada plena de rabbia sè retira Golo blöghēl dal senn, et'l jì fora i dale 'ng bott alla porta de ferr, che la terra tromorā, e dutt inggherdenia fora pur chi ghebēlmeri.

C A P O VI.

Genofefa vengn', a savei, cicch el i aspetta.

Cear mezza noutt, inaspettatament'r, vegnel battù pro 'l vider de che ria piccea finestra, e na usc' sottira e scomöta damana: „Signura, dormife? Ci novella mai sè melsi iou portè. O, mi Di! 'l pittè me lascea appena baiè! Ah, lot'r de Golo, Dii te castieie jou ing funz d'l ingfèr.“ „Mo che este tou?“ damana Genofefa, itang ch' ella salta sou cuntra la finestra fermada cung feriada.

Jou sung Berta, fia d'l capo dles p'rjungs, belle da 'ng bung pezz amarada, e m' ais fatt tang troupp d'l bengn'. Ah, ch' i s' ame tres, e i s' oress' desmostrè mi ringraziament, mo, baldi, sungfi sforzada a s' annunziè na cosa

terribile. Chesta medema noult seife os destinada alla mort, e pur ordine d'l grof, che sè crei ing colpa dō les accuses de Golo. Chesc' à l' ordine scritt in mang, e i boies è preparà pur sè taiē ia 'l ciè; e chesc' e pou massa veritè, chè cung mies propres oredles ai istessa aldi i ordini, che Golo a dè pur òsta mort. E no ma os, mo ci osta creatura piccera è condannada alla mort, purcicche 'l conte nella ò reconesce pur so fi. Ah! chesta desconsolaziung m' a levè ia la sonn, nè mè lasceā stlù 'l oud'l, e appena, che duttg' ē indormediis, m' ai strascinè amarada fora de lett, e straccè cina chilò; purcicche i n' ess' plou pudù vire; zeinza sè baie ciamò na òta, e sè ringraziè d'osta bontè verso de mè. S'el sè resta ciamò val comando, o zenza val da me confidè, descurimme dutt, acceocche ousc' affari scognūs, nè vegne sopolis cung os, e forsi ch' i pō 'ng dè fa gnì a lum osta innozenza.

La sporduda e 'l, spavent tignò la p'rjona 'ng pezz tang frem, ch' ella nè podō gnì cuna porora, finalment'r: „Bona muta“, jemla, „ah! de grazia, porteme papire, penna, tinta e lum“. Cang, ch' ell' ā chesc' scrila pur terra, chè mefa n' ēle d'guna, chesta lettera:

„Caro sposo!

I te scrì dal salajei freit d' mia p'rjung, ing chel moment, che t' lieràs chesc' sfōi, sarà

mi corp belle 'ng bung pezz immobile e freit soultt terra. Dō val ora m' aspetta 'l giudizio d' Iddi: li uomini mè mena alla mort pur colpevole c'rduda, mo El sà, ch' i moure innozentia. In sua divina prsenza soull' urt d'l eternità t' assigurei ci tè: i arbandone 'l mon qual vittima senza maccia.

Mi ottimo sposo, i tè compatesc, che tes gnu orrendament'r ingianè: s' el nè foss' chesc', nè lasceass' te mai morì tua fomena e to fi: mo s' t' n' ascorjeràs 'ng dè o l' at'r dè to fal, mettete in pesc', chè tou t' m' às dognarà amè, e tou nè t' às colpa de mia mort: . . . ella è l' urei d' Iddi.

Impò i prei perdon pur tua precipitanza: da chilò innant nè condannè maiploù persona, denanche l' avei esaminada; - e 'l mī sii to pruim e ultimo giudizio despingsirè. Despāia jou chesc' unico fal cung mille atres bones operes e nobiles. Chesc' 'l m'iū ch' t' pos fa, in veritè, a ci jova affliziung e crusc'? Nè tè desmentìè mai, ch' el è 'ng Paraisc', ullacche t'udaràs indō tūa Genofefa, e t' impararàs pur la pruma ota a conesce to fi, che nè t' as aibù la fortuna d'l pudei udei soulla terra; illò nè sarale plou ria jent, che nes posse despartì.

Intang i momentg' de mia vita è compedà: i à fatt mi ultimo dovere, ch' ē dè tè spieghè mia innozenza. Pur sura t' ringrazi d'l grang amur, ch' t' m' as portè i dīs de

maiù fortuna: e vi continuè, oramai zeleste
porti te fossa cung me l' amur tè.

Ite raccomandane mi bongn' genitori, siiste
'ng vero fi verso d' ei, e smorjelèi la crusc:
Ad ei nè poi plou scri, puricche la mort m'
è massa daimprò, mo diile, che Genofefa è
zenza colpa, anzi, ch' ella è morta innozent,
tres cul pingsir ad ei, cung vera r'conoscenza
pur 'l bengn' ch' ei i à fatt.

„Spirito de vendetta o senn nè tè tras-
porte ad accopè 'l pure Golo, verc' e for de
cervell: perdoni, sceoucche iou i perdone! ite
preie, che t' m' esaudesses, ch' iou nen ò
portè all' eternità 'l minimo rancore, e el nè
vegne spanū ci na gotta de sanc nè pur mia
gausa.

Tang manco arjunje to odio chicche m'ha
battù ia 'l cie, dea ch' ei è innozentg', anzi
colmei de benefizi cung duttes sūs families;
cicch' ei à fatt, ai sigù fatt der ingiert. Draco
to fedel servo è mort innozent, aiuta sua ved'va
arbandonada, e fā da pere ai puri orfani.
Chesc' è pur tè 'ng dover da soddesfà, purcicch'
el è mōrt pur tē, pur fedeltè a tua ciasa. Re-
cordete de spieghe pubblicament'r e solenne-
ment'r sua innozenza.

„La bona muta, che t' farà avei chesta
cherta, merita est'r premiada, pur sua unica
fedeltè, intang che duttg' m' ojō 'l spinè, o

plouttosc' nè s' ingfidā, pur pora da Golo, a s' ung tō sūra d' mè.

„Siste bung cung duttg' tu sudditi, n' i aggravè malsa, dàì giudizi giustg', bongn' Sazerdoti, e medi prattigà. Chi ha plura, ascolta vignung, e siste spezialment'r pronto ai fa d'l bengn' ai puri. Ah! i sperā d' pudei diventè uma a tua jent, e i fa d'l bengn', mo tou t'l farās sengn' impede mè, dop'l pere, aste l' obligo, d' i est'r.

„Sposo! l' ultimo arved'r! 'l pingsir pur mè nè tè fesse massa grang crusc', ch' iou moure contenta: la vita è curta plena de guai, e sebengn' ch' i sung peccatrize, mouri inno-zenta dalles accuses de Golo, sceoucche Gesù in Crusc', ch' à sigù comparsiung d' mia anima. I lascc' chesta vita cunnung n' animo recon-ziliè plengn' d'amur, e incie in punt d' mort sungfi la tua fedele sposa

Genofefa“.

Chisc' è i sentimentg' d'l giust in prepara-ziung alla mort: d'accordo cung Dī, d'accordo col prossimo dessung morì. Soutt a troupes legrimes āla scritt chesta sua ultima lettera, e ella ē tang traffognuda, ch' ang la pudō appena lì. E a la consignè a Berta, disc' la: „Rincur'la sceoucche 'ng grang tesoro, tengn'la da duttg' ascognuda, e unicament'r im mang a mi om ila consignaraste a so ritorno. „Spo sè destacch'la dal col l'unica morona de perles

ch' i è restada in forniment, e seghita a dì:
„Toui chestes perles, mutta amabile, in paia-
ment d' tua compassiung pur mè, e in caparra
de tua fedeltè: elles è mi forniment prezioso
da n'vicceà, ch' i nèm' ā oramai mai tutt dal
cōl demezz da chel moment, ch' i l' à ceaffè
da Sigfrid. De sengn' impede dess' 'l servì a
tua nozza, el vè plou mille reinesc': mo s' t'es
ci sengn' ricca nò confidete sui bengn' s
d'la terra: recordete, che 'l cōl, ch' l' à portè
è gnu taiè dalla sabla. Impara a nè t' ingfidè
incie d' i plou bongn' tra li uomini, chè che
ess' mai ditt, che chel chè mè fornì de perles
mè farà batte ia 'l ciè? Mi esempio quindi
t' ingsegne a mette in Dì su tua confidenza.
Sengn' va, mantegnete prossa e da bengn', e
lasceme, ch' i fesse mīs ultimes oraziungs a
Iddi, e mè preparè al vare fatale all' eternità.“

C A P O VII.

Genofefa vengn' ledia dalla p'rjung.

Che mutta sen ē appena, che la portà de
ferr d'la p'rjung se deura cunz susses; e el
vengn' ite dui soldās dalla corazza — corpett
d' acceà — corīs, ung cunung zavalì de fuc in
mang, l'atr culla spada tratta soutt al bracc'.
A i udei tromorā Genofefa, e col picce in bracc'
sè mettela su i jonedli a priè. In chesc' fa:
„Leva sou (disc' cunz usc' grōia chel che
tignì la spada, e fasceō l'uffize da bōia) leva

sou Genofefa tēt 'l picce mutt e vī dō. “ Ella scraia: „Dio m' aie in sua proteziung! t' suus mangs mè metti cung fiduzia;“ s' alza e va ceangcantang daò les pedies de chi pur 'ng trū sott terra, che jē a bisca, e parō, che nè sè finissa mai. Dangfora l' om col chentl, l' at'r dō cunung grang ciang pattinūs. Finalment'r r'vā a 'ng n' at'r grang usc' de ferr, tira fore 'l prum na tlē e destuda 'l zavali; pur chesta porta r'vāng a 'ng post alt, soutt al ceil destenū fora, nia lunc' dang grang bosc'. El ē da d' alton, nā bella noultt serena: 'l ceil somnē de sterres, la luna jē a florì, vent freit che scottà, dutt zeinza bell chīt. Ei straccea la desgraziada dī lunc' ite pur la boscaia, cina ch' ei ē r'va a 'ng plāz lede, incercenē ite da peccēōs altg' e fosc', da nugares forestes e scures, e brusces, che sè neinā; chilò 'l soldà colla spada mett mang a baiē in maniera groia: „Fermo, Genofefa, injenedleite.“ Genofefa obbedesc'. „Da ca la creatura, e tou Ruggero, stoppa i oudli. A chestes parores peiel la creatura pur i piccei bracc', alza la fabla; mo la uma sè stranc' la creatura t' i bracc' alza i oudli al ceil, e scraia: Signur, tollesse mia vita, mo sconede la vita de mi fi.“

„Da pērt les ciaccoles (respogn' dessenē 'l bōia), cicch' è comanē, mess' diventē. Ca col baming.“

Mo tra sedlottg' e legrimes continua Geno-

fefa: „O benedettg' che seis! seife propi da tang, da accopè chesc' innozent desgraziè? infing, ci colpa àle? a che i àle fatt de tōrt? Mè, pur mè, amazzemme pouma, cung ligrezza abbraccei la mort, mo mi fi, lascede vire: porteile a mi genitori; e s' el nè s' è lezito chesc', lascëmme vire, no pur mè, mo pur bengn' de chesta creatura. Cina ch' i arrà vita, n' arbandonarai mai chesc' bosc, n' udarai at'r fazia umana: impò cunsiderede osta signura e contessa pur terra, che s' abbraccea i jonedli e sè scongiura. S' el è mai ste colpa de mal, accopëmme, chilò aife mia vita; s' i à cometù 'ng delitto, m' ai meritè la mort; mo os conesceis, scë! os saveis mia innozenza, e el gnarà chel dè, che sè pentireis desigù, d' avei desprijè les legrimes d' osta patrona innozente. Ede m'fericordia, ch Iddi arà incie m'fericordia cung os. No sè lascede tra al mal da premio terreno, chè eterno è 'l castigo. Aife plou tema da Dio, chè dalli uomini, o aife plou pora da Golo che da Iddi? Sī cicch' el oie, nè spanede sanc innozent: 'l sanc innozent scraia al ceil pur vendetta, e n' i lascea mai pesc' all' omicida.“

„At'r nè feji iou, che cicche m' è stè comanè, giust, o ingiust, pengle Golo e 'l grof,“ respogn' 'l soldà. Genofefa ne' zed' ciamò, mo seghita a priè e scongiurè: „Impò! ciarei alla luna in ceil, cocch' ella prova

d' s' ascogne dō i pēcc', pur nè m'sei ciarè pro al delitto, che seis pur commette, cocch' ella sè intenc' te sanc al florì! Ingsceou la udereife gonot da fengn' innant, 'ng rimprovero vi d'l sanc spanù ingiustament'r: e intang ch' ella comparirà ci ai atri duttg' luminofa soul firmament, a ousc' oudli saralla dagnara intenta d'l medemo curù da mort. Aldide, aldide, cocche 'l vent sciura, e urla spaventosament'r! cocche les rames sè mosceda cung senn; dutta la natura dimostra orror a udei sacrificang l'innozente, ingsceou sè faralla dagnara spavent! Osservede les sterres sceoucche t'angn' d' oudli in ceil? e soutt a chisc' oud'li zelesti sareife capazi de commette 'ng te delitto orrendo. Nè sè recordeife, che sura les fterres elle 'ng Dī, a sō tribunal sè messareife naota p'rjentè? E Os, prum Pere d'les vedoes e di orfani, smorjellede 'l cour a chisc' òmi, ch' à pou incie fomena e creatures, Os fermei 'l bracc', acceocch' ei i lasce la vita a na pura uma cung sua unica creatura, ci sūs legrimes degor sou da Os. Ah! fajede, ch' ei nè sè maccie les mangs cung tē delitto da sanc."

L' om col zavalì, ch' ā cina fengn' très scutè, sè sfreia ia na legrima e disc': Conrad, ella mè rump 'l cour: Lasceundi vire, e s' t'ospropiavei sanc', fōri plouttosc' la spada t'l cour a Golo. Degung at'r, che el à la colpa, mo chesta in vita sua nen à mai fatt at'r ch'

d'l bengn': e in spezie recordete, cicch ella t'à fatt d' bengn' a tē in t' tua ultima marattia.“

„Morì mess'la (disc' l'atr) el nen è scampo. O mi bung Ruggèr, tou nè t' sas cutang mē, ch' el mē fesc' al cour a la messei accopè, mo se la lasceung vire, n' i sceampungfe nos alla mort.

Spo ci sè jov'la? Golo la ceaffa dagnara: t' sas pou, ch' i messung portè i oudli pur prova de sua mort.“

„Pro dutt chesc' (respongn' Ruggèr): i pudungfe varentè la vita. El è mezzo d' palejè ia dutt: pur nosta sugurtè ifasceund'la dè jorament, d' n' arbandonè mai chesta boscaia; e a Golo? a Golo i purtungfe i oudli de tō ciang: mettùg peinc, che 'l rimorso n'i dà 'l bastalam d'i considerè tang avvifa, da sen ascorje d'l ingiannament. O forsi? te vegnel ersura ad accopè to ciang? Dunque à t' tō oud'l nosta bona signura e so picce fi, na uma desfortunada e na creatura innozente, manco valuta, che 'ng ciang? O Conrad! nè siste inumano.“

Chel nè sungfi (disc'l); e Iddi 'l sa, ci torment, ch' el mē fesc' chesc' offize; mo la rabbia de Golo, se . . .“

Dagnara Golo (i salta t'l rajonè Ruggèr); mo salvè na vita innozente è na bon opera e a fa d'l bengn' nè dessung avei pōra, s' ang m'sass' ci ris'ciè val. E alla fing di fings, ci

foss'l pa incie, se r'valsung teng mal, tert o a bon ora la messungfe impò paiè."

Finalment'r disc' l' at'r: „Ch' ella vade sceoucche t' os tou, e ris'ciund'la.“ Soung chestes parores i āle fatt dè jurament a Genofefa, de nè gnì mai plou fora de chel bosc: e ella m'ssā di dò 'la forma d'l jurament, de parora in parora, sceoucch' ella i gnē ditta dant. Ruggèr dē jurament soulla spada, de nè di mai parora a valgungn', e de nè gnì mai alla chirì; e pur plena sogortè l' ai m'nada plou ores ite pur la muntagna cina ana val deferta, ullacch' el nen ē mai r'vè pedia d' persona umana. Confinada illò s' āla lascè jou soutt ang grang pecceō, e illò l' ai lasceada i soldas, e sen è jūs pur les pedies, ch' ei ē gnūs. Illaota ung de chi dui, colles lēgrimes ai oudli, scraiā: „Aie Iddi compassiung de chella pura stenta e d' sua creatura! s' Iddi nè fossa plou misericordioso, che li uomini, foss'la cung dutt finida.“ — O benedetta nosta s. Religiung, ella sora è capaze di tō la crudeltè ai lūs e alles laurz! —

R'vā de retorno al ciastell, ai ceaffè Golo cuna ceīra de desperaziung, sentè te sua stanza col ciè tles mangs.

„T' portung i oudli“ disc' Conrad, e i mostra dal lime d' usc' t'la mang i oudli d'l ciang. „N' i ò udei (urla Golo cung usc' spaventosa e la mang alla spada); e se valgungn'

mè nomineia chella desgraziada, 'l copi; jimme dai oudli, e nè sè lascede mai plou udei da mè. Cosa stramba! (continueil tra sè) tang bella, ch' el mē parò denant la vendetta! e la novella fengn', ch' ella è soddesfatta, m' è 'ng te torment, ch' i perdess' giang 'ng deit, se mi ordini nè foss' adimplis. O cutang ch' ang s'ingiana a sè lascè trasportè dana ria passiung — D' tè Caings elle troucc' al mon, che nen à plou deguna tria dō 'l picciè. —

C A P O VIII.

Genofefa te bosc.

'Ng bung pezz de temp è Genofefa stada mezz indormedida soutt a chel pecc', e finalment'r r'vegnuda a sè, s' udōla cung so picce sora teng grang bosc spess. La luna ē belle jou, nioi follà curi 'l ceil, incearia dutt securitè e 'ng grang vent urlava inant'r chi leng's. Soura sō ciè scraiā 'l dūle, e nia da lunc' urlā 'ng lu pur risposta. Genofefa ē fora de sè dal grang spavent.

„O mi Dì, mi Dì! (screiela) cutang ch' i me teme: e impō seife Os chilò d'lungia mè, Os m' udeis, a Os elle la noutt tang luminosa, ch' 'l dè, e Os seis prejent incie, ullacch' el nen è zenza d'gungn'. Nè s' ingianna chicche confida in Os. Dopo che m' ais salvè mè e mi fi dalles mangs dei uomini, nennes lasceife

sigune scarzè dai lūs. In Os òi cungfidè, e ste a pora nia.“

In despò coffada soutt' al lengn', 'l bam-
bing strent al cour, colles mangs tignides sou
ōta cui oudli a Iddi in legrimes aspett'la l' alba
in chella devota posiziung. Mo la dè vengn'
cung angoscies nouies: el ē na dumang scura
dutt in ciarù, 'l post ert, imboschè orrido, dutt
in crepp, che spuntā, plengn' de vedli pecc'
fosc', d' rōs e trōgnores de sniure. El m'nā
'ngn' aria dalla dumang freida e taianta, alla
fing āle ciamò m'tù mang a plouei e nevei der
da senn. La pura Siora dutta dlacceada tro-
morā sceoucch' na fouia, e 'l picce baming
à scumencè a scraiè pur 'l freit, l' umidità, e
da fang. Ella chirì de ban 'ng lengn' doi o
'ng andr, pur ji ad asosta, o val frutt d' bosc
pur sè parè la fang: nia, no 'ng post sūtt, no
na bromora sou na trognora. Spo à la ma
m'ssè cung su deitg delicatg' crazzè val raisc'
fora d'la terra dlacceada, ch' 'l sanc intengjō
la nei; ella mastià, desch' ella è bona, chella
speisa crudia e illa dè al picce.

Debla dunque e fiacca, 'l baming al cōl,
firāla soutt nei e plouia pur chel desert spa-
ventùs, zeinza direziung e zil; impò ingcand'nò
r'vada la secunda ōta souna groupa, veighela
soutt a d' sè inantr routtenes na piccera val
verda strenta. Illò s'arpizz'la jou strusciando,
e t' na pera ascognuda inantr lengn's spesc'

veighela 'ng busc' curi pro dana rama deng lengn', che sè destennō fora, e pur chel busc' pudōng t' na caverna grana assà pur necessitè da pudei abità laite dūs trei persones. Cung rumū d'gorōle jou 'ng piung d' ega bella sarena sceoucche 'ng spid'l, che nasceō fora d'la creppa; soull' urt d'l prezipizio sè storjōva 'ng lengn' sceoucche 'ng chirbis, les fouies ē seccies, e les zūcches ca e là pur terra mēles frades; e nè contignō plou val da mangiè.

Genofefa s' è tratta col baming te chella caverna, ullacch' ella ē almanco siguda dalla plouia e dal vent: mo seghitā d' ma a tromorè e sgriccè dal freit. El ē belle mīldè, e la fang sè fasceō sinti dassenn, e 'l picce mettō mang a jemè e pittè. La uma 'l pōn' dang sè ia pur terra, spo ōta cuntra l busc' d'la spelunca sou i jonedli, cui ōudli al ceil e les mangs tignides sou, preiela in chestà maniera. „Pere in ceil plengn' de bontè, dei na udlada a na uma arbandonada, ch' jem', e a na creatura innozente, che s'indeblesc' ia. Zenz' at'r seife Os, che provvedeis d'speifa i corv incie d'ingver sou pur chisc' crepp, e nè sè desmentieis i rumungs, ch' s'intorc' sou pur chestes pēres, mo i mantigniis ci t'la plou crudia sajung 'l must'l vert, Os pudeis bengn' incie mantigni mè e mia creatura, pudeis ci fa d'les peres pang. Ah no, Pere, che nè nes lasceis mori da fang; se nes ais m'nè soutt a cuērt, nes darais ci da vire.

E vè, t'na òta sè desfesc' fora i nioi, e soresd'l dà ite cialt e amabile te chella caverna; ang alda 'ng rumù t'les fouies seccies pur terra, e soul būsce' da ji t'l ant'r comparesc' 'l na cerfa. Mai da jent perseghitada chella pura bestia nè sè t'mō, e vengn' ite a pora nia — t' sua solita stala, e stē ma bell d'lungia Genofefa, che impruma sporduda all' audei, s' ā attira fatt coraggio, e mettù mang alla inzertiè; e chesc' parōle ch' i savess' bung alla cerfa. Spo i tom'l ite a Genofefa de s' nudri sè istessa e la creatura col latt d' chell' animal. „O mi Di! a ci nè sforza“ disc'la „grang necessitè na pura uma“, itang ch' ella mett 'l viadù pro les tettes d'la cerfa, che nè sè strafajō nett nia, dea che 'ng lū i ā scarzè l'afō. Soung chesc' à Genofefa ingjoppè 'l picce teng ceum d' so guant, e cang ch' el ē indorm'dì, 'l ponela teng pizz d'la caverna, ullacch' el ē 'ng bell post der d'l vers pur el.

Dopo ch' ella à in chesta fofa ringcurè la creatura, pengsela finalment'r a sè istessa. Ella va fora, e abina sou les zūcches ca e là pur terra, les taia a mezz jou, tol fora 'l miöll, e les lava pro la fontana. Cang ch' ella vengn' ite ē la cerfa jetada, mo è attira l'vada sou a mangiè fouia e erba fresca ch' Genofefa i sporjō; e i liccā lifirmentr la mang in sengn' d' ringraziament. Spo à la purvè d'la mūje, e à impli d' latt cutan d' chelles zucches dōies.

Despò s'ella injenedlada jou, e tignò in alt
cung intrames les mangs una d' chelles mas-
saries plena d' latt fresc', e scraia cung legri-
mes de ligrezza: „O mi bung Di, tolledè sou
mīs legrimes in ringraziament d' chesta preziosa
sincunda, purcicche chesc' latt, ch' i sung pur
beire, è zenz' at'r 'ng osc' beneficio. Os ais
fatt nasce da chesc' crepp secc pur mē na
fontana fresca, Os ais urù che 'ng videll sè
perde t' chesc' bosc 'ng granell d' chirbes,
acceocch' i ceaffass' na massaria da d' abinè
sou 'l latt; Os ais rev'nù mi varesc' a chesta
grotta, ullacche chesc' bung animal à sua tana.
Sengn' sè pudungfe rinforzè iou e mi fi, e in
confidenza in Os poi aspettè a pora nia 'l grang
freit, e i ventg' crudi.

Spo alla boiù, e legrimes d' ringraziament
s' moscedā col latt. „O ci bona boanda,
(dijōla) da tang 'na bona saù n' ung n' ai
mai ciarciè! O mi Di, cutang puccia stima ch'i
fajō d'les derzades soung tavola d' mi Pere,
perdonemmela, ch' i s' à illaota ringraziè massa
mal, e ch' i à deidè massa puc i puri, purcicche
i nè conesceōva illaota, baldi! nia cutang mē
ch' la fang fesc'.

Ringforzada col latt ella tornada fora ad
abinè must'l, lteind'r e sūtt, dalles creppes e da
cianac' vedli, e dopo ch' ella n' ā abinè plou
fasc' adum s' āla injignè a sè e pur 'l picce
t'la caverna 'ng lett morjell. Spo à la ciamò

dobliè jou les grang rames ceattadudes, che pingolà dan la porta d'l and'r, pur l' assigurè ciamò plou dal vent. Soutt a 'ng ceadōrt'l d' peccēō alla ceaffè na rōuta der bell inzinzorada da barbuzza blancia ghēla e foscea, ella la rump in dui tōc' desvalis e i lieia cuna rama teindra adum in forma d' crusc', e l' à fermada t'l miù post d'la grotta; spo stancia s' ella punuda soul lett de must'l ia pur terra. Les rames d' p'ccēō cūrì la porta desco na cutra verda, lasceā ma passè ite 'ng pu de luminùs, e 'l flē d'la cerfa scealdā ite chell'a-bitaziung salvara a bastanza. Sengn' ch' ella ē punuda, sè sintila bengn' e rinforzada ploucche mai: ella ringrazia a Iddi, ch' El l' à d'liberada fora d'la p'rjung sgricceorofa, e i à conzedù 'ng post sigù cuntra l'aspettaziung d' Golo. Ella pengsa ben, ch' el i resterà ci illò troupp da patì, mo òta cuntra la crusc' àla scomencè a priè in chesta maniera:

„Mi divin Redentore, ch' ais spirè ost' anima pur mè soulla crusc', chesc' sengn' d'la crusc' mè sii dagnora dang i oudli, pur m' recordè osc' amur. Cung Os oi scomencè a vire solitaria da romitessa te chesta selva, i fastidi, che mè drucca, sarà mia crusc', e dō osc' esempio la oi portè cung rassegnaziung, e priè d' conting sceoucche Os: — Sii fatta osta orentè, e no la mia. Purcicche 'l patì arà zaccang na fing, e el gnerà ci pur mè 'l temp, ullacch' i po

dì cung Os. „C o n s u m m a t u m“. Dutt è finì.“

Soung chesc' àla stlutt i oudli e dormi saurì d'lungia 'l bambing indormedì, e la cerfa, ch' da illaota ingcà i è restada compagna fedele, a su pìsc'. — O benedetta oraziung, unica consolaziung t'les tribulaziungs! Iddi nè sè lascea p'riè d' ban, cangche la necessitè è al sommo è l' aiut 'l plou da imprò.

C A P O IX.

Vita romitaria d' Genofefa.

Solitaria; sceoucche 'ng romita passa Genofefa sū dis t' a mezz a chelles boscaies. El passā l' ingver, sung jē l' istè, el gnēa indò la sajung crudia, zenza ch' val azzident desturbass' 'l ting tong d' sua vita. S' ella ē datrai ia pur l' istè tra sasc' ertg' e surtg' sentada t' n' ambria di lengn's les ores cialdes d'l mifdè, n' i gnēle tles oredles nia at'r, ch' 'l crēcceament di corf e 'l scraiment d'les agacces, o canche nelles noufts' lungies d'l alton la luna cung so luminùs smari dē dal ceil pur la val deferta, o cina ch' el durā l'ingvēr s' ella ciarā fora d'la grotta eodō na grang nèvëra sbujada da val fostù di lūs; ci desiderio n' ignēle illaota d' udei zaccang 'l mus d' su genitori, d'lo sposo, d' val amizi, o almanco d' val atra p'rsona!

„O beati (dijōla cunung sospire) beati chi,

che po vire in compagnia, in conversaziung, e comunicchè ad atri suus crusc' e ligrezzes! cutang mattg', chicche nè sa apprijè 'ng. te bengn', e i aggraveia ciamò la vita ai atri.“ Spo s' fajōla indō ardiment: „Pur at'r, o mi Di, 'l pudei s' trattignì cung Os, e sigù felizità infinitamentr majù, che la conversaziung colli uomini: e incie cang che sung da lunc' da d' ei, nes resteife Os d'lungia ci teng bosc solitario, o tra les scuritès spaventofes d'la noult. E in d' te momentg' ci fortuna pudei baié cung Os vera ed unica consolaziung d' nost' anima!“ E d' fatt, ch' ella s' ā tratt pro n' aufenza, o necessità, d' s' trattegni continuament'r con Dio, e in chisc' rajonamentg' de devoziung i passā les ores snell sceoucche momentg'!

Pur nen avei da fà at'r ch' abinè fruttg' selvari, e chiri raisc', i toccāle gonot a stè sentada ores dang la grotta, e illò dijōla tra d' sè: O! s' i ess' na òdla cunung pùde fi, cutang dalla urella curtach' el m' passass' les ores a laurè val quant pur mi fi e pur mē. Jent s' baudiea datrei, ch' ei mess' laurè, mo senza laur èlle 'ng vire da ingresce e p'foc, chè a respett all' òzio è vigne grang fadia 'ng beneficio.“ — 'L laur cung deligenza nen è ma na fortezza contra les tentaziungs e ries inclinaziungs, mo el è ci sān pur 'l corp, e mantegn' l' spirito allegro. —

Datrai sè dejiderāla 'ng bung liber da li, e pungsā: „Illaota mè pudessi parè ia 'l temp d' gusto e cung istruziung: mò ostes operes, o mi bung Signùr, che mè sta d' vigne vers dang mi oudli, nen è cherres 'ng bellissimo liber scritt d' osta mang?“ Ella 's à dunque m'tù a considerè les operes d' Iddì cung maiù attenziung, ch' ella nel fajō zenza, e la minima flu, e la plou stletta arm'naria i somministrā gonot la plou grang ligrezza, dea ch' el sè descūrì t'e chelles miserabiles creatūres i bi fostūs d'la sapienza e buntè d' Iddì.

E cang ch' ella se confortā soul principio d'la insceūda a udei 'ng raggio d' soresd'l, ch' trappassā chella caverna, scraiāla plena d' ligrezza: „O mi bung Signur! soresd'l m' è l' imagine d' osta grazia, e paterna buntè, purcicche Gesù, osc' divin fì à ditt: — Mi Pere zeleste fesc' luminè soresd'l pur sura i bongn' e i rì. — Incie 'l mi amur someia chesta grang sterra, purcicche gang i oressi fa d'l bengn' incie a mi nemizi.“ E cang ch' ella è grama pur 'l vire, e les crusc' i druccā 'l cour, in aldì i vicecì ciantang d' bona vouia, pungsāla: „Ligres e zenza fastidi seife os, picces creatures, dea che ciantais tang d' cour; e nè poi ci iou est'r ingsceou? Gesù m'l comana, e disc': — Considerede vicecì d' l'aria, ei nè somena, ei nè regoui, e pouimpò i mantengn' 'l Pere in Cell; e nè

seife os val d' plou de chi? Scè, mio Dio! Os nes ameis nos d' plou che chisc' piccei tirz, pur chesc' dessi iou ste plou d' bona vouia, ch' ei, e nè m' fa fastide, s' el nen è som'nè incie 'ng granell d'forment pur mè, s' i nè regouie 'ng spi, e s' el nè m' vengn' portè na mana t' ara." — Indespò a osservè les flus d' bosc, che d'pengjō cung bi curusc' a mille che piccea val: „Os pou incie semplizi e cari oudli d' giatt dijōla,“ „ci os m' servīs d' caparra d'l amur d'Iddì; a os pungsā Gesù, cang el dijō: — Osservede i ceüff fora pur i prā, ei nè laora e nè fira; e impò s' poi dì, che nianca Salomon cung dutta sua pumpa nen ē tang bengn' vistì, che ung' d' chisc'. Se dunque Iddì cūr 'l ciamp deng n' te bell mantell, nè faralle mo chel tang incie pur os, jent d' pucia fede? — Quindi nen oi plou est'r desfidente e grama, s'mia ch' i nen à no da firè, no da cuji, i nè m' ò plou cruzziè cung pinsirz dō 'l guant.“ D' istè, cang ch' el ē der cialt, e ella plena d' sei saltā pro la fontana a piè sou chel' ega fresca e serena, dijōla gonot: „Cicch'el è pur mia boccia sūta chesta fontana, chel è pur mia anima, o Signur, osta dottrina e ousc' consili; Os istess l' ais ditt: — Chicch'ā sei, vegne da mè a beire; l'ega, ch' iou i dà, d'venta na fontana, che s' alza alla vita eterna. — Zerto, chesta fontana d' vita interna mè nudresc' d' consolaziung.“ Cang ch' ella

i ciarā a chi grangn' crepp, che ringserrā la val, ch' s'ā conservè di mille angn' tra i strav-ventg i tomāle t'l ciè la dottrina de Cristo: — Chel, chè scolta sou mia parora e 'ng òm sicchè, ch' fabbricheia la ciasa sounung crepp. „Soung osta dottrina addunque oi impiantè mia salvezza, e chella sarà desch' 'ng sās immobile.“ Finmai i spinac' e i giardungs i servì d' istru-ziung: „S' os plantes da spines esses d' bongn frutti, foss'l bengn' bung pur mè, i ess' grang ut'l, mo ella è poumalsa sceoucche Gesù Cristo disc'. Dai spinac' nè pong couie jou ūa, o to fighi dai giardungs. 'Ng bung lengn' porta d' bongn' fruttg', 'ng stlett lengn' allingcuntra d' stletta ordura. Pur chesc' oi iou purvè d' estr' 'ng bung lengn', e fa bones operes, tantes mai ch' i pō; pur nen est'r a per, d'i spinac', che o nen à frutt, o n' à de stlettg'.“ Ing chesta maniera soresd'l, i vicei, les flūs, fontanes, creppes, spinac' e giardungs dutt i è tangn' d' spidli, ch' i rebattō alla memoria les parōres de Gesù, e i somministrā materia da medità pur sura. — Chesc' ò l' Apostolo, cang ch' el disc': „La parora d' Iddi abiteie in abbondanza in os.“

Intang cicch' ella ā ciamò plou a caro che soresd'l da d' ainsceuda, ch' i fajō plou consolaziung, che chesta bella sajung, cung su ceuff e vicei, e i ē plou d' istruziung ch' vign' at'ra cosa te chel desērt, ē l' udei so

picce fi. S' el ē 'ng bell dè 'l portàla fora d' chella caverna scura sount al ceil des-cuert; e intang che la cerfa jē alla pastura, spazzirā Genofefa col bambing soull bracc' ca e là dang porta d'l cafung, e semia ch' el nè capì ciamò nia, respognōle impò cunung bell riam-ent, destennō fora i piccei 'bracc' cuntra la uma, e ad ella i savōle a chella grigna d'a rì, che dutt 'l bosc gniss' plou bell, e sceoucch'el foss' dutt or pur ingcearc. Gonot s' ingjenedlāla spo jou, s' 'l druccā al cour, e tang ch' ella i ciarā lung amabil ceira da rì dijōla: „O mi Dì: icō mai s' pudarai ringraziè assà d'l bengn', ch' m' ais fatt a m' lascè chesta creatura amabile? Ci plajei e confort, ci bi trattenimentg' n' m' elle restè incie t' chesc' bosc. O bung Pere in Ceil, benedimme chesc' picce mutt, fajelle cresce e gnì da bengn'. Ci bi oudli luminusc' ch' el à, 'l frunt cutang nett, lede da passiungs, e les maselles tōccies; cocch' el palsa senza fastidi t' mi bracc'. Ah! El ā bengn' r'jung 'l divin Redentore de di: — Se nè d'venteis sceoucch' i piccei, nè r've-reife al regno zeleste. — Magari che li uomini cun cervell e orentè foss' senza superbia, senn, e atres pessimes passiungs, sceoucche chesta creatura innozent, che n' ung sa nia d' mal, illaota essi 'l regno zeleste t'l cour, e pudess vire soul mon ligri e cuntentg' senza pora, nia manco che chesta creatura t'l bracc'

d'la uma, cung baldezza e beati sè stessi al amabil cour d' Iddi.

Da trattg' i gnēle na' grang vouia d' ceaffè na piccea dlisia: „Ci ligrezza ch' el è,“ pung-sāla, „a udei mille fedeli dang da Iddi abbinà ad ascolte sou sua parora, e pleng'ns de fede a m'nè sou al ceil cianties in lōde a Iddi. Belle 'l son d'la ciampana mè slifiràss' cutang 'l cour. Mo intang, dutta la natura, 'l ceil destenù fora sura mi ciè, e la terra che mè porta è zenz' at'r 'ng tempio d' Iddi; e 'l cour che bātt te chesc' bosc desert, e s' innalza a Os, Signur, nen è at'r ch' osc' altè.“ El nen ē presc' lengn' e prezipizio, ullacch' ella nene s' ess' lascè jou a fa oraziung, e dingver, cang ch' ella nè pudò fora, 'l fajōla val ora dang la piccera crusc', ch' ē verta sou t'la grotta tena përa, ch' sporjō ing fora, ch' in përt i servì incie pur plomac'. — T'l spid'l deng-n'anima innozente lumina d'lunc Iddi e sua dottrina.

C A P O X.

La uma t'la boscaia.

Sceoucch' el spunta alles outes inant'r l'erba o les spines d'l bosc 'ng bel ceuff coucce' nia atramentr sè preparāle pur Genofefa t' chel desert ascognù 'l plou amabil dover de familia. 'L picce mutt c'rfeō sou bell d' mor-

vouia, e m'tò bell mang a s'ungjì; ella l' ā vistì d' na bella pell d' rechl inzinzorada, ch'ellaiā na ōta tut t'l bosc fora d'la boccia a na ōlp. S'mia ch' el nen ā atra speifa, che fruttg' d' bosc, raisc', latt e ega, s' ēle impò bengn' nudri e d' forza: el sè descedā fora i prunts sengn's d' cervell, el gnē colles prumes proves de sè istess, a desferenziè les robes incear sè, a scoltè sou parores e a les di dō.

Genofefa, che da grang temp ingcà nen ā mai plou aldì parora umana, sintì na grang ligrezza ad aldì dalla boccia d' chel picce cotal la pruma usc' d' intendiment; e ciamò plou s'la godōla cāng ch' el soul prum d'l ingvēr la cherdā bell tler pur innom „uma“. Ella baiā ores alla lungia impara te chel and'r, e i insignā chell tang, ch' ē t' chel tugurio, o t'la val, i innominā sou dutt, da sores d'l alles sterres, dal pecc' cina al mūst'l, cina ch' ella pudō tignì impara piccei rajonà. 'L prum luminūs d' intendiment, 'l prum sengn' d'amur filiale, ch' ella sè n' ascorjō, i fajō 'ng gusto indizibile: vigne dè gnē cung ligrezzes nouies, e ang po di, ch' el i florì n' amabil ainsceuda t' amēzz l' ingvēr.

Soul finì d'la freida sajung, s ēle amarè 'l picce, e 'ng pezz nen āle plou podù fora, mo appena ch' el ē vari e ringforzè sceoucche na flu, na bella domang d' ainsceuda, la uma 'l tol pur la mang, e 'l mena alla lergia, e 't

cundusc' tena val dutt in flu. A udei la pruma
ōta la pumpa d'la bella sajung in dutta sua
bellezza 'l mutt belle intendōō sintì na impres-
siung insolita e considerā dutt plengn' d'
moryouia e interefse. „Co ella chesta, o mia
uma,“ dijōle, „che dutt s' è mudé, e gnu tang
bell dall' ultima ōta ingcà? Chesta val chilò ē
dutta curida d' blanc, e fengn' ella intenta a
vert, chi p'cceōs pè uramai fosc', e i lēngn's
puc denant secc' e despià fora, o ma cunung
pude fouia ghēla, è fengn' curīs d' rames
fresches e teindres. Esored'l cocch' el è cialt
e luminūs, e 'l ceil bel blē e serengn'! Ciarede
pouma pur terra, cutan d' belles erbes à davert
sou i oudl'i d' curū, ci bell ghēl blē e blanc!“
„Picce amabile, chisc' è ceuff ei,“ respognō la
uma; „i n' ò pa couie valgungn' pur tè; ve
chilò margarites e ceuff ghei; ciaramo ci bell
curū ghēl daite, ci belles picces fouies delicates
blancies, ci belles puntas couccēnes! chisc' ghèi
è arnica, sent' ma ci bung odor, chesc' blē e
feid'l salvare, à 'ng toff sterc. Couietene
pouma, chè dutt è tō chilò incearc, t'eng pos
tō cina ch' t' os.“ E chel picce cōfe s' n'ā
abinè tangn', che chella piccera sua mang 'ng
pudò branciè ite.

Indespò l' ala m'nè Genofefa fora insom
la val teng picce bosc spess, e i disc': „Dà
bell' a ment; ci aldeste?“ E pur la pruma ōta
aldī 'l picce ed ē bung de desferenziè mille

cianties accordades di piccei vicei, e dea che d'gungn' n' i perseghitā, les renovai snell indolat'r e el dijō plengn' d' curiosità: „O chē mai elle, che sciura tang bell? da vigne lengn' e trōgnora aldung soutt e sura ceant belles cianties; ah' urung udei cocche chesta va.“

A chestes parores s' è tratta. Genofefa souna creppa curida d' must'l t'l ambria de dui lengn's jongn' d' faghēr, s' à tutt 'l picce t'l greme, e à som'nè fora, sceoucch' ella fajō datrei d' ingvēr, val somenzares d'erbes selvares, pur allettè arlerc i vicei, chē s' è presc' abinà in grang quantè d'all' amabile pietecoucce alla verda zeifele, dal stidliz couce al fine d' vigne curū; spo: „Veigheste“ disc'la al fi, „chicche cianta tang bell.“

Chel picce bagai ē fora d' sè dalla ligrezza, e dijō: „O cari bi piccei tirz, os seis i famosi cantori? . . . Oh he; trou plou bell di corf, che creceieia tang burt d' ingver; os seis ci plou amabili os. Mo discemmemo, uma, cō ella pa stada, che cicch' udung fengn' è dutt tang bell? Da ullà elles pa gnudes adarlerc chestes belles robes. Os nen ais sigù nia fornì fora la val cona te superbia, chē dutt 'l dangmisdè seife stada pro mè; spo tang nè fosses mai stada bona d' laurè.“ „Cara mia creatura, i t' à belle insignè, ch' el è pur nos 'ng bung Pere in Ceil, 'ng Signur ch' merita d' est'r adorè; El à c'riè soresd'l, la luna, les sterres,

e dutt cicche t' veighes chilò, l' à criè pur nosc' ut'l e a nosta ligrezza.“ „O caro bung Di, tang potente e senza avarizia,“ scraia 'l picce mutt te sua bella semplicitè, e i fajō gni da rì a Genofefa; che s' l' abbraccia, bascea e disc': „Bell d' sigù, a t' aldì baiang in chesta fofa messass' s'la rì vigne mutt maiù d' tè, dea ch' el nè s' recorda plou, ch' el rajonā ci el zaccang ingsceou, e è incie r'vè plang plang a conesce les coses. L' at'r dè da domang ch'erd'l la uma bell' adora, e disc': „Mamma levede, e gnide commè a udei, cicch 'l bung Di à indò fatt da nu.“ Genofefa messā rì, s' 'l tōl e 'l mena teng bell sito inant'r i crepp te sored'l bung cialt, ullacche dutt madurì snell. E ma bell, ch' el ā ceaffè illò belles grang përies matures in bell curù couccé.“ Elle chisc' ceuff?“ daman'l. „No,“ disc' la uma, „el è përies,“ sè plieia a'ng couie zaccotantes: „Toi mo ciercia.“ El 'ng mangia, e s' petta colla mang soul piëte: „O cutang bones! poi ciamò 'ng couie?“ „Assà meffo, disc' la uma, mo d'ma ch' elles, ch' è matures.“ Intang ch'el coiō cung chelles picceres mangs, dijōle: „O cutang bung, ch' Iddi è, ch' El nes dà te bones robes.“

„Ringgrazii dunque“ disc' Genofefa, e el sè verc' sou, alza chi bi oudli vīs al Ceil, e mena son 'ng baje drucchè sou i deitg', e scraia cicch' el ē bung: „Caro Signur, i S' ringrazie

de chestes perieres.“ Spo alla uma daman 'l s' Iddì l' arà aldì? „Zenz' at'r“ disc'la, „incie s' t' l' esses seraie manco, ci ma pungsè, zenza 'l di, l' ess'l saipù, purcicch' el veiga, alda, e conesc' dutt.“

Vigne dè orō Schmerzenreich udei coses nouies fattes da Iddì. Genofefa i dijō pur chesc': „Sengn' mett averda, t' messes considerè e me contè sou chel ch' t' as udù: osserva t'l ambria de chisc' crepp, verso la sera ullacch' la nei s' n' è imp'rmò juda, illò ceaffeste tro-gnores da spinac' fosc' e spizzüsc': el è slèghes duttg' chi pōpi blanc' e vertg' cuntengn' dāite la flu. Dall' atra pērt, cioè alla dumang, elle incie brusces cung der picces spines; a chelles i dijung flus d' pomaciang, illō veigheste incie pōpi d' flus sou luntg'. Soung somm la val s' alz'l dui lengn's ung da pom, l'at'r da pēr salvarì. Tegnet' bengn' ament les rames, e i pōpi, ch' t' veighes da vigne pērt, spo rend'me cunt d' ci, ch' el è d'ventē d'ingfora. L' atra nouttdō vegnel na bona plouia bonoria, ch'ā invigorè les piantes, e Schmerzenreich salta adarlere plengn' d' gaudio: „Uma, i popi d'les slèghes ē gnus bi ceuff blanc', seoucche nei, les atres fouies è plou vives, e duttg' i legn's s'ā vistì d'buriada 'ng bell curù blanc o couccening. Ah ci bell! cutang bung ch' Iddì è! mo gnidemo commè a considerè i pōpi d' pomaciang, ei contengn' flūs couccenes che nen è dà

fora d'l dutt, 'l curù coucce ciara, fatt ite t'l panjell, fora d'l vert. Chel bung Iddì, nen elle ste bung d' derzè fora d' plou chesta noult passada? „Mi fi, d'guna fadia i àle costè a Iddì dutt chesc', e el i basta 'ng moment su pur fa dutt cant, ch' El è onnipotente.“ „Co pole pa fa dutt a scūr?“ daman'l indò, e n'ā nia piccera morvouia ad aldì, ch' Iddì nes veiga d' noult tang che de dè.

'Ng dè da dumang gnēle dutt ligher arlerc, cherda la uma, pur la m'nè a udei na cosa, ch' el ā ceaffè, mo nè savō cocch' ang i dijō, e purcicch ella è: e r'vā alla trognora da sleghes disc' l: „Ciare, ciare, mamma, n' udeife nia?“ „I veighe ben, cicch' t' as ingsceou d' morvouia: el è na cō d' zeifeles: chè sceoucche nos ung na ciafa, ingsceou à i vicei sua cō. Ciari al picce vicell, cocch' el nes ciara cung amur: ah! sengl' sen elle jorè. Ciara cocche la cō e fatta, mo dà a ment ch' les spines net' punje. Ella è fatta d' mānesc' secc' d' erba, daite sottrattg' cuna piliccea morjella, scūra. „Veigheste daite!“ disc'la intang, ch'ella alza sou na rama. El considera, e damana, cicch el è chelles ceing picces coses t' amezz alla cō. „El è i ūs,“ disc' la uma, „deng curù vert luminùs, cung strisces couccenes delicates.“ „Mo ci fejung pa cui ūs? T l' udaras presc'; intang ciara dō gonot cung attenziung, mo azzichè n' i poste pa mai.“

Valgungn' dis dō che Genofefa à visitè la cō, nen ēle plou ūs, mo piccei viccei cuà fora laite. „Veigheste“, disc'la, cutang piccei, ch'ei è ciamò, verc' e zenza plūmes: ei nè po ciamò jorè no saltè fora d' cō.“ „O bi picceinings, vīs e blodri!“ scraia Schmerzenreich, „mo nè mouri mine da freit e fang?“ No mi bung mutt, Iddi à pa ben provvedù. La cō è sottratta daite sceoucche cona pell morjella e tignanta, acceocch' ei stì cialtg' e sauri, è torona pur forma e delicata, acceocche i piccei nè sè feje mè. Chesta cō è stada formada e fatta fora avvifa da 'ng vicell d'la m'demma sort, e nos nè fossung da tang; mo nosc' Dio amabile i à dè ite ai 'viccei ved'li na grang pōra pur su piccei. Ciara, cocche les rames verdes d'la bruscea sta inear la cō pur i fa amabile ambria da soled'la, e la defenn dal mōl, cang ch' el ploui. Da sera e ia pur la noutt, e soulla dumang, ullacche l'aria e plou freida, vegnel 'l ved'li viccell e destenn pursura les ares, pur curi i piccei acceocch' ei ne patesse freit. Incie les spines inearia serv a impedì, ch' i rì corf nè posse ite a scarzè i piccei, ingsceou ai pora dalles spines, intang ch' l ved'li vicell svuata sauri inant'r ite, zenza urtè. Considera dunque, che vigne cosa, finmai les spines, che punc', mess' servì a p'rdicchè la pora e bontè paterna d' Iddi.“ Intang gnēle 'l vicell ved'li, e s' à lascè jou soung urt d'

cō, e duttg' i piccei bisbilia, mettō fora 'l ciè, deuri 'l bëcc e tolò so buccung. 'L picce mutt ē plengn' d' morvouia e ligrezza, cang che Genofefa il dijò ciamò naota: „Dea ch' i piccei nen è bongn' de sè tra 'l vire, elle i vedli, ch'i provved, e s' i grani è massa durz, elle chi, ch' irump sou e i smorjeleia e i dà spo ai piccei. Nen à Iddi ordinè ia dutt bengn' d' morvouia. Nè provved'l cung amur a/duttes sūs creatures, incie ai piccei vicei, e plou de dutt ciamò pur nos? . . Scě (seghitāla colles legrimes ai oudli) scě, mi caro fi, El à pungsè cina sengn' pur tè, e continuerà a ciarè d' tè ci pur l' avvernire.“ „O, scě zertament'r (incuntra Schmerzenreich) chel bung amabil Signur m' à custodì, purcicch' el m' à dè na uma plena d'amur, che seis os, ch' m' ameis ploucche 'l viccell su piccei, e zenza d' os essi m'ssè est'r ia iou.“ E cung chestes parores i salt'l cear 'l col alla uma.

El nē passā 'ng dè, ch' el nen ess' val da nū da i cuntè, mostrè o portè alla uma, e cung sè trattgnì cung ella (dea ch' el nen ā d'guna compagnia pur stè lapprò, o val juc da sè pudei dvertì) sè descedā dagnara plou fora so cervell, e dea ch' el i portā 'n te grang amur alla uma, i fajō ci les bellezes d'la natura maiù impressiung. Vigne dumang i portāle alla uma i plou bi ceuff, o implì fora cung mūstl bi ceastg' d'rōtes, ch' ella fajō, e moscedā

inant'r ite pieries, granattes, e ploutert ia paromores e mūies. O ch' el fornì fora la grotta cung scūsces zincies de sgněcc' o cung mūst'l e pères liceorantes, e la fajō in chesta maniera bella e amabile. Gonot i cuntāle alla uma, cocch' i fios vertg' d'les paromores, oi pōpi d'les roufes sè slargiā, ch' i piecei vicei cresceō, ceaffā plumes, tan dī, cina che les routes da sleghes ē ciariades d' bi fruttg' fosc' luminusc', chelles da roufes d' cognores couccenes, o pomaciang, e i vicei scomenceā a sung jorè d' cō.

Cang ch' el osservā pur la pruma ōta la bella sterra dalla dumang, o s' anadē dopo ch' soresd'l ē florì 'l ceil bell coucce, che luminà inant'r chi lengn's fosc' fora, o udò l'ergobando, saltāle dagnara d' bona vouia dalla uma, pur la m'nè a udei la morvouia, e ringraziè cung ella Iddì, ch' à criè te coses grandioses, e intang ch' el i les mostrā cun tan d' ligrezza, Genofefa scomounta dana te cordialitè, dijò colles legrimes ai oudli: „O mi Dì! elle possibile, che 'ng cour innozent, posse ceaffè so paraisc' ci teng defert, e 'ng n' anima, ch' S' ama e S' à in posess, ceaffe sua felizitè t' amezz alles desgrazies e m'feries.“

E la uma premurosa nè s' desmentia d'ammonì 'l mutt, ch' el sè straverde dalles piantes da tōsser, ch' el n ē pa ma illò incearc. Quindi cang ch' ella i mostrā les chersces lu-

minofes fosces d'la laurz, 'l cameleo simile al frutt d' aurēr, la melarosa, o pom vert, la zicuta, e 'l fungung coucce da tac' blanc', di-jōla: „Pur l'amor d' Iddì, chisc' nè ciarciè pa; plouttosc' sta zenza mangiè, denanche m 'l mostrè, senò tè tirass'te pa addòs 'ng grang mē. Dea ch' ella ē bona d' coscienza, l' ammonila a sè stravardè dalla desobbedienza, dai caprizzi, dalla golositè, e da atri d'fettg' soliti a piccei mittungs, e dijō, che chisc' i foss' ciamò plou de dan, ch' les erbes da tosser. Incie 'l picciè, (dijōla) i da gonot la someia a chi fruttg' intossia, pur at'r coucci, bi, addorbi l' oud'l, mo porta lapprò marattia e la mort: nia daingrè à 'l mal na bella apparenza, e tira plou pro ch' l bengn', sœoucche chesc' fungung da tosser e trou plou bell, che 'l ghel o grisc' che è l'unico bung e san.“ — Ingsceou i dà bongn' genitori utiles istruzioni a su fiis dō sua età e capacità. —

C A P O XI.

Ullà to val da s' vestì t'l desert?

L' ainsceuda e l' istè è passà inant'r chestes ligrezzes innozentas, e el ē l' alton da vijing, cung soresd'l torbido, ch' leva tērt e floresc' abonora, cung su ciarūs scurz, che stoppa oramai tres 'l bel ceil blē e serengn'. La terra nè portā plou nia da nu, la val n'inggherdenì plou dal sciblament di viccèi,

ch'in grang pèrt l'ā arbandonada; i ceuff smarīs o d'l dutt spariis, les fouies pingolā gheles da i lengn's e dalles trognores, che sè p'liā al soff'l di ventg' freitg' e insolenti. Plena d' fastidi pur pora dall' invēr ē Genofesa sentada soulla porta d'la caverna, e considerā colles legrimes ai oudli chel temp da incresce, intang ch' el vengn' 'l picce a damanè: „Nè nes ole plou bung Calbeldi, ch' el nes tol dutt, o vegnel presc' la fing d'l mon?“ Soung chesc' la uma: „No, mi bung mutt, cina ch' i sung fedeli e da bengn', Iddi nes ama dagnara angfatt: soulla terra è dutt inconstante, e passa, l'amur d' Iddi è immutabile eterno. El vengn' l' ingvēr, e sceoucch' al solito, gnaràle lassura l' ainsceuda, purcicche vign' an porta les medemmes mudaziungs: consolete quindi da fengn' inant, chè dō l' ingvēr vegn'l attira l' ainsceuda. Mi fi (seghit'la a rajonè) chesc' è 'l prum inver, ch' t' proves, dopo che tua rajung s' à stlarì; nia morvouia dunque se tè stentes a creie: ch'el vegne indò la bella sajung. Iou, tua uma, baie in chesc' cunt plou da semplize, ch' tou; semia ch' i sa d' sigù dall' esperienza, ch' el vengn' consolaziung soull' affliziung, stenti impò dagnara al creie. Intang m' òi rassegnè, e pungsè alles ligrezzes ch' vengn', cang che les penes m' drucca, e purvè d' mè mantignì in pesc' e contenta sceoucche tou.“

Tra chesc' temp ēla affaccendada ad abbinè

sou pur l' ingvēr pom e per selvari, fasceoui, nuscelles, paromores, pomaciang, e duttg' i fruttg' da pudei mangiè; e d' buriada col fi àla incie tratt fora d' terra na bona quantità d' raisc; 'l fengn' pur la cerfa ē belle m'tù ite. Pur at'r plou fistide, che pur 'l nutriment, i fajō 'l pingsir pur na iesta da sè curi e s' defenne l' ingvēr dal freit; purcicche chella, ch' ella ā tangn' d' angn indōs, dè e noutt, ē slisia e scarzada; ella purvā gonot soung lime sentada colles legrimes ai oudli, d' tacchè adūm i tocc', ch' pingolā, cung fiis d' erba o d' raisc' plou stranceisc', e na spina, in forma da odla; mo da d' fengn' innant ē vigne tacco-nament inutile. „Ahimè, (sospirāla te so cour) s' i pudess' pouma avei na odla e 'ng stlōpp d' fi! O la jent, ch' vī d' buriada, ā tangn' d' benefizi dal Ceil, e cutang daingrè s' recordi de ringraziè pur chesc'.

'L mutt sè n' ascorjō pou massa de chesta crusc' d'la uma, e 'ng dè vegnel e disc': „R'cordesse, uma, cicch' m' ais respognù, cang ch' i s' damanā, purcicche la cerfa p'rdō 'l pulang? — Vign' istè, dijōse, Dì i dà na iesta plou lifira d' curù scurcoucce, e a vigne ingvēr na plou p'foccia d' curù d'l ceind'r. — 'L Signur s' ung darà pou ci os una, c'rdeis d' I est'r manco a cour dena cerfa?“ Genofefa s' l' abraçcea cung ligrezza, e: „T' as rejung“ disc' la: „i ō confidè in Dì, El provvederà.

El iest i animai, El m' sincarà ci amè na iesta.“

Valgungn' dis dō, raccomanela al picce, d' restè bel chit t'la ūtia, e ella cuna grang mazza grossa in mang, dana pēr jou na cūccia plena d' latt taccada, va fora pur 'l bosc a chirì ca e là bongn' fruttg' da mangiè. R'vada a mezza la rūa d'la munt, ullacch' ella è pur jì, s'ella sentada jou, pur palsè e sè sollevè cunung pude latt, e in chesc' moment vengnel 'ng lù d' botta sou pur la costa cuna bīsceā tra i denz, e s' ferma cui oudli fittg' soungh chella persona, tang ardiis e luminusc', ch'ella tromorā dutt adum. Mo al pingsir, te ci prigo, ch' ella ē, s' ala fatt ardiment, e col mazzung in aria vala ingcuntra al nemico terribil, t' mi mola 'ng brao colp soul ciè, pur varentè dalles zanes la pura biscea. 'L lù inceornì à lascè tomè 'l boccung, ed è bordorè co lunc' jou pur la para, cina ch' i frignungs i l' à tutt d' vista. Genofefa pliada sura l'animal pur terra, i à dè ita valgunes gottes d' latt, pur 'l tra a vita, mo inutile.

A considerè chella bēstia, sè descedāle fora t' sua anima riflessiungs malingconiches. „Pura bīsceā (baiāla tra d' sè) forse nasceuda t' mi proprio paìsc', se t' fosses ciamò vīa, t' oressi inzertiè e nudrì sou, ci ligrezza, ch' el ess' mi fī a t' udei! Forse, ch' t' aldīs ai grangn' pastorecc' d'mi sposo . . . Ahi! scē, ch' t'

portes soul spinë nosta mërseca. O se t' viesses, e t' intenesses 'l baiè d' jent, o cutang e d' cutan d' cosès, ch' i t' uress' damanè! 'L conte, elle gnu dalla verra? Pengs'l ciamò a sua Genofefa? Elle dessenè impara, o elle r'vè a cunesce sua innozenza? Elle tres benestante, intang ch' iou m' consume tla m'feria? "A chestes parores i èle tomè ite 'ng grang pingsir. — Ella m'ssā est'r daimprò da so paisc'; zenza nè r'vā la biescea te chi lusc': purcì nè dess'la ella e so fi fa ritorno in patria? — A chesc' pingsir i elle gnu 'ng desiderio fulminante d' udei ingdō su paisc' da ciafa; in modo, che les legrimes d'gorō indolat'r jou pur les masselles. Dō lunc pungsē finalment'r disc'la: „Chilò oi restè, dea ch' i sung obbliada pur jurament. Ben vei ch' i pudess' affermè, ch' i sung stada sforzada al dè pur tema dalla mort, mo chesc' nen è r'jung sufficienta pur 'l rümpe: e despò na te resoluziung desperada n' i podess'la portè la mort a chi dui galantōmi, ch' m' à salvè a mè la vita? Mai plou: i m'ung resterà chilò, cina, ch' el è l'orentè d' Iddì: forsi ch' El fesc' r'vè arlerc val persona, ch' à compassiung e mè delibera. Trou manco mal sopportè vigne desgrazia, che s' aggravè la propria coscienza.

Dō chestes consideraziungs s' àla chirì t'l rū, che jē jou pur la munt, na pera da cياجò

taianta, pur tra jou la pell dal corp d'la biscea, la percura t' ega dal sanc e dalla terra, l' à m'tuda ad assuie te soresd'l, spò s'l' àla tratta indōs, e te chel, ch' el gnē scur āla fatt òta verso ciala. Schmerzenreich gnē ingcuntra cung grang ligrezza, e scraia da lunc': „O uma, gneife, gneife alla finada; iou gnē gram pur os iou. Ullacche seis stada cina sengn'?" Mo tena òta elle restè spordù: purcicche la piliccea nouia n' i lascea reconesce la uma; quindi plengn' de tema s'ele òt incearc, e ju te tana a s'ascogne: „No tè tèmei, i sung iou," scraia la uma. Cang ch' el conesceō sua usc', āle ceaffè coraggio, e: „Sii lode a Iddi; mo cocche seis mudada? e chesc' me plesc': osta iesta someia oramai la mia: co mai seife r'vada a la ceaffè?" „I l' à ceaffada dal bung Iddi," è la resposta d'la uma. „Ah, nè s' l ai forsi ditt, uma, (scraia 'l picce zapporang dalla ligrezza), ch' Iddi pur l' ingvèr sè provvederà d'na iesta nouia e miù? e chesta è morjella gratta, blancia, ch' ella someia chi nioi d'l ceil da d' ainsceuda: ang veiga, ch' ella è na sincunda dal Ceil." Ei va intramidui t'la grotta; Schmerzenreich i presenta alla uma na piccera cuccia d' làtt e 'ng ceast cung fruttg, intang ch' ella cuntā ca pur menù, cocch' ella ē r'vada a s' injignè chel quant d' pell.

La sajung crudia i tignō serrà te ciala, mo impōne tang a rigor, ch' ei nè pudess' val

bell dè la vaghè a ji fora pur la val. „Veigheste (dijō Genofefa) cocche la buntè d' Iddì sè desmostra incie in chesta sajung, fengn' elle dutt bell blanc, nett e licceorent. Les brusces e les trognores è vistides d' broja, ch' lumina, sceocch' elles foss' in plengn' forniment; la nei lumina t' soresd'l e fesc' sluminè tizzes verdes, blës e couccenes. E dea ch' i lengn's à purdù les fouies, à 'l Signur lascè i p'ceōs vertg', pur i lascè 'ng rifugio ai animai d' bosc. Les spinofes trognores d' sniure à incie d' ingvēr sūs bromores būrnes, acceocch' i vicei ceaffe da mangiè, e affinch' el nè mencie da beire, nosta fontana serena nè dlaccea mai. Pur chesta m'demma gausa cresc'l tan d'erbes stersces efresches, pur nudrì pures besties. In chesta maniera provved' Iddì a sūs creatures, ingsceou fesc'l udei so amur benefico cina ch' el dura la sajung crudia, ch' ung fengn'.

„Cang ch' el ē bur temp, o rì ventg' sburrā som'nā Schmerzenreich val granì da finestra fora, e forā dang porta gnēle 'l pietecoucce, la svelta mofena d' bosc e la bella mofena būrna a s' i mangiè sou. Ingsceou tirāle ci fora fengn', ch' i rechli o i lëoi gnē tang mesti, ch' ei i tolō 'l mangiè fora d' sua mang, e cun'sceus in maniera, ch' ei saltā e fugā cung el.

Ingsceou sung passā l'ingvēr pur Genofefa nia zenza val ligrezza, mo ci lapprò cun nia puc' fastidi.

Dea ch' 'l mūt s' ponō adora e dormi
tres dutta noult, restā ella solitaria t'la caverna
a scūr. Ah! (dijōla gonot tra sè) pudessi avei
na lincerna, che cung sua lum amabile mè
fajess' chest' abitaziung scura manco inc'rsceōra
e el mè paress' d' est'r felice, s' i ess' 'ng bung
liber, ling e roda da firè! E t' mia contēa elle
pou vigne appletta la plou pura e stletta,
ch' à dutt chest, e in chestes ores d'la sera
ēlla pro suos compagnes tena stua cialda a
firè, o d'lungia fuc a passè ia 'l temp in cun-
tamentg' dalla orella curta.“ Impò i passā
chisc' pingsirz dall' inc'rscimung, cang ch' ella
ōta al Signur Iddì dijō: „Ci fortuna pō est'r
compagna a chella, d' sè cunesce Os, o mi bung
Dio! e in veritè senza d' Os, nè mè podessi
oje a d'gungn', zeinza d' Os fossi da dī andata
te chesc' and'r senza val confort. Mo Os, o
Signur, somministreis all' uomo aiut e conso-
laziung te vigne zircostanza d'la vīta.“ — Pūri
chicche nè chir sua consolaziung pro Iddì. Ei
sè mett in temp d' desgrazia alla desperaziung,
e s' fesc' gonot la mort. — Ahi pūri desgrazià,
pur avei arbandonè Iddì efi da El eternament'r
arbandonà. —

C A P O XII.

Cicch' el i tocca ciamò a Genofefa.

Tan d' sajungs è passades una soull' a'tra
colles medèmmes mudaziungs pur Genofefa e

so fi; el ē 'l settimo ingvēr, e s' i atri ingverz
 nen ē nia stā tang crudi, sè fajō impò chesta
 ota sintì 'l freit terribilment'r. La munt e la
 val ē cuertes de na nevera tang alta, che les
 rames plou stersces di lengn's d' aica e d' pecc'
 se rompia soult' al apeis. D' ban purvā la
 bona Genofefa de defenne 'l busc' d'la spelunca
 dalla nei, ch' orō d'lunc ite; purcicche 'l vent
 freit e sottì 'ng sofflā de tratt a trat dagnara
 tres ite da nu e in grang quantità. D' ban
 purvāla d' s'ascogne col picce al mī, ch'ella
 pudō, t'l grum d' must'l t' chel pure niccio,
 pur sè d'laccè manco, purcicch' 'l must'l bagnè
 dalla nei d'lacceā. La porta e la rama
 d' pecc', ch' la curì, ē dagnara cuertes dana
 crosta blancia, dai pareis d'l and'r pingolāle
 d'lacceungs sceocche dal vid'r d'lacciè dena
 finestra: 'l cialt naturale d'la cerfa nè bastā
 plou a smorjelè chel f'rdung. De noult urlā
 les olp's dal freit, e 'l bosc ingherdenī dai urlj
 d'i luus; quindi pērt pur 'l freit, pērt pur la pora d'
 gnì scarzada col fi, Genofefa nè podò plou mai stlù
 l' oud'l pur dormì. 'L mutt, dalla nascita
 ingsou aufè a puc e a'ng crude nutriment, ana
 vita possibilment'r descomoda, nen ē tang zite
 dal freit; mo la uma, prinzipessa d' jintil sanc,
 tratta sou t'la comodità te belles stanzas, ne-
 n'ē plou capaze d' resistè t'l crude d' chella ca-
 verna, e gonot dijōv'la cung legrimes, che
 d'lacceā t'l d'göre: „Ah, mi Dì! na tizza d' fuc

foss' pur mè, dlacceada te chesc' bosc, na spezial grazia dal Ceil: impò, si fatta osta orentè. 'L grang patì i ā desfigurè d' plengn' so mus jintil, a fofa, ch' el nen' ā plou so curù amabile, e somià 'ng mort: Purfing i oudli ā purdù 'l vî, e stē sött, sött, e laprò la ceira seccia for d' m'fura ā fatt d' chella Signura 'l retratt d'la somma m'feria.

A l' audei r'vada a 'ng te stato, dijō 'l picce fì cung legrimes: „Mia bona uma, cutang mudada, ch' seis a sè ciarè: i sè conesce presc' appena plou. Mi Dì, ci elle pa chesc'?”

„I sung amarada, mi fì, e moure zenz' at'r,“ disc' la pörtina.

„Morì! (disc' el) ci òle pa dî morì? I nen'à ciamō mai aldì dijang' chesta parora.“

Ella respong'n' soun'g chesc'. „'L dormi d' venterà mi patrung, e i n' m' descedarà plou; mi oudli né udarà plou 'l luminus d' soresd'l, tua usc' n' aldirà plou mia oredla, e chesc' corp resterà dagnara destenù ia pur terra freit, zenza s' moure, cina ch' el è frat e va in ceind'r.“

A chestes parores i salta 'l picce d'lung pittang in cear 'l col e seghita a scraiè: „Ah uma, mia bona uma, os dunca morì? ah! no, nol fajede!“

E ella: „No pittè, mi caro fì, ella nè sta in mè d' vire o d' morì: mo el è bengn' Iddì,

ch' ò, ch' sungfe, vignung d' nos, sottopostg' alla mort.“

„Iddì! (scraiel plengn' d' morveia) mo n' m' ais dagnara ditt, ch' Iddì è tang bung? e sella è ingsceou, cò pol' El lascè prò, ch' morife? Iou nen ess' 'l cour ci d' fa morì 'ng picce viccell nè.“

„El è vei, mi bung picce, el è vei, sceocche tou nè t' desses pro a mè d' morì, e nè t' mè podesses accopè o fa morì, ingsceou elle pou incie 'l Signur, ch' vi eternament'r, ch' nè fesc' chesc', e El nes à incie a nos conzedù na vita immortale; mo chesc' t' messi spiegghè. T' as udù, che la iesta vedla, ch' i m' à despiè, ai tratt immalora, dea, ch' ella nè varò plou nia, cang ch' Iddì m' n' ā regalè na nouia; bengn' dunque, ingsceou lascearaici iou tomè illō chesc' corp mortale, ch' jarà immolora, desco la iesta scarzada, mo i jarà sou dal Pere in Ceil, che mè darà col temp 'ng n' at'r corp, plou bell e plou nob'l d' chesc'. O! lassou in Ceil cutang felize ch' i sarà, 'l freit nè mè d' laccearà plou, i nen' arà d'guna marattia da sopportè; illò no legrimes plou, no sospiri in eterno, al contrario, soulles penes d' chesta vita gnarāle ligrezzes d' Paraisc'. In pēr la terra è 'l Ceil sceoucche l' aingsceuda all' ingvēr; anzi 'l plou bell dè serengn' da d' aingsceuda è, in confronto alla bellezza e alla lum d'l Paraisc', nia ploucche

na noult crudia e foscea d' ingvēr. Illò pō
r'vè 'ng dè, chicch è bongn' e fedeli a Iddi.

„Uma, i gnarà cung os; i n' ò r'stè iou
inant'r i bur lūs, che nè da d'guna risposta
s'ang i baia addōs: i ò ci iou morì, e lascè
chesc' corp mortale.“ „No, mi caro fi (respogn'
Genofefa) a tè t' tocch'l d' ste plou di soung
chesta terra, e s' t' arràs m'nè na vita reli-
giosa e da bengn', gnaraste 'ng dè cummè a
Paraisc', purcicche t' messes pa pou ci tou
morì. Sengn' dà a ment, cicch' i à ciamò da
tè di: cang, ch' i arrà purdū la favella, e nen
arà plou d'gung flē, canch' 'l luminūs d'i oudli
sarà sparì, i sleff arà 'ng curū brūm, les mangs
sarà starres, illaota spetta ciamò trei dis, spo,
sigù d' mia mort dal ri toff da frāt, ch' sè
span pur chesta grotta, illaota spo arbandona
pouma chesc' defert, e ojete d'chel vers, ullà
ch' el dà fengn' soresd'l: te dui o trei dis;
r'varaste fora d' chesc' bosc et t' arràs dang
da i oudli na grang planura fertile, pōpulada
da plou mille uomini.“

„Miliaia d' uomini! (salta fora 'l mūt
plengn' d' morvouia); mo iou à dagnara crdū,
ch' sungfe nos dui susc' al mon; dea che
n' m' ais mai ditt nia in tang d' temp: Ah!
s' fosses bona d'gnì, jifsung attira ai ceaffè.“

Ah! mi fi, meffo der chi elle ste, che nes
à bandì te chesc' bosc, soutt alla crudeltè di

luus, purcicch' ei nes orō fa morì mè e tè d' buriada.“

„S'ella è ingsceòu, nè vai plou da chī (dijō 'l fi) iou minā, ch' ei foss' duttg' bongn', sceoucche os mia bona uma: mo mess' pa ci chesta jent morì sceoucche nos?“ „Zenz' at'r, (ē la risposta d' Genofefa) purcicche la mort tocca a duttg'.“

Ei nel sa pa forsi nia, desch' iou nel savō denant; d' fatt! i ò jī inant'r ei, e scraiè: „Uomini, r'cordesse, ch' m'sseis duttg' morì; armendesse, senò nè godereife 'l regno d'l Paraisc'. M' c'rderai mo spo?“

„Ei 'l sa, mi fi (disc'la) da dī ingcà 'l sai, mo impō nè s' ōi armendè. Ei s'la vī t'la comoditè, purcicche illò i porta la terra bi fruttg' delicatg', che nen è da ceaffè t' chesc' bosc; illò ai derzades e bevandes der bones, guant in ceuff de vigne curù, e fornimentg' i plou ricc' e preziosī, che slumina sceoucche les sterres. Ei vī t' abitaziungs all' inggrana, chi nè sung bona de te fa intenne; illò vale ite 'l cialt incie d' ingvèr, e ei nè patesc' mai freit, e ei sa da illuminè d' noutt les ciases oramai sceoucche de dè. Impò n'elle puc', che ringrazie a Iddì d' tangn' d' benefizi, atri nè pengsa a Iddì, sè porta gonot odio, se offend' ung l'at'r e sè criticheia cung grang marizia. El 'ng mour presc' vigne dè ung o l'at'r, mo i atri

nè dā a ment, e vi, desch' ei ess' da vire na eternità soulla terra.“

„Ah! dunque iou n' uress' pa plou ji inant'r chella jent, dea ch' ei è da peso ch' 'l lù, e à manco cervell che nosta cerfa, che n' intenn' nosc' rajonè; sū bongn' buccungs nè m' imbratterà, plouttosc' oi mangiè in compagnia di luus, chè chisc', (tolando fora val furiùs) sela vi in pesc' tra d' sè, e sè mangia l' erba bell chitament'r de buriada. Chilò restarai dunque, pur ne r'vè t'les mangs d' uomini mariziusc'.“

„E pouimpò cung dutt chesc' messte ji, (dijō Genofefa) e i nèt' farrà nia d' mal. Ascolteme: cina a fengn' ai rajonè cung tè solamentr d' nosc' Pere in Ceil; fengn' t' messi dì, che desch' t' as na uma, aste pa incie 'ng pere soung chesta terra.“

„'Ng pere soung chesta terra?“ sraia d' gusto 'l mutt. „Poi ci l' udei è l tō pur la mang sceoucche os? o elle invisibile, sceoucche 'l Pere in Ceil?“

Sè, mi caro fi, t' pudaras l' udei, e baiè impara.“ „L' udei e rajonè cung el,“ disc'l coung oudli, ch' verdō d' ligrezza; e spo plou chit: Mo pur ci nè vegnel pa a nes ceaffè, e nes lascea susc' t' chesc' bosc? I spere ch' el nè sarà ri sceoucche l' atra jent.“

„No, el è 'ng om da bengn', nè sa nia, ch' sung tè chesc' bosc, el nes tengn' pur mortg', crei, che sungfe gnùs accopà, e la

jent i à dè a creie chesc' cung baujiis.“ „Ci elle pa chesc', i nè s'intenne?“

La uma continua: „Mintì è dī na cosa differente, da chel ch' ang pengsa e sa, pur ingianè valgungn'. Li uomini disc' p. e. ch' ei s' ò bung, intang nè sè poi udei: chesta è na baujia.“

„E pong pa fa chesc'? el nè mè foss' pa mai gnu in ment, (dijō 'l picce e scassà so bell picce ciè) O, uomini! os m'sseis verament'r est'r creatures curioses e bifarres os!

„Intang to pere è ste ingiannè,“ scomanceā indò Genofefa; e i cunta sou pur m'nù dutta sua storia, tang innant, ch' el la podō capì, spo: „Veigheste chesc' anell d' or, ch' i porte t'l deit? El è appunto na sincunda da to pere.“

„D' mi pere? ah lascem'lmo, ch' il posse naota considerè indertura. I ha udù troupes belles coses d' mi Pere in Ceil: soresd'l, la luna, les fterres, les flūs; mo mai ciamò nen ai udù val d' mi pere soulla terra.“ — E spo che Genofefa s'l ā tratt dal deit, e il ā dè, seghit'l: „O cutang bell, ch' el è! à forse mi pere ciamò val atra bella cosa, da mè fa 'ng regal incie a mè?“

„Sè, e troupes (i respong la uma intang ch' ella tol l' anell zuruc;) cang ch' i sarà morta, t' tollaraste tou chesc' anell, chè denant nel' òi to fora d'l deit, e in chella maniera,

ch'i ame iou chesta sua r'cordanza, i desste ci tou mantignì amur e fedeltè a to pere cina alla mort. Ah! zerto mi amur ad el è puro interminabile desch' l' or d' chesc' anell, che nè s'finesc' inniò, ed è 'l vero simbolo d'l eternità. Dà a ment fi: tantosc' che t' saràs r'vè inant'r jent, damana dō 'l conte Sigfrid (ch' è l' innom d' to pere) preia, ch' ei t' mene da el, mo nè dipa a degungn', chè, ch' t' es, o da ullacche t' vegnes, e cicche t' òs dal conte, e n' i mostrè l'anell a d'gungn'. R'vè ch' t' saràs alla p'rjanza d'l conte, sporji l' anell, e di: Pere mia uma m' à m'nè da os cung chesc' anell pur s' fa udei, ch' i sung osc' fi: dang puc' dis àla stlutt i oudli pur dagnara: ella s' mena ciamò 'ng addio, e s' fesc' a savei pur boccia mia, ch' ella è innozente, mo s' perdona, colla speranza d' s' udei indò in Ceil, dea ch' el ni è ste conzedù cajou: desses m'nè na bona vita in pesc', no pittè pur ella, mo avei cura d' mè. — Nè tè desmentìè, mi fi, mo diile, ch' i fō innozente, e ad el fedele, che tale m' essi mantignì a cost d'la vita; anzi pur chesc' l' ai ci purduda. Assigureiel, che al moment d' mia mort tang ch' i t' ame tè, ami ci el; cunti mia vita te chesc' d'fert; preia, ch' el leve da chilò mi corp mort pur 'l sopoli t'l sepolch'r d' mi antenati, purcicch' i 'l sung tres degna, s'mia, che li uomini m' ha tignù pur desonorada."

„Ciamò na cosa: i à pou ci iou, sceoucche tou, pere e uma soulla terra, mo, o grang Di! . . . i nè sà s' ei à tignì fora 'l colp d'les crusc', ch' iou i à fatt senza mia colpa. Pur at'r s' ei foss' ciamò in vita, preia to pere a t' cundù da d' ei, ch' ei t' veiga sigù cung ligrezza e sè desmentierà les affliziungs, ch' ei à aibù sett angn' pur mè, purciech', o mi Di! pere, os m' l' ais sigù perdonada; mia cara uma, os m' ameis ciamò, dopo ch' ais dè tang d' legrimes pur osta fia. Ah! s' i s' pudess' ciamò naota abbraccè denanche morì; s' savesses mia esistenza, esses pou 'l medemmo desiderio d' mè; mo os tignìs', ch' mi corp sii belle valgo frat te val busc' te chesc' bosc ascognù. Impò mè consola immensament'r la speranza, d' s' udei ingdò in Ceil, luc d' ligrezza senza fing; senza chesc' confort fossa les penes d' chesta vita insofrìbiles pur nos, e la desesperaziung nosta arpejung. Tou t' pittes, fi, t' pittes? Perdona, s' mies parores t' fesc' mè; mo se t' perdes na uma, ch' t' o bung, 'l Ceil t' darà impede me 'ng bung pere, che t' amatenement'r senza dubbio, t' strengjerà a so cour, t' bajerà, t' nominarà so fi, tè d'amanarà scrupulosament'r cunt d' mè, e sè desfajarà in legrimes d' ligrezza e crusc', dutt adum.“

'L sed'lott e les legrimes i soffoia la usc', e ella s' lascea ia soul plomac' d' must'l indeblida dal scommoviment, dalla re-

belliung interna, e dalla marattia, ch' ell' ā al col.

C A P O XIII.

Preparaziung alla mort.

Dopo ch' l crude d'l ingvèr s' ē smorjelè, tirāle indò 'ng n' aria cialdina e amabile d'al l'ainsceuda, e fengn', ch'el dē indò ite soresd't t'la caverna, e scealdā ite cung su raggi, s'implila deng cialt jintil e d'ligā les dlaces sou pur i pareis, ch' elles degorō jou a grang gottes. Mo intang Genofefa jè d' mal in pefo: t' sua anima n' se presentale d'ung at'r pre-sentiment, che d' m'ssei presc' morì; quindi s' āla tratt daimprò la crusc', ch' ella ā m'tù sou t'l and'r, e sè praparā al fatal moment.

„Pura infelize, ch' i sung,“ sospirāla, „ch' i nè po avei 'l confort deng sacro ministro, che, p'liè a mi lett da mort, mè feje coraggio mè sporje 'l pang d'la vita, e mè mene soul iade all' eternità. Mo Os, Signur, prum e eterno Sazerdote, m' steis dagnara purmezz, desch' a duttg' chicch' è d' cour umile e contrito, Os jotareis' ite consolaziung a chest' anima desfortunada, ch' patesc', e sospira a Os. Ais pon ditt: Vè, ch' i sung alla porta e batte, vignung ch' m' alda e deura, sarà visitè da mè, iou sarà so compangn' a mefa, ed el mi amisc'.“ Soung chesc' ella stada 'ng bung pezz in oraziung cung pesc', colles mangs tignides sou, e i oudli ia pur bās.

L' mūt plengn' d' pora pur la uma, nè jè mai daincearà da ella, no ia pur 'l dè no les nouettes lungies d'ingver, el n' urō plou beire no mangiè. El indovinā t' i oudli alla uma, cicch' ella orō, e saltā al fa pur' i desmostre ringraziament e āmur da fì. El toļō na bona mang d' must'l e suia jou chel tang ch' el pudō i pareis mōi d'la grōtta, acceoch'el n'i gottass' jou adōs alla uma amarada. E coiō soulles creppes e dai lengn's must'l sūt, pur i arjignè 'ng pinic' plou comodo all'amarada. Gonot jēle pro fontana a piè sou ega fresca, i la sporjō a Genofefa, e dijō: „Boiede, uma, ais burjū, i sleff' è sūt, g!“ O i m' tō dant la cuccia plena de latt fresc. „Tolledē, uma, (dijōle) el è bung, i l' à mūt permò chesc' moment bell nett cung dutta la diligenza dalla cerfa.“ Spo i saltāle colles legrimes ai oudli incear 'l col e scraiā: „O uma, mia bona uma! pudessi iou patì pur os, e morì impede os“!

Naota in soulla dumang āla fatt 'ng bung son, sauri e in pesc', e descedada sè sintila trou plou lifira e in forza, mo sen anadē, ch'intang chella dormì i ēle tomè d'mang 'la piccera crusc' d' lengn'. Ella firā attira cui oudli pur la urei chirì; mo 'l fì capì sō desiderio, e i la sporc' colla dimanda: „A ci elle, pa bung, uma, chesc' lengn' tles mangs?“ „Mi bung fì, (respognela) iou c'rdō d' vire plou di,

zenza t' avessi spieghé chesta s. imagine, mo fengn' n' s' lasc'l plou jumè cung chesta novella. T' sas belle, da ch'el, ch' i t' à ditt, ch' el Pere in Ceil à 'ng Fì in dutt ad El vali; mo cina fengn' nè t' pudoi spieghè cutang d'l bengn', che chesc' Fì d' Iddi nes a fatt: bandì fora d'l mon t' chesc' bosc dalunc' da jent, nè saste ciamò nia d'l mon, mo fengn', ch' i t' à ditt ch' el è ciamò uomini, e cocch'ei è; fengn' che t' sas, e tè t' pos in val maniera figurè la mort, oi porvè a t' insignè les coses plou importantes d'la storia d'l Fì d' Iddi. Spo inteneraste imprmò, cicch' el significa chesc' lengn', ch' i tegne t'la mang; intang scuta pro cung attenziung a cicch', i te cunte; e les parores d' tua uma t' reste stampades t'l cour.“

„T' messes savei, ch' 'l bung Pere in Ceil s'ung m'nā picciè d'la jent, a udei cutang, rì, che li uomini ē, e purchesc' tang puri stantes, ch' ei nè pudō ji a Paraisc' dō la mort; pur chesta gausa àle m'nè so proprio carissimo Fì, acceocch' El s' impiegass' ai coregger; e l'innom adorabile d' chesc' Fì è Gesù Cristo.“

„El ē potente e da onorè nia manco ch' l Padre: plou jōn ch' tou, viōle cung sua uma, santissima, tena ūtia, ch' ē sceoucche la nosta, abitaziung pur les besties. Cang ch' el ē maiū co tou, àle vitt 'ng tratt d' temp t'l desert, luc plou spaventùs che chesc' e fajō tres

oraziung, acceoch' el nè foss' d' ban, cicch' El jē a prdicchè e a fa pur li uomini.“

„Dō na vita solitaria elle indō gnu inant'r li uomini e i à rivelè, ch' El ē m'nè da so Pere zeleste, chē chesc' è bung e sant, i amā der tropp, dea ch' el è Pere de duttg; purchesc' dessi ci ei est'r bongn' e amē chesc' bung Pere, incie s' amē tra d' ei desco fredesc'. El ingsignava: Chicche ascolta 'l Pere ascolta ci 'l Fì; e chicche s' armendarà, r'varà in Paraisc', ullacch' ei godarà ligrezzes senza fing; mo chicche n' l' ascolta e nè jarà dō ad El, n' udarà mai 'l Ceil, mo sarà prezipità teng frignung d' tormentg'. Intang la jent nen orō creie, ch' El' foss' Fì d'l Padre zeleste, e m'nè da El; quindi orōle fa udei, ch' el ē potente, sceoucche 'l Padre.“

„Na uma, puc plou attempada, co iou, fō scealdi amarada, e la fūria ē da burjū sceoucche la mia; d'gungn' nen ē bongn' d'la vari, mo El la tol pur la mang sceoucche iou tè fengn', e ella ē sana soul moment, ed ē fresca e d' bona vouia sceoucche denant.“

„Ng fi, 'ng pū plou ved'l co tou, unico fi d'na uma, desco tou a mè, ā m'ssè morì; e ang nè sè pò imaginè, ci dular ch' l'a uma ā. Intang' 'l Fì d' Iddi i ā ditt in bella carità: No pittè, — e al corp mort: — Leva sou; — 'l mort è gnu vī, ed è l'vè sou. E'l

Fì d' Iddì il mena pro alla uma, ch' ā na ligrezza immensa.“

„Mo li uomini nen orō impōne nia creie, ch' el foss' Fì d'l Pere in Ceil, e da d' El m'nè; purcicch' el n' i sonā bung, de mssei de cunting maraldì, ch' ei ē rì, e ch' ei sè dō convertì. Spo ai m'tù dui tocc' de lengn' grosch', adūm, sceoucche chisc', ch' i tegne t'la mang, sta unīs, e fatt d'ingfora 'ng strument, nominè crusc', spo i ai passè cung ciodi, che someia les spines, ch' t' conescas, mo plou stersc', les mangs sacres e i pisc' e l' à imbrunciè cui bracc' a spanà soulla crusc', ullacch' El à purdù dutt 'l sanc', ed è mort soutt les coionades d' che ria jent. Semia ch' El n' i ā mai fatt mè a na persona, anzi, ch' El ē cung duttg' plengn' d' amùr, e deidā vignung, ch' 'l p'riā.“

„O uomini pessimi e d'a orei crêo, (scràia 'l mūt). E 'l Pere in Ceil, El sopportā 'ng te delitto, senza i fulminè? Iou i ess' accopè jou duttg' iou.“

E Genofefa: „Mi picce, 'l Fì d' Iddì p'rià so Pere pur ei: Pere, dijōle, prdoneila; ei nè sa, cicch' ci sè fesc'. — E El è mort pur amur d'li uomini, e d' chi medemmi, ch'l ā cruzifiggè; e chesc' m'ssā est'r, senza nè podō jì d'gung uomo a Paraisc', no iou, no tou. Quindi àle dè la vita incie pur nosc' amur.“

'L bung fì stè illò starre ad ascoltè pro,

e belles legrimes i d'gorō jou pur les massalles couccenes; chella storia, fin a fengn' mai aldidà, l' à scommout cina al funz d'l cour. Cang ch' el s' ā suie jou les legrimes colla pell de rech'l, ch' el ā indos, daman'l: „O cutang bung ch' el è 'l Fì d' Iddi; e fengn' sarāle bengn' in Ceil?“

„Sè, (respongn' la uma) sè, mi bung picce; so corp zenz' anima fò gnu mettū te na spelunca d' pera, simile a chesta, ch' abitung nos, e la portà d'l sepolc'r serrada sou cunung grang sass. Impō elle gnu vī indō 'l terzo dè; duttg' li uomini non ē impone rì; troucc' l' ascoltā e se convertī, ei l' amà, e pittā legrimes cialdes a sua mort. A chisc' s' ale dunque prejentè dō la resorreziung, e la ligrezza, ch' ei ā all' udei, i à fatt avei la grazia, d' l'udei ciamò plou ōtes; mo cang, ch' el dijō, d' m'ssei jì al Ceil pur udei so Pere, s'aggramai duttg'; mo El i consolā: — Nè lagrimede, e nè sè disturbe osc' cour; lassou, in ciala d' mi Pere elle 'ng post pur os, e i vade a s' l' ingjignè pro. Fajede sceoucch' i s' à ditt, e r'vareis pro mè, m' udareis, e osta ligrezza sarā perfetta, e degnungn' nè s' la podarà l'vè ia. E sebengn' che nè m' udareis soulla terra, s'assigurai, ch' i sarā dagnara pro os, cina alla fing d'l mon. — Spo i āle ciamò dè la benedisiung, ed è jou sou al Ceil, e na neura d'or i l' à soutratt' ai oudli.“

„Ah' chesc' mess' est'r ste bell (scraiā 'l mūt); e d' fengn' sàle cocche nos sè stung? sàle, ch' m'ssung vire t' chesc' bosc, e ch' l' udarung 'ng dè in Ceil?“

„Zenza dubbio, El nes veiga dlunc; el è daimprò da nos, el nes ama, nes mett' ite d' bongn' pingsirz, nes deida a diventè plou prosc'. Purci, saste, mi caro, t'es 'ng bung fi, e mia consolaziung, mo perfettament'r bung nen este ciamò, e t'l cunesceràs, a na piccera consideraziung. Se li uomini t' ess' fatt morì, nen este priè pur ei, sceoucche 'l Fì d' Iddi; anzi t' as ditt, che t' i esses accopè jou duttg', se t' esses podù; da chesc' cunesceste, chè nè t' es bung, e d' n' avei na carità sceoucche 'l Fì d' Iddi. Nos dessung dunque diventè bongn' e plengn's de carità sceoucche El, s'urung i plajeì al Pere in Ceil, e ad El, e r'vè a Paraisc'. A chesc' fing nes deida 'l Fì d' Iddi al somiè dagnara plou in bontè, e pur chesc' fing elle gnu al mon e è mort soulla crusc'.“

„Sengn', mi caro Schmerzenreich, saste purcicche i tegne dagnara chesta crusc' ing mang: ella m' recorda l'amur d' Chel, ch' à patì ed è mort pur nos soulla crusc', che nes ringforza a r'vè ci nos in Ceil col patì e colla mort, ch' è pou incie crusc'; pur chesc' nes ella 'ng sengn' tang caro e venerabile.“

Cui oudli slungfà dalles legrimes seghiteila

spo: „Mi fi, i nè t' po lascè atra r'cordenza, che chesc' pure lengn' grō; mo cang ch' i sarà morta tem'l fora d' mies mangs freides e starres, e ringcur'l. E cang ch' e t' saras spo 'ng dè ricc e potente, nè te dodè pa d' mette chesta piccera r'cordanza d' tua uma soul plou bell post d' tua maestosa abitaziung, ch' t' arrās; ciari gonot, o pengsa a Chel, che dang 'ng temp à lascè la vita pur tè; r'cordete de tua uma, che morī cung chesta crusc' ing mang. E vignota impormett d' estr plengn' d' religiung e da bengn', d' vire puro e innozent, d'amè li uomini e d' i fa d'l bengn', ci a cost d' tua vita, s' el foss' necessario, e incie s' t' savesses de sigù ch' ang nè t' ringrazierà mai. Se t' faràs vign' ota, ch' t' i ciares a chesta crusc', chi proponimentg', e tuus operes jarà d' accordo col proponiment, arrà chesta miserabl' arpejung d' tua uma plou grang valuta, che la grassa e ricca ereditè da to pere.“

Chesta contefa lungia ā indeblì l'amarada a na fōfa, ch' ella ē sforzada a scutè e palsè pur 'ng bung pëzz, spo r'mettuda seghiteiela: „O mi Di! se t' pudesses almanco r'vè pro to pere zenza ortè t' val intrighe; chè a tè picce debl e miserabil mess' 'l est'r 'l iade pur chesc' defert d' orror, pur 'ng bosc spess follè, pur rūūs ertes, e frignungs d' crepp, 'ng iade lunc, d' fadia e plengn' d' prigoì; mo Iddi tè darà

la mang, e t' menerà felizement'r dal pere, ch' el t' à destinè soulla terra, sceoucch' El mess' nes deidè duttg' te chesc' defert d'l mon plengn' d' guai, acceocche r'vungfe finalment'r felizi da d' El, unico e vero nosc' Pere in Ceil, e pudungfe l' udei mūs a mūs. Nè te d'es-mentiè pa d' tō cung tè les cūccies plenes d' latt, pur t' ringforzè, e 'l mazzung pur tè d'fenne. T' es debl, el è vei, mi pure mūt, mo Iddi, che protegge na donna timida, descoiou sung, ch' ella trionfeia pur sura i lūs, Iddi sarà tua sogortè cuntra vigne mala bestia, purcicche la sacra scrittura disc': — Chicche confida in El, passerà zenza dan pur sura viperes e serpentg', p'starà soutt liungs e dragungs.

In soulla sera c'rsceō la deblezza, 'l fle jē p'sōc, 'ng suiūs freit pur duttg' i membri d'l corp. Illò arrasp'la ciamò duttes les forzes adum, e sentada sounge so lett d' must'l, i ciar'la fitt al fi sentè d'lungia, e cung usc' sottira mo sforzada, che trappassā l'anima d'l picce disc'la: „Ingjenedleite, Schmerzenreich, ch' i t' posse dè la benedisiung, ingsceoucche mia uma m' la dada, dananch' i m' ung vade da ella d'mezz: i creie fengn' ch' mia ora sii daimprò.“ 'L pure fi injenedlè dutt in legrimes arbassa 'l mūs desconsolè a terra, tengn' sou devotament'r les mangs che tromorā, intang Genofefa mett suus mangs sounge chel ciè gratt

d'l picce, e pronunzia dutta scomoũta les parores: „Iddì t' benedesse mi fi, Gesù Cristo sii cung te, so spirito sii to conduttier e maest'r, acceocche t' vegnes 'ng om da bengn', t' schives dagnara 'l picciè, e ch' i t' posse 'ng dè indō udei in Ceil.“ Spo l' àla signè colla crusc', abbraccè e bajè, colles parores: „Ascolta fi; cang che t' saràs inant'r li uomini, udaraste d'ries operes, mo n' t' lascè pa tra fora de strada d'la buntè; e inant'r la comodità e les ricchezzes nè t' desmentìe ia tua uma infelize; purcicche se t' desmentiasse d'l mi amur d' miis legrimes, e dles ultimes parores da mè in punt d' mort, e te t' diventasse rì, foss'te da mè eternamentr separè in l'at'r mon. Ah! mi fi mantegnete ma da bengn'.“ Chilò i elle soffiè la usc' e finida s' lasc'la ia soul lett di patimentg, stlusc' i oudli, e lascea 'l mūt in dubbio, se chella nēscea gnē dalla son, o dalla mort; quindi s' injenedleiel jou d'lungia, e rump fora in legrimes e sopiri colles parores: „O mi Dì, ah nè m' la lascede morì! Gesù, Os fajella resorì.“ —

La mort è dura pur chicche mour e gonot pur chicche resta, mo no da una pērt, no dall' atra è ceis crudia la mort d'l giust, purcicch' el è Iddì ch' consola 'l moribondo, e chesta è ci na consolaziung pur i fiis, che resta. Genitori, dijei na bona parora a osta figliolanza denanche morì: les ultimes parores de 'ng pere d'na uma nè sè desmentiuḡ lēre.

CAPO XIV.

Ci fesc' Sigfrid?

Cang' che 'l conte Sigfrid t'la fūria d'l senn, impiè sou dalles calunnies d' Golo, sott'scriō l'indegna condanna d' Genofefa ēle ponù t' so proprio zelt (ūtia d' drapp soul campo d' verra) amarè pur na firida, intang che Guelfo, (so portaermes, e ved'l compagn' tles battalies) plou ores da lunc' dall' armada tignō cung su cavalieri la serrada tena stren-tura d'na val. Appena lade da chella posiziung elle r'tornè all'armada, e saltè zenz at'r al zelt d'l patrung, pur s' ingformè d' sua sanità, e Sigfrid i cunta atira cicch' el è suzzedù. 'L nobil veccio spordù e stlari a chesta novella disc': „E ci mai aife fatt, mi bung signur? Soung mi ciè blanc oi dè jorament, ch' ella è innozente, chè 'ng n' anima tang d'vota, e tratta sou cuna te premura nè d'venta ria teng colp; signur, c'rdede chesc' tang a mia sperienza da vedl. Golo, all' ingcuntra è pessimo, plengn' d' marizia, e i n' à mai pudù capl, cocche os pudōs tignì val sou na te persona. I sa bengn' che a forza de crazzè la sella s' elle slaichè intirmentr in t'l cour; mo c'rdemla na ota a mè, chel che sè lalda dant e dò, e a ousc' oudli fesc' comparì dutt bung e dert, chel è osc' nemico, e lapprò sè desprijel te so interno, purcicch' el nè va at'r, che soung so interesse.

Ploutosc' è osc' amico chel che sè disc' la veritè, incie cang ch' ella nè sè comoda. Ascoltede mia supplica, mi caro signur, e ritirede la sentenza, fatta zenza trou massa puc pungsè. Ah mi Dì! A ci nè s' àle mai lascè trasportè mi bung patrung! El, che 'l tigniss' pur 'ng grang delitto, condannè l' ultimo suddito zenza l' aldì denant, el pronunzia la condanna cuntra sua pia e fedele signura, zenza, ch' ella sè posse despleidè. O gornede na ota osc' senn infelize prezipitüs, nen aife bell' aibù plou gonot gausa da sè pentì pur chel? e i m' teme, ch' 'l plou mal l' aife ciamò urtada chesta ota.“

L' conte confessa, ch' el s' è surasaltè, mo el stē impò inant'r duus, cal sarà 'l colpevole, la sposa, o Golo benefichè; purcicche la lettera d' chesc' ē tang plena d' baujis fines e furbes, 'l postier pur chesc' affare 'ng cabulung tang mariziüs, e confermā dutt cuna sinzeritè tang da ingiannè, ch' el à bastè a sverceiè d' plengn' l' conte. Impò à Sigfrid ciamò in chel dè medesimo m'nè 'ng currier a Golo coll' ordine de fermè Genofefa semplizement'r t' sua stanza ingcina ch' el gnarà d' ritorno, mo d' nè la molestè zenza in d'guna maniera, e de n' i lascè mancia d' val. Al mess i consegnel so miù ciaval, col comando d' i dè spromm chel tang, ch' el po, e na bella somma d' grosch i àle impormettù pro, s' el r'vā a

ora e temp al ciastell e gnē cuna risposta sufficiente.

D' mezz ch' ē chesc', sè dē 'l conte vigne dè plou alla mancogna, cang pungsāle al-l'innozenza d' sua fomena, spo tignile indō pur impossibile, che Golo, ch' ā aibū tangn' d' benefizi da d' el, fossa ste capaze d'l' ingianè in na maniera tang crudia; ingsceou ē so cour continuament'r tormentè dal dubbio e dall' inzertezza tiranna. El n' i passā ia ora dal dè, ch' el nè m'nass' Guelfo a udei se 'l currier gnē, no ora d' noutt, ch' el pudess' stlu l' oud'l. Finalment'r èle r'vè la r'sposta, colla novità, che Genofefa e so fi è gnūs accoppà in nascundung t' bosc dō l' ordine d'l conte. Chesc' ē ste sceoucch' ang i ess' portè sua propria condanna; el stē illò t'la scuritè d' sūs crusc' senza partì parora, intang che 'l vecchio e brao Guelfo lagrimā, e duttg' i cavalieri d'l Grof abinà soung usc' d' so zelt maledī Golo, e jorā d' fa vendetta.

Sigfrid ē ste 'ng bung pezz amarè pur sua firida: tang ploucche 'l scommoviment e i rimorsi intardivā la sanitè; mo appena varì àle damanè e ceaffè urlaub dal rè, purcicche i Mori ē affatto destermìnà, e nè, fajō plou pora. Cung pressa àle dunque arbandonè l'armada, e s' a m'tù in strada d'buriada cung so fedel Guelfo ei brani soldàs verso sua cara patria.

D'e noult tērt elle r'vè a na piccera villa, ch' aldī al ciastell, e chella bona jent, ei, elles, piccei e grangn', duttg' saltā fora d' suus ūties poortines, cung grang lamentaziungs: „Bonissimo signur, eccellente signur, ah la desgrazia spaventofa! La bona contessa! . . . Golo, Golo infame!“ . . . 'L Grof sbalzè dal ciaval, saludā duttg', i toccā a vignung la mang, e damanā cocch' ella è passada al ciastell temp. ch' el ē ste d'mezz, e aldī d' les bones operes d' Genofefa e d'les scelleratezzes d' Golo.

Desturbè e ceaugnè t' so interno a chestes novitēs, i àle dè plou spromm alla cavalleria, pur r'vè ciamò d' noult a so palazz, ch' fajò da lunc' udei duttes les finestres illuminades, e al r'vè plou da vijing aldile da illò arlerc na musiga streppitosa. El ē meffo der in che serra, ch' 'l maest'r d' cialfa tignō 'ng bell grang pāst cung su compangn's, soulla speranza che 'l conte moriss' da sua grang firida; minā dunque d' est'r belle patrung d'la contea, e porvā-de soffìe i rimorsci de coscienza t'l rumù d' les ligrezzes, e in d'vertimentg' indol'atr. Mo dutt de ban, purcicche intang ch' el stē sentè alla magnifica mefa, i servidùs s'la sbighignā:

„Da ament, se nosc' bung grof mour, nen elle dubbio, che Golo te chestes zircostanzes nè ruve a so desengn', e d'vente nosc' signur; mo iou n' oress' pa est'r ing el: ciara mo, cocch'el è desturbè.“ „T' as rejung, el nè po sinti

'ng pude ligrezza, el nen è abile ang pude de destraziung; el è pro tavola sceoucche 'ng condannè pro la mēsa d'l bōia, ci iou n' oress' est'r impēd' el, è piē dō so premio, ch' l'aspetta ing l' atr mon.

R'vè alla porta d'l ciastell cūg sua compagnia 'l grof dà ordine all' araldo, trombettiēr, d' sonè 'l cōr pur sengn', ch'el ē dang mang, e la guardia soulla torr respogn' al signal. Golo, e duttg' i amisc' salta sou impē, al scraiamēnt pur dutt 'l ciastell: — 'l conte! 'l conte! 'L maest'r d' cīafa, spordù dall' improvvisa comparscea, i è jū umil ingcuntra, e tengn' 'l piss al ciaval, che portā ciamò 'l patrung. Zenza i partì parora 'l grof i ciara dī fitt t'l mūs cuna sodezza e fermezza tal, che Golo ē dventè blanc sceoucche na pezza, e tromorā nia atrament'r, che 'ng colpevole dang dal giudize. T' i oudli desturbà sē d'pengjō la ria coscienza, e la veritē stē zerta, sceocche scritta a grang lettres soul mūs; el jē dangfora sou pur stiga a so signur dlung ceangcantang, e sua mang tromorā, ch' el ē appena bung d' s' tignì 'l chent'l da fuc. Sigfrid ingcunta dlunc lusso è pumpa insolita, mo el odō incie da vigne pert dutt soutt e sura in disordine, mūsc' odole strambamentr spaventà, e ma puc' d' su bongn' servi 'l saludā colles legrimes ai oudli. T'la grang sala dalles ermes mett'l l' elmo e la spada soung mēsa,

damana duttes les tles, e à dè comando a Guelfo d' tignì guardia soulles portes d' ciastell, acceocche d'gungn' posse fora, ordineia 'ng bung past a su soldās stanc', e zenz at'r dale sengn', d'l lascè sū.

'L prum vare fō alla stanza d' sua sposa, che Golo ā sarrè sou dopo ch' el l' ā m'tuda te p'rjung, e nen ā mai plou mettù 'l pē illò purgausa di rimorsi. Dutt te chella stanza fō ciamò da udei al medemmo post sceoucch ing chel dè, ch' Genofefa l' ā arbandonada: 'l tarà da ricamè — da cuji fora — cuna gherlanda d' aurēr, laurada cung spezial finezza, e les perles intrceades portà l' iscriziung: Al eroe Sigfrid la fedele consorte Genofefa; 'l laut soul lib'r da cianties d'votes, impert fattes da d' ella, che sospirā la lontananza d'l' sposo. D' plou ceaffale troupes composiziungs d' lettres, che spirā i plou nob'li sentimentg' d'amur e fedeltè ad el, d' chelles, ch' el nen ā r'cevù d' gunes copies: te chelles stēle scritt, ch' ella priā d'conting Iddì, ch' El 'l condjess' san dalla verra a ciala, ch' ella spera e s'la god a pungfè, d' i pudei jì ingcuntra cunung baming o na bambina al cōl; ch' ella s' cruzieia pur el, pitta e passa les noutt's zenza dormì, disturbada da rì presentimentg'. Ing chella stessa maniera, che Golo ā tignì duttes les lettres, ch' dō jì al conte, àle ci piè sou chelles, ch' el m'nā a Genofefa. Desconsolè è

stè Sigfrid illò cina mezza noutt, cui bracc' ing crusc' purdù tena scura angosceia, nè sen anadēle ci, che la lum sè destudā presc', e in chesc' moment vegnel Berta da usc' ite, chella jona fedele, e i porta la lett'ra, che Genofefa ā scritt te p'rjung, i mostra la morona d' perles, ch' el conesceō bengn' afsà, e cung legrimes i cunt'la 'l bengn', ch' Genofefa i ā fatt t'la maratia, e les parores, ch' ella i ā ditt la medemma noutt d'la mort, in summa dutt chel tang, ch' ella savō de chella storia dolorosa. A chisc' baià l'affliziung concentrada al cour ingroppè s' à fatt sfogo cunung ru d' legrimes: cicch' el ā ceaffè, e sura dutt la lettera da Berta, i levā ia vigne dubbio d'l innozenza d'la desgraziada, el pittā, e pittā tang dassenn, ch' 'l mus s' ē sfigurè, e la lettera bagnada da legri-mes. El nè zedō plou d' scraiè: „O mi bung Dio! Genofefa! iou to boia? 'l to . . e d' mi fi? In veritè iou sung 'l plou infelize de duttg' li uomini!“ Guelfo, 'l fedele, al scraia-ment saltè adarlerc, purvā d'l consolè, mo d' ban.

Dopo ch' el ā bengn' bengn' pittè 'ng bung pezz, ciar'l dō la spada pur jì a i la ficciè t'l cour al traditore; mo Guelfo 'l tengn' sou, e i r'corda l' obbligo d'l esaminè, denanche 'l condannè. El à dunca comanè ch' el vegne arrestè ciamò in chella noutt, m'tù ti ferz e tratt tena p'rjung compagna a chella, ullacch' el

ā fatt patì tan troupp e tan di 'l sacrificio innozent. Medemmamentr āle dè 'l comando d' arrestè duttg' chicche ē intenūs cung Golo; e i soldàs à fatt chesc' dutt bell avvifa. Da dumang damana 'l conte, che 'l colpevole i vegne m'nè dant; el ā meffo der finì d' lì la secunda òta la lettera d' Genofefa, e grang impressiung i à fatt chelles parores: „Sceoucche iou perdone a tè, perdona ci tou ad el, e el nè vegne spanù na gotta d' sanc pur mia gausa.“ E pur chesc' èle stè, ch' al comparì d' Golo i ciarāle cung cumpassiung, i oudli inflà dalles legrimes, e i à ditt cung usc' morjella: „E ci t' ai mai fatt Golo, ch' t' messās fa gnì na te desgrazia pur sura d' mè? Ci t' ai fatt mia signura e mi fi, ch' t' jès ai accoppè? 'Ng pure mūtt arbandonè este capitè a mia porta, e chilò aste ceaffè tua felizità; e tou t' m'la pais ing chesta maniera?“ 'L miserabile crdō d' ceaffè 'l conte dutt in senn e fūria; mo chella maniera umile mai aspettada i ā firì 'l cour tang soutt, ch' el ē rott fora in legrimes e scraiā: „Guai a mè! na pessima passiung m'à svarceiè: osta sposa è innozente al per deng angel in Ceil, iou fō 'l demonio pur la tentè e tra al mal, mo d' ban. Ella nè m' à dè oredla, e iou sung d'ventè furioso, i à jurè vendetta e al medemmo temp chirì 'ng mezzo pur salvè mia vita, purcicch' i m'ssā aspettè la mort da osta mang, s' ella s' mani-

festā la veritè. Pur chesc' i ai urù sceampè dant, i l' à pro os calunniada, e“ . . . Chesta confessiung ā sollevè 'l conte, e el ē pur el na grang consolaziung ad aldi da Golo istess la puritè de Genofefa confermada. Condutt ch' el ē 'l malfattore in te p'rjung, à 'l conte toccie 'l mus tles mangs e pittā pur la perdita mai plou da r'fà, e maledi 'l senn desordinè, ch' i è stè la gausa. Da chel moment incà èle tomè t' na tristezza tale, ch' ang gnē gramz pur sua vita, chè na grang passiung po passè a matitè furiosa. Der gonot s' abinā in ceiar el i rittri vijings, duttg' su amizi, pur 'l destrà da chella affliziung, mo el nè tolō sou d'guna parora d' consolaziung, e sung stē dagnara sarè daite, te stanza d' Genofefa, o t' la cappella d' l' ciastell. El fajō dutt 'l possibile pur ceaffè sou la fossa d' ella, pur jì illò a s'la pittè fora, e pur trasportè so corp ang sepolc'r plou onorevole. Mo el ē dutt d' ban, purcicche i dui soldàs, ch' ā m'nè la desfortunada alla mort, ē spariis, e ang nen ā plou aldi at'r d'ei. Dunque à 'l grof fatt tignì t'la dlisia, che taccā pro 'l ciastell, solenni offizzi da mort pur Genofefa, e el s' è abbinè a chella d'voziung duttg' i sudditi coi cavalieri su amizi, e d' chi les signures e na te populaziung, che la dlisia nè tignō ci la dezima pert d'la jent nè; in chesta gausiung à Sigfrid incie fatt spartì fora grang ciarità ai pūri, e t'la medemma

dlisia inalzè na pera pur r'cordanza, colla scrittura a lettres d'or, ch' i cuntass' la storia de doreja d' Genofefa, incie a chi ch' ā da gnì. — Pessimis consequenzenz deng rì senn. T'l senn nè fà e nè di mai val, ch' el sarà pur solito mal fatt e mal ditt, e t' arràs da te pentì; mo sfreid'l denant col sanc d'l divin agnell Gesù Cristo, che d'gorr dalla crusc'. —

C A P O XV.

Ci d'vent'l fengn'?

Valgungn' angn' dō i ēla finalmentr garatada alles fadis, o dirung, ai sforc' di rittri su amizi e d'l fedel portaermes d' condù 'l conte val òta fora d'l ciastell, e les proves d'l consolè derzā plang plang fora valc. Pur chesc' ung à fatt 'ng grang convito, cung allegries d' musiga coll arpa e ciantamentg' solenni e d' bonavouia, 'ng n' at'r à ingjignè 'ng ritterspil, da tra la saitta teng anell, 'ng terzo ejibi na ciaccea, e dea ch' el amā chesc' d'vertiment da picce ingsoù, parōle ci chesc' l' unico, pur 'l destò da sua malinconia. Gnūs soura d' chesta sua ligrezza i cavalieri fajō gonot cung el na ciaccea d' purcèi salvarì, d' cerf, laurz, e luus; d' te tirz ēlle illaota afsà fora pur i todesc'; e Sigfrid nè desprijà nett nia la compagnia di cavalieri; anzi soul consei d' Guelfo àle istess ordinè na grang ciaccea, e à invie duttg' i cavalieri a comparì. El fō soulla fing

d'l ingvēr, e ang ā m'tù 'l prum dē serengn' ch' gnē souna nei fresca; finalment'r ēle gnù 'l dē, e da dumang adora elle piè ia 'l conte in compagnia de duttg' i nobili cavalieri d' sua vijinanza, d' troucc' servidūs, vignung a ciaval, cung atri ciavai da soma o musc', spo ciangs da ciaceca. I cōr dò l' uso, ingherdeni pur 'l bosc, ch' el ē 'ng gusto, el ē ci gnu coppè jou na grang quantità d' purcei salvari e d' cerf. Incie 'l grof s' ē imbattù teng animal, che sceampā: e el 'l parseghita a ciaval pur creppes, rōs e brusces cina alla grotta d' Genofefa, illò s' è r'tràt l'animal te sua tana; e el ē meffo der la cerfa ch' ā nudri cung so latt la uma Genofefa e 'l fì tangn' d' angn'. 'L conte è gnu jou dal ciaval, ch' el ā tacchè pro 'ng pecc', i è jù dō al fostù d'la cerfa soulla nei fresca, e 'l fostù l' ā m'nè pro la caverna; illò i dāle ite na udlada, e s' è spordù a udei teng pizz na figura umana stlarida, ch' somiā 'ng mort: ella ē sua fomena appena levada dalla grang marattia, tang debla e miserabile, da n'la pudei plou tignì fora te chella boscaia, pur chesc' s' aspettāla teng curt la mort.

„Este tou creatura umana? (scaia ite 'l conte) vù fora t'l luminūs;“ e Genofefa fatta ite t' sua pell' d' bīsceā, les sceables curides dai chiaveis lunc' blancojings, i bracc' ei i pisc' desnūs, tromorā da freit, smōrta sceoucche 'ng signāl.

„Che este tou? e cō este r'vada chilò?“
damana 'l conte, intang ch'el zessa intimorì:
el nè la conosceō plou. E ella all' ingcuntra
l' ā conesceū alla pruma odlada, e respognō
cung usc' lamentabile:

„Sigfrid! i sung Genofefa, tua sposa, ch'
t'as candannè a mort, mo Iddi sa mia inno-
zenza!“

'L conte ē r'stè sceoucche tocchè dal
tarli, in dubbio s' el ceauriā, o s' el ē veritè
dang i oudli; anzi ch'el fantinā pur la grang
pena, ch'el ā, e t' chel bosc spaventūs bengn'
dalunc' da sua compagnia tignōle d'avei lo
spirito d' Genofefa dang sè.

Ahi! (scraiel, cung usc' dutt' appassionada)
tou t'es l'anima d' mia d'fonta sposa; e purci
vegneste ciamò a mè recordè mia colpa? Ah,
chilò èle dunque d'ventè l'orrendo delitto, èle
chilò sepulì to corp mort? Ah' zerto elle 'l
cadavere, che nen ā pesc' te chesta spelunca,
purcicch' i vegne iou chilò a pestè soulla terra,
macciada da to sanc, e to spirito vengn' des-
senè ingcuntra all' assassing, dea ch'el à l'ar-
diment d'gni daimprò dalla chita tua sepoltura.
O! desfanteiete amabil signal da mi oudli, la
cosceienza m' cruzieia zenza afsà; torna al luc
d' pesc' e preia pur mè miserabile, che soulla
terra nen elle plou speranza pur mè d' gode
val; almanco nè mè comparì dant inna figura
tang spaventofa, mo plouttose' in forma ange-

lica, e assureiemi d'l perdon.“ „Sigfrid! mi caro sposo (dijō indò la donna desfigurada) i nè sung 'ng spirito no, mo tua Genofefa, tua sposa, ch' è ciamò in vita, dea che chi dui bongn' ommi, ch' m' dō accopè, à sconè mia vita.“

'L conte ē smort dal orror, el i gnea scur dang i oudli, e l'anima confuja nè pudō capì les parores, ch' ella ā ditt, i ciarā ma fitt cung oudli cristallifà, sceocche de spid'l, e la tignì tres pur 'ng signal.

Spo l' àla piè lifirmentr t'la mang, ch'el i struffa attira, cung usc' d' spavent: „Lasceme ia, lasceme ia, che tua mang è freida sceoucche na dlaccea, o mèneme impara te tua fossa, purcicche la vita m' è 'ng peis, 'ng slifirament la mort.“

Genofefa i ciara dunca cuna graziosità e affeziung angelica e disc': „Mi sposo amatissimo e bonissimo, dunque nè mè conesceste plou? Ciareme avvifa, ch' i sung tua fomena; sent mia mang coll' anell, ch'i à ceaffè da tè; r'vengn' a tè istess, o Signur, desmena dalla fantasia la triste idea.“

Alla finada s' àle r'metù dall' impressiung, e quasi descedè fora deng grang semme s' àle lascè jou avvili dang su pisc' e tengn' 'ng pezz i oudli frem sount chi trattg' d'l mūs smagri, senza pudei gnì cuna parora, cina ch'el s' ā sfoghè e rott fora teng rū de legrimes, e seraia:

„Ah sè, chella este tou, tou mia sposa! tou Genofefa! pur mia colpa r'vada ang te stato. I nè sung plou degn' d'alzè i oudli a tè, incie nia d' r'stè soulla terra; mo i tè scongiure, dimme: poi sperè p'rdon?“

„Iou nen à mai aibù avversiung a tè, caro sposo, e mi amur a tè nè s'è mai sfridè, pur cicche i sung siguda, ch' t' es stè ingiannè: leva sou dunque, ch' i te poss' abbraccè, ciara cocch i pitte dalla ligrezza d' t' avei ceaffè.“

El singfidā impò appena ai ciarè t'l mus, e dijō: „Incie 'ng refflung nè, nianca na storta parora? Angelo d'l Ceil, anima santa, ah, ci mai ai iou fatt, cang, ch' i à aibū l' ardiment de t'offende?“

Dàte pesc', Sigfrid, e tengn' dutt fatt dall' orei d' Iddi. El è ste bung pur mè, vire te chisc' bosc'; i onori e les ricchezzes m' ess' forsi tratt fora de strada, intang ch' i à ceaffè Iddi e 'l Paraisc' t'l defert.“ Intrattang vegnel Schmerzenreich adarlerc, vistì te sua pell de rechl, descuz, i pīsc' ciamò mōi, pur avei m'ssè p'stè te nei, ch'el n' ē ciamò illò cutanta, spezialment'r t'les fezzūres d'les creppes. Soutt al bracc' portāle erba bella fresca, imp'rmò coiuda soulla rūa d'l rū, t'la mang āle na raisc', ch'el sè mangiā. Cang ch'el odō 'l conte vistì in pumpa da cavalier, e 'l smazz d' plumes, ch' svatā soul elmo (ciappel d' ferr)

elle r' stè 'ng pezz spordù e fremm, spo scomanc'l a scraie:

„Ah uma, è chesc' forse ung d' chi rì uomini ch' s' ò accopè? Nè pittede, i nel lasce suzzedè, denanche s' fa valc a os, m'ssarāle pa m' to la vita a mè.“

Mi caro fi, n'avei pōra da el, mo ciari, e vi, bajì la mang, el nè t' fesc' nia, purcicch' el è to pere. Iddì l' à m'nè a nes deliberè e condù a nosta ciafa.

A chestes parores s' àle quietè 'l mūt, e sta ai ciarè e a considerè Sigfrid. Sū ciaveis fosc' grattg', 'l frunt alt, i oudli grangn' e vīs, l nēs 'ng pū gumbe, la boccia piccera, in sommā duttg' i trattg' d'l mus è retrattg' d'l pere, che a considerè chel picce angel teng stato tang miserabile, m'ssā indō pittè; el s' l' abbracceā e 'l baja colles parores. „Mi fi! mi fi! O mi Dì! (e cang ch'el s' abbracceā intrami dui cui oudli al Ceil continueiel) o mi Dì, massa felizitè pur chesc' pur cour, che nè s' aspettā mai d'udei teng colp fi e sposa, sceoueche ei foss' sincà dall' at'r mon.“ Medemmamentr tignō sou les mangs Genofefa e in posiziung d'vota priāla verso Ceil: „In veritè, mi bung Signur! Os seis infinatementr ricc d' sincundes, e saveis paiè li uomini magnificament'r, cung angn' intirz d' felizitè 'ng moment d' tribulaziung sopportada; pur chesc' S' ringrazi infinitament'r!“ Spo efi restà duttg' trei im-

mobili zenza parora, purcicche 'l cour rajonā cu Iddi cung sentimentg' ch' leinga umana nen è capace di spieghe.

Finalmentr damana Genofefa plena d' pora all' om: „Vii ciamò mi genitori? Sè stai bengn' incie t' sū vedli dīs, tegni ci ei, ch'i sii innozente? El è belle sett angn', ch'ei pitta pur mia mōrt, e da sett angn' ingcà nen ai mai plou aldì nia d'ei.“ E el: „Ei vi ciamò, è in bona sanitè, ei sà ch' tes innozente, e zenza intardivè m'narai 'ng currier a ciaval colla felice novella, ch' t' es ceaffada.“ Genofefa alza indò i oudli al Ceil cung legrimes d'ringraziament. „Mi Dì,“ disc'la, „sii dunque laldè Osc' sant innom, purcicche ais esaudì mīs preghieres, ais contentè duttg' i desideri d' mi cour, m' ais finmai conzedù, cicchè i n' m' ess' infidè a desiderè: Os ais condutt mi om san dalla verra, ais fatt gnì a lum mia innozenza, m' ais deliberè d'ai orrori d'la p'rjung e dalla mort, m' ais mantignì cina al moment ullacch' i po consignè mi fì t' i bracc' de so pere, e i po ciamò udei mi vecci genitori. O mi Dì, Os seis 'l vero amur!“

Dea ch' ella nè pudō plou tignì fora t'l freit, descuzza t'la nei, āla spo m'nè lo sposo t'la caverna, che s'ē chinè jou è ju ite, e osservā i pareis groi, la piccera crusc' d' lengn' e la pera sf'riada dai jonedli d' Genofefa, e 'l lett d' must'l, les massaries d' chirbes, e i ceste'

d' routes; spo s' elle sentè dlungia la sposa, s'à tut l' mutt su i jonedli, e i dà 'ng atra odlada da porta fora ai prezipizi, ai pecceõs fosc', ciamò ciarià d' nei, spo rump'l fora teng pittament e disc': „O Genofefa, ci miraco d'la divina onnipotenza mai t' à mantignì te na boscaia tang spaventosa; forse chel, ch' Iddì t' à m'nè pur 'ng angel la speifa dal Cell? ahi! sett angn' lunghissimi m'ssei ste zenza 'ng buccung d' pang, zenza 'ng ceum d'guant, descuzza soulla nei d'ingvēr, la fia deng duca aulada a mangiè fora d' massaries d'or e d'argent, tratta sou in purpura e seda, ch' stentā a soffri 'ng zeffir (vent jintil) ch' soffla. Pur at'r bengn' che scarmettina dal patì, e dal travaliè, t' vīs impò; purcicche na p'rsona da bengn' sopporta les tribulaziungs!“

Ella i salta t'l baiè, e disc' cung ligrezza zeleste: „Scuta ma e nè baiè plou d' chesc'; i ā pou ci chilò mies ligrezzes: e t' i palac' manciel forse crusc'? aste tou forse patì manco co iou? Fing alles lamentaziungs, e trattengn'te in t' atri pingsirz. Ciari a to fì, fresc e vī, colles masselles rostes, sceoucche na porpora, san e gaiert, cung speifa d'l dutt ordinaria e aria sana. Soul ciastell c'rsceõle forse sou massa d'licat, e fengn' foss'l ghel, grafumè al per d'i atri mittungs di Signurc'. Godetla dunque e ringrazia a Iddì.“

Spo āla cuntè sou, cocch' Iddì l' ā manti-

gnida cung so fi mirabilment'r dal moment, ch' la cerfa ē gnuda la pruma òta t'l andr, cina a chel, che ceacceada dal conte sè n' ē sceampada illò; e el scoltā pro scommout e incantè. Soulla fing disc'l: „Mirabile è Iddi in sua infinita bontè, e immensament'r sapient riguardo ai mezzi pur nes mantignì; e tou, mi fi, nè te desmentìè mai chesc'. Cang ch' t' es gnù trasportè piccea creatura chilò pur ordine d' to pere, e la uma nè t' pudō mantignì, anzi d'buriada cung tè m'ssā est'r ia, s' à Iddi liberè dalla mort colmezzo d' chesc' animal; e cang che la m'feria d' tua uma ē r'vada al sommo, in fofa da i la m'ssei presc' zede, e tou te chestes boscades orrendes, plenes d' lūs, t' esses m'ssè est'ria soul iade a mia abitaziung, e d'gungn' m' ess' dè notizia d' osta necessitè, meffo der illaota elle ste chesta pura bestia zenza favella ch' m'à ortiè cina a os. In chesta maniera zenza fa mirachi Iddi à saipù da gnì a so der temp in aiut colles solites legges naturales: pur chesc' confidi dagnara ad El la cura d' tua vita.“ — Basta ch' s' lasceungfe cundù, la provvidenza, buntè e sapienza d' Iddi nes mena sigū 'l plou bengn' pur dutta la vita, cina ch' sung al fing, soung Paraisc'. —

CAPO XVI.

La gherlanda pur i patimentg'.

Duttg' trei è gnus fora dang la caverna scomottg' ciamò, e coi oudli mōi dal pittè, e 'l conte s' metta ch'rdè adūm su compangn's; destacca dal cōl 'l cōr da ciaccea d'arjent, sbumfa ite 'ng soff'l, ch' i crepp ingherdeni da vigne pērt lunc' e lerc, e 'l mūtt plengn' d' morvouia, ch' el nen ā mai aldì val d' te, orō pou ci el s' purvè a sofflè laite, e la uma, s'bengn' ch' ell' ā tang pittè, a udei, nen ē bona chilò d' s' tignì 'l rì.

A chesc' son salta da mille perts i cavalieri arlerc, e i servi d'l conte; duttg' restā plengn's d' morvoia, a udei la donna megra e smarida a sua mang, e l' amabil ragazz soul bracc'. Follà a rode incear ia stei rispettosì zenza favella a udei 'l conte, la donna, e'l mūtt colles legrimes ai oudli. Finalment'r alza 'l grof sua usc' rotta: „Nobili cavalieri, servi fedeli pung-sede, (disc'l) chesta donna è mia sposa Genofefa, chesc' è mi fi Schmerzenreich.“ — El n' sè lascea spiegchè la morvouia e 'l spavent a chestes parores, mille coses sè baiang ca e là, da ceant pert's aldìng vigne sort d' dimandes: „O Dio! ah cō mai! chesta nosta jintil prinzipessa.“ — Mo nell' àng pa accopada? Ella r'sorida? El nen è possibile. — Mo sè, impò eh' ell' è ella. O Dio' in ci stato miserabile;

ci celra smorta! — O vemmo nosc' picce conte!
ci 'ng bung e bell mütt!“ E tra chesta r'bel-
liung d' ligrezza e compassiung, d' morvouia
e curiosità, s' renovā e multiplicā les sclama-
ziungs e dimandes d' condolenza e conten-
tezza.

'L grof cunta in curt i fattg' prinzipai
d'la storia, e dà cutangn' d' comandi a su
fantg': dui cavalieri reita in galopp al ciastell
a dō guant pur la contessa, a fa injignè na
lettaia ('ng lett portatile) e ordinè ia dutt pur
so ritorno. Spo àle incie comanè, ch'ang cung-
duje illò adarlerc besties da soma, d' abinè
legna da fa 'ng bung fuc teng pizz sūtt soutt
ang crepp, ch' sporc' sura fora, pur preparè
illò 'ng past. El istess, à d'sliè sou la
poccasc', tratte destenū fora d'lungia 'l fuc na
cuerta, à corì la sposa d' sò proprio mantell
da d'ingvēr, coucce, sceoucche porpora, e sottratt
d' piliccea būrna, i à dè 'ng grang fazzorel
pur s' curì 'l ciè cuntra 'l freit, e l' à fatta
sentè d'lung d'el. Spo i ē'le gnu pro i rittri
ch' la conesceō denant, a i fa i complimentg'
plengns d'r'spett a i desmostrè l' impressiung
e la ligrezza, ch' i impli fora 'l cour. Dō
chisc' 'l bung Guelfo, ch' ē appena bung
d'aspettè tan dī, cina ch' i cavalieri ess' finì
a fa su doveri, è jù dangfora a duttg i servi-
dùs, colles mangs ingroppades e les legrimes
ai oudli e disc': „Signura illustrissima fengn'

sungfi ligh'r, ch'i Mori nen à fruzzè mi ciè blanc, dea ch' Iddi m' à conzedù d' est'r pr'jent a chesc' spettacol d' doreja; fengn' mouri cung ligrezza.“ Spo s' ale tutt 'l mūt t'l bracc', l' à bajè soul mūs, colles parores: „Siiste bengn' ingnū, cara creatura, vero r'tratt d'to pere, cresc' sou nia atrament'r ch' el, nobile brao; amabile sauri sceoucche tua uma, bung e d'vot sceoucche intrami dui.“

Timido e spaurì parō Schmerzenreich, a udei tang d' jent, a est'r la pruma òta lapprò, mo plang plang ceaffāle confidenza, e gnē discorsivo. A udei tang de coses nouies pur el, nè zedōle d' urei savei, e d' damanè, e duttg, Guelfo spezialment'r s'la godō ad aldì les dimandes e osservaziungs siccades d'l mūt fresc, incandenò spiritoso e dalla urella curta. La maiù morvouia i ēle a udei jent a ciavāl, ch' i fajō la m'demma impressiung, che a chi popoli salvarì, che l' udō la pruma òta, e cr'dō che l' om e l ciaval foss' dutt ung toc, quindi damanāle: „Pere, elle dunque ci uomini cung cat'r giames?“ Cang ch' i ommi ē gnūs jou dal ciavāl, e ch' el i ē gnù m'nè daimprò 'ng scimb'l, disc' 'l al pere: „Ullacch' ais tutt chestes besties, naota chilò no, ch' el n'ung n' è d'gunes?“ A udei 'l piss d'or e d'arjent in boccia, scraiāle: „Mangi dunque or e arjent chisc' animai?“ Cang ch'el udō spo ch' 'l fuc vardō sou, e sintī cutang bung, ch' el fajō,

damanāle la uma: „Elle ste dunque li uomini, ch' a tratt 'l tarlì dal Ceil, o èle ste Iddì, ch' l' à lascè dè jou? In veritè, chesc' è 'ng bung dono dal Ceil! Caös, mia uma, s' essung saipù dutt chesc', i l' essung priè a chel bonissimo Signur! Cutang bengn', ch' el nes ess' oghè d'ingvēr.“

A mezz' al past gnēle portè ordura d' spezial bellezza; ch' tirā ploucche at'r a sè l' atenziung d'l mūt; e a tō 'ng bellissimo pom in mang disc'l: „Forsi abitaife, pere, t' lūsc', ullacch' el nen è d'gung ingvēr, ch' portais cung os fruttg' tang bi fresc'? O cutang da jalzang, ch' osc' paisc' mess est'r!“ El s' indorā appena a 'ng ciarciè ung, el è picciè, mināle, a mangiè fruttg' tang d'licatg'. Ingcandenò i ciarāle cung grang atenziung a 'ng gōte, mo n' s'ingfidā all' azzicchè, spo l' āle piè ite bell bell' e dijō cung morvouia! „Co ella pa, ch' el nè sè dlega? nen elle pa de dlacea?“ Ad aldì, d' cicch' el è fatt, e a udei tres 'l spid'l 'l mūs d' sua uma e de duttg, de chicch' ē pro mefa, mett'l pro: „Cutang d' belles coses à cr'iè 'l bung Dì, ch'i nè con'sceō d'nant! Canch' 'l servidù i ā dè 'ng tai sfriè licceorant sceoucchè 'ng spid'l, e luminùs sceoucche arjent, e el s' udō 'l mus laite, s' āle spigorè, e tromorā; e òc' 'l tai cung pora soull' r'dùs, pur nè tocchè 'l mutt, ch' el minā, ch' foss' laite. Chesc' n' pudōle capì, e sua morvouia

e ligrezza ē colma, a udei, che l' immagine t'l tai fajō la grigna da rì, o la ceira sceōda, sceocch' el la fajō istess. Ingsceou descedā sou chel mutt d'morvouia l'allegria d' chi da past, e 'l lunc pittè d'l pere e d'la uma à barattè cearà cung vera ligrezza, e i ritt'ri e i fantg' s'la godō impara.

Cear la fing d'l past elle capitè 'l currier colles iestes alla contessa, ch' è ritornada t'l andr; s' è dan dal dutt injenedlada pur ringgrazziè a Iddì, ch' El l' à mantignuda tang dī illò e d'la mirabil liberaziung; spo s' à la vistì, s' ā tutt la crusc' d'lengn' cung sè, pur amabil r'cordanza d' suus penes, e s' ung va — s' oc' ciamò ingcearc e i da na udlada colles legrimes d' ringraziament ai oudli a sua ciafa d' sett angn' coll' ultimo addio. — Ah! 'ng luc, ullacch' ang à fatt buntè, vegnel dagnara ērsura ad arbandonè, sii tang burt ch'el oie: nosta felizità sta t'la buntè soung chesc' mon. — Dea che la lettaia n' r'vā ciamò adarlere, purchesc' soutt alla marennà i servi ā int'rciè grang rames d' lengn's adum e ā fatt 'ng traghett, ā destenù na bella cuerta lassura, e Genofefa e 'l fi s' à comodè laite, e la compagnia s' è inviada cuntra 'l ciastell, mo a mēsa strada ceaffi la lettaia, der comoda pur la contessa e Schmerzenreich, ch' s' à attira ponù ite. Appena ch' l' accompagnament ē fora d'l bosc, s'imbatti tena folla d' jent

ch' s' ā abbinè e ē gnus ingcuntra a Genofefa, alla novella, che sceoucche 'ng tarli s' ā spanù fora pur la contea e i lusc' vijings, ch' la bona contessa ē gnuda ceaffada.

Dlunc ā la jent da paur lascè vouies, tacchè 'l frell souna brōccia, m'tù dapert la roda, tratt indōs 'l plou bell guant, arbandonè ciasfes e villes, tolendo fora i amarà, e chicche m'ssā ste lapprò, pur saltè a udei la bona signura, e tang plou daimprò ch' la schīra d' compagnia r'vā al ciastell, tang maiù gnē la folla dles persones, ch' la saludā cung ceighi e sraia-mentg' d'ligrezza, nia zenza legrimes d' consolaziung.

Tra chella jent, ch' gnē ingcuntra alla compagnia d' Genofefa ēle dui pellegrings cung mazzes lungies, cung scusces taccades soul ciappell, e soull mantell da pellegring, che dalles perts d'la lettaia s' ā lascè jou dang i pisc' d' Genofefa. El ē i dui soldās, ch' ā aibù da Golo 'l comando d'l accopè; intrami, mo spezialmentr Conrad i pr'ia perdon, d'l'a-vei arbandonada alla m'feria te chi bosc', pur pora da Golo impede la m'nè dai genitori t'l Brabant. Spo cuntai, ch' ei ā fatt 'ng pellegrinaggio te chel paisc', e attira dō chel fatt, pur cicch' ei nè s' udō sigusc' d'la vita dal maestr de ciala; e ch' ei ē r'tornà dang pucc' dis da chesc' iade, mo dutt i nascundung, ma solament'r i parentg' 'l pudō savei, e ē spo

bundernà ca e la, e tignō la contessa pur da dī morta, mo ē intennūs d' tignì dutt in ascusc', pur n' i fa crusc' nouies al conte. Ei damanā cocch' al ā pudù d'ventè, ch' la nobil contessa nen ē morta da fang e pur 'l freit, e nia scarzada dai lūs; e la finī, cung dī d'avei tignì pur desigù, che uma e fī bell da dī ess' messè morì dena mort ciamò plou crudia d' chella ei i dō fa. Genofefa i ā comanè a levè sou, e intang ch' ella i strenjō a intrami les mangs dijōla: „Dō da Iddì sè sungfī a os debitt mia vīta e la vita d'mi fī; e incie tou, mi caro piccie, t' messes i ringraziè, purcicch ei ā 'l comando, d' t' accopè, mo ei à urù obbedì pluttosc' a Iddì, ch' ali uomini.“ A chestes parores, d'gorōle legrimes d' consolaziung. Spo àla continuè: „Elle dunque vei, ch'el nè s' n' ingruva, de nes avei sconè?“ „O bung Dì (respogni) illaota nè savōngfe fa at'r, che s' lascè la vita, mo fengn' sen anadungfe, d'avei fatt trou massa puc, purcicch' el foss' ste nosc' dover, d' mette nosta propria vita in prigo pur osc' bengn', e sè menè ai duchi d' Brabant.“ Spo injenedlà dang dal grof pr'īāi, ci ad el perdon, e ringraziā, ch' el à aibù compassiung d'les fomenes e di fiis, ch' ei à arbandonè; a sua morvouia avi aldì, cocche la nobil contessa t' sua ultima lettera i ā raccomanè allo sposo, e sung chesta generosa preghiera āle el deidè da pere les fome-

nes e i fis. A chesc' Sigfrid s' esterneaia: „Iou nè savō nia d' osta compassiung verso mia Genofefa e nosc' fi, e incie zenza 'l savei ai fatt, chel i à fatt, purchesc' s' elle verificchè la promessa d'l Signur: — Chel ch' è misericordioso ceaffarà misericordia: — e iou nè manciarà incie da fengn' inant ad aiutè ostes families.“ L'vā sou, e t'l jì dō alla lettaia dijō Ruggèr all' at'r: „Vè, sengn' elle d'ventè chel ch' i t' ā ditt: a fa d'l bengn' nè dessung avei pora, s' el manaccea incie val prigo: tert o abbonora ceaffung dagnara 'l paiament.“

T'l passè 'ng picce bosc, ullacch' el jē la strada, Genofefa ā 'l ciastell dang i oudli: duttes les ciampanes sonā adum, e chel sonè fajō imp'rmò d'gorre les, legrimes; 'l popol s' ā abbinè alla r'ceve zenza ch' el foss' ste sollezitè da valgungn'; la popolaziung ē zenza numero affolada, ch' aspettā ert da pudei udei gnang la contessa. Finmai sou i lengn's ēfi arpizzà cear tru, soules finestres, soui tettg' d'les ciafes cear strada ēle jent: duttg' orō udei plou daimprò, ch' ei pudō, la signura amada, e tan dī tignuda pur morta; e pur soddesfā ai desideri d'la jent, àng davèrt sou la lettaia, ch' è portada da dui mūsc'. Duttg' i oudli òtg' ad ella, vigne boccia scraiā dalla ligrezza ch' 'l son dles ciampanes comparì dalunc' e deb'l. Ella stē sentada cūg modesta umiltè, tignō i oudli bāsc' disturbada pur tangn'

d' onori, col mūt' t'l bracc' tres ciamò t' sua pell' d' rech'l e la crusc' d' lengn' t'la mang. Dalla pēr derta 'l grof a ciavall, dall' atra 'l veccio Guelfo; spo gnēle i dui pellegrings, e do chi la cerfa, mestega sceoucche 'ng ciang, i cavalieri e i fantg' impli fora la compagna.

Al passè chella schira compagnativa pur mezz la folla n' ēle ch' scraiā: „Vella, vella, l' ezzellentissima cara signura, o cutang smarida e scomoūta! ingsceou mess'l estr'r ste Maria a pē d'la crusc'.“ Atri: „Ciaramo 'l picce mūt, colla pell da rechl indōs e la piccea crusc' ing mang, s' el ne someia 'l picce S. Jang Battista t'l desert!“ E atri indō: „Considerede che cerfa! Ah! incie les besties senza r'jung mess' i orei bung alla bona e d'vota contessa.“ Val uma alzā so fi inalt e i mostrā la nobil dama, e i dijō: „Veigheste chella, ch' è gausa, ch' i legrimā tang gonot, d' chella, chi t' à contè tan d'otes: ella nes è gnuda tūta, denanch' t' udesses tou 'l luminūs.“ O val pere: „La veigheste illò chella ch' t' fajō d'l bengn' cang ch' t' ēs d' cūna.“ Valgunn' vedli, ch' ā stentè a s' tra allerc colla mazza, pittā dassenn dalla ligrezza, e i bracc' smagris, i jonedli e dutt 'l corp tromorā dalla blotta festa, ch' i dē ti nerf.

Cangche Genofefa ē r'vada soung piazza d'l ciastell ceaff'la dang porta duttes les dames e jones nobiles d'la vijinanza, zenza est'r inte-

nudes, abinades pur r'eeve la contessa. Duttg' ē r'gusc' d' sua innozenza, s' la godō d'l amirabil deliberaziung, e ā na spezial ligrezza, d' s' avei abinè da sè, zenza ch' ung su manciass', duttg' r'con'sceō in chel dè 'l trionfo d'la virtù femminile, la festa d'unur pur les dames e jōnes, pur chesc' ē ci vignung vistì da santūs, desco les grang festes. Tra duttes ēle na bella jōna vistida d' blanc, 'l cōl fornì dena morona in bellissimes perles, ch' i presentā a Genofefa na gherlanda d'granetteis intrceada d' flus blancies sceoucche la nei, figura d'l innozenza e fedeltè, e dal sedlott impedida stentāla a gni colles parores:

„Tolleda a innom d' nos duttg' chesta gh'rlanda, immagine d' chella bella corona trionfale, ch' s' aspetta in Ceil.“

Dea che la contessa nella con'sceō, i àng ditt, che chella è Berta, che d' catordesc' angn' ē juda alla vijitè te pr'jung, e pur gausa, che chesta ē stada l'unica p'rsona, ch' s' n' ā tutt sura d' sua desgrazia, dov'la incie estr' la pruma ad avei përt al trionfo e ai onori. Illaota i ciar'la plou avvifa, e cunesc' les perles, e s'recorda l'öt terribile dla p'rjung. „O bung Dì, (sospir'la) chè mai l'ess' ditt, cang ch' i m'ung jē da chisc' murz d'mezz come delinquente, col fi al cōl, ch' i r'tornass' in chesta maniera. — Os sù, o Signur, udōs dangfora mia presente consolaziung. O Berta! s' t' pro-

ves fengn' d' consolè e pr'miè l' innozenza, ci i toccarale mai in Ceil?" E cùg chestes padores àla tutt cùg modestia amabile la gh'rlanda dalles mangs d'la jöna.

„Chesc' è giustizia, ezzellentissima siora, (disc' Guelfo); soulla terra l' innozenza nè vengn' dagnara onorada, e el è na rarità ch'ella aie 'ng dè d' trionfo compagn' a chesc' da ingcou; mo Iddi 'l lascea suzzed'r na ota o l'atra, pur nes dè na ciercia ingsuza d' chel, ch' s' aspetta in Paraisc.“ E òt al patrung: „Signur,“ disc'l, „t' ottant' angn' m'r'cordi d'est'r rtornè gonot vinzitor soung chesc' ciastell, mo 'ng dè d'ligrezza compagna a chella daingcou nen ai mai porvè.“

Soung chesc' disc' 'l conte: „Iddi istess à ordinè chesc' trionfo d'la virtù pursura 'l vizio;“ e duttg' i cavalieri e les madōnes laldā pro da d'alt chesc' giudizio; les jōnes s' ē convegnudes, che la mortilia cùg flūs blancies, sengn' d'l innozenza e purità e d' fedeltè t'l matrimonio, à da servì d' gh'rlanda d'les nūices, desch' el è ciamò l'aufanza in plou lusc' todesc', e no incie di Ladings?

La ligrezza d' chel dè, les troupes leggrimes, e i baià luntg' ā indebli Genofefa a na fofa, ch' ella gnē pura: quindi l' àng portada t' sua stanza, ch' ē stada tangn' d'angn' outa; ella ringrazia ciamò Iddi pur la deliberaziung mirabile, à ciamò urù udei la vedoa e i fiis

d' Draco pur i assigurè d' sua proteziung, spo s' āla ponù t'l lett belle fatt sou, e la fedele Berta è restada da illaota ingcà pro d' ella. — R'cordungse dō les parores d' Guelfo, che les desfortunes in chesc' mon nè s' muda dagnara in fortuna, che in regola Iddì paia fora 'l paiament d'les tribulaziungs sopportades pur El imp'rmò all' ora d' vouies, in l' at'r mon. Chel paiament chiriunde, chel dura dagnara.

C A P O XVII.

Co stala coi genitori d' Genofesa?

Intang ch'el ē chilò dutt in festa e ligrezza, ē 'l palazz d'l ducca in Brabant ciamò sopollì sount a grang affliziung; mo 'l veccio Guelfo ā ottenù l'incombenza, di portè ai genitori d'la contessa la novella d' chesc' ch' ē diventè. „Resta chilò, amico, (i ā ditt 'l conte) lāsceung jì 'ng plou jon pur chesta strada sfadiofa. Pengsa, cutang d' peis, ch'el t' fō 'l ritorno dai Mōri, che t' m' dijōs, chel sarà to ultimo iade.“ Mo 'l portaermes i dà pur risposta: Homo proponit Deus disponit: ò di: „Iddì tira i dessengn's d'l uomo sount e sura.“ Daō 'l iade t'la verra m' āle El provvedū d' chesta onorevole e amabil incombenza, ch' i nè m' lascearà mai jì d' mang: demme dunque lizenza d'l' esegui.“ L' conte nè zedō inciamòne e i disc': „pengsa cutangn' d' angn', ch' t' ās,

considera la lontananza d'la strada, la rìa sa-
jung: fa ma cunt d' dutt cant chesc' caro
Guelfo.“ „Pöra d'guna, dopo ch'el è gnù la
bona signura, m' senti iou d' disc' angn' plou
jön, e plou ben n' poi mai finì mi offizze che
cung chesta incombenza d'onor; fatta ch'ella
sarà, m' dai cung ligrezza in pesc', e dea
ch'i sung 'l plou ved'l, durarà chesta palsada,
cina al dè d'l giudize.“ Scommout da chestes
parores disc' 'l grof: „Va dunque mi vecchio
fedel combattente: lite fora mì plou bung
ciavall, cung dodesc' braoi reitri e dii ai
duchesc' de Brabant, cicche t' sentes t'l cour,
e ciara di condū sangn's e intung t' mi bracc';
va e t' accompagnè Iddi.“ Incie Genofefa l' à
ciamò fatt ch'rdè, pur i fa di ai su dutt cant,
cicche 'l r'spett e l'amur filiale i podō dè ite.
Guelfo nen ā stlutt l' oud'l in dutta noult nia,
e denanch' el vegne l' alba s' ēle inarmè sou,
à ch'rdè i cavalieri, i deidā imbastì i ciavai,
i solleziā a sè spazzè cina, ch'el ē cung ei a
ciavall, e via dangfora a duttg', e ingsceou da
domang cina da sera, el scraiā vigne tang:
„Coraggio, compangn's, avanti.“ E soulla di-
manda, purcicch' el ā na te prescea, dijōle:
„I pengse alla crusc' d' chicche dessung jì a
consolè. E 'ng uomo da bengn' nè dess' ciarè
a su propri incomodi, s' el i pō sparagnè inciè
ma 'ngn' ora d' tribulaziung. Ingsceoucche
sung jūs gonot cung ardimant in galopp a

scarzè sou frides e fa d'gorre-legrimes, ingsceou
urungfe naota ji a pora nia in galopp pur varì
les plaies, e a suie sou les legrimes! O i
oress' che chesc' fucs essa ares, ingsceoucch' i
n' à zeì udù ung depent, ch'el parō, ch'el
jiss' sceoucch'l vent.“ E soun chestes parores
i dēle indò d' spromm t'l vent'r al ciavall.

'Ng ved'l cavalier, ch' i ā tignì sura noult,
Guelfo cioè, cui atri su compangn's, dijō, che
chel bung vesco, ch' ā dè adum Genofefa e
Sigfrid, consagrā ing chel dè na dlisia nouia
nia plou de 'ng n' ora d'rezess' dalla strada,
ch' ei ā da fa. „Illò m'ssungfe ji a spromm,
(disc' Guelfo) purcicche chel om sant messa
gnì al savei dla bona novella, e dea ch'el
è tang sicchè e prudente, oi ch' el m' insegne
la miù maniera d' i portè dant ai duchesc' mia
incombenza. I à pungsè co di daō pur strada,
e n' sung bung d' ceaffè fora 'ng mezzo con-
veniente, de 'ng gnì sura, cocch' i m'essass' di;
i à finmai fatt la r'soleziung d'i scraiè pro da
lunc': — Genofefa è in vita, ella è gnuda
ceaffada; mo el n' s' convengn' saltè in ciala
cung chesta maniera. I sung 'ng soldà ved'l,
e i nen à mai saipù cicch' el ò di pora, atr
che pur boccia di atri, e impò — na cosa
stramba! chestes parores. — Genofefa è in
vita — m' à scassè sou, e i sente tres 'ng
zerto tromoroz. I n' ess' mai cr'dù, ch' la
ligrezza pudessa fa 'ng te moto; e s' ella

m' va a mè ingsceou, ai genitori pudess' la ligrezza improvvisada portè la mort, nella m'demma maniera, che na saitta tratta va a firì 'l cour. E 'l mal elle, ch' i sa ma da manajè la spada e no la lèinga, pur chesc' nè sai iou da purtè dant na cosa puc a puc, el mè mancia meffo la finezza d' rajonè cung prudenza. Chel bung vesco venerabile m' darà bung consei, purcicch' el è prattighè assà da baiè collo spirito in pesc'." R'vè ch'el ē dang chel signur reverendissimo, i āle portè dant, cicch' el è suzzedù e chella sua difficultè, a grang impressiung de chel signor, che laldā Iddi da d' alt, e respong'n': „Sē, desse pesc', Iddi ordinea dutt, inciè les picceres cofes cung grang sapienza. I sung istess intenzionè d' ji a ceaffè i vecci genitori, mi sacro ministero m' cherda pur illò; dunque, allo, junde." L' onorato Guelfo ē ligher e content d' pudei accompagnè l vesco d'buriada cung su compangn's.

'L duca e la duchessa passā in oraziungs e legrimes 'l dè, ch' i ā portè la ria novella d'la mort d' Genofefa, e dea ch' el ē meffo der chel 'l dè d'l anniversario, sung stei serrà daite, in t' sua propria stanza, sprofondà in grang affliziung. Belle scealdi vedli e dai chiaveis blanc' purtāi illaota 'l guant da plura, anzi che la duchessa dō 'l moment de chella desgrazia nen ā mai plou m'tù da pert 'l guant brūm. Soul ciastell ēle quindi dutt chit, ch' el parō d'fert, pur-

cicch' ei seghitā tres a tignì fora vigne conversaziung: el ā belle dè l' ora pur les sacres funziungs destinada, e ang n' asp'ttāva plou d'gungn' at'r, che 'l vesco, che vign' an gnē invìe a zelehrè la r'cordanza d'la mort d' Genofefa, pro chel m'demmo altè, ullacch' el l' ā sposada cung Sigfrid.

Cruzziè assà, sceocch' el ē, pungsā 'l duca tra sè zenza fa parora: „'Ng colp, o na desgrazia da fa plou mè nenne s' ess'l pudù tocchè pur nosta ciala ducale, che la despiantè a na te fofa: intang sii fatta l' orentè d' Iddì.“ Sceou incie la duchessa sospirā: „O ci desfortuna! m'ssei perde nosta unica fia, tang cara, pur mang d'l bōia. Genofefa, nos sperang de t' avei com' angel d' consolaziung al lett d' nosta mort, che tou tenes esses drucchè pro i oudli; e impede chesc' . . Mo (seghitāla pou ci ella) sibe fatt, o Signur osta santissima orentè!“

Ella ā appena ditt chestes ultimes parores, che 'l vesco venerabile gnē da usc' ite; na ligrezza d' Paraisc' i luminā t'l mūs. „Lascede de baudiè, e gedess'la nel Signur,“ dijōle e sceocch' el foss ispirè da Iddì āle scomencè a rajonè cung fuc d'la divina provvidenza, applicā a sua desgrazia 'l fatt d' Giacobbe, ch' ā purdù so fi Giuseppe e indò ceaffè cung ligrezza. La unziung t'l discorso d'l vesco, e'l fuc amabile d' sua retorica (la maestriā

d' savei rajonè bell) i jē ai bongn' vecci soutt int'l cour, la r'cordanza d'l amur d' Iddi, che rigireia dutt, e 'l pingsir alla ligrezza d'l pere Giacobbe, i ā implì fora 'l cour d' consolaziung, e tratt fora la spina dolorosa ch'i tormentā. „Ah ess' Iddi la bontè de nes fa na simil grazia,“ dijō la duchessa, colles mangs ingropades; e 'l duca: „in chesta vita nè pundungfe aspettè atra consolaziung, che la speranza d'l Paraisc'.“ Mo 'l vesco i r'spongn': „E n'ella pudess'l fa in chesta vita 'l Signur; pur ci no? El, ch' à fatt coses tang granes, El, che fesc' la firida, e la varesc', che tengn' te fossa e fesc' resori. 'L Di de Giacobbe e de Giuseppe vi ciamò al dè daingcou: El s' à dè forza, che 'l cour nè s' è rott dal dular, El sè conzede ci la forza, ch' el nè vade in tocc' alla grang consolaziung. Sou dunca impede 'l „dies irae“ che ingherdeni senza te ddisia soutt alla s. Messa urungfe ingcou ciantè cianties d' ligrezza: — Lode a Os, o Dio d' infinita bontè, amur eterno, unur e gloria a osta divina provvidenza, — purcicche Genofefa è in vita e la pudeis ciamò udei.“ Spurdūs a chestes parores sè ciarai ung l'at'r e alles parores lorantes d'l om sant cojōle sou t'l interno sentimentg' inzerti, speranza e tema fajō d'buriada verra intel cour, chè mader soul moment nen efi bongn' d' illa creie al vesco. El intang deura attira l' usc', e cherda

Guelfo, ch' è t'la ciadena dlungia ad aspettè e tromorà te so interno: „Chesc',“ dijel, „sè cuntarà 'l rest. 'L portaermes te stua appena, screia: „Sè, ella è in vita, i l' à istess ududa, i l' à aldida, e i l' à tutta pur la mang.“ La novella — Genofefa è in vita — va sceoucche 'ng tarli pur dutt 'l ciastell. I servidūs d'l duca, les signures d'la duchessa, salta adarlerc plengn's d' morvouia, ligri e oramai fora d' sè. Guelfo à cuntè la storia rara assà, impedì gonot dalles legrimes, ch'i gnē t' su oudli grisc', e cuna usc' rotta dal scommoviment. Duttg' incear ia m'ssā suspirè e pittè ad aldì cuntang, e i duches spurdūs stlariis dalla ligrezza nen ē bongn' d' s' remette dalla morvouia e impressiung. Finalment'r nè s' lasceāle plou dubitè, cang, ch'i compangn's d' Guelfo laldā duttg' pro cicch' el ā cuntè; spo cang ch' el i portā dant les parores d' Genofefa e d'l conte ai genitori, s' efi chisc' descedà fora, sceoucche dana inceornida, a vita nouia, e scraiā: „Sengn' ungle vitt assa, fengn', che savung, ch' nosta Genofefa è ciàmò in vita, denanche morì la urungfe ciàmò udei.“ E d' fatt, dopo ch' ei à aibù ringraziè a Iddi te d'isia, efi attira pià ia d'buriada col vesco venerabile, col bung Guelfo cui su, e 'ng grang tlapp d' servidūs.

Intang s' ā ci Genofefa r'mettù in forza d' bella pora e bona assistenza tang inant,

che les masselles s'investì 'l curù coucce in sengn' ch'ella gnē indō pro sanitè. So unico desiderio ēle d' udei su genitori, ch' è incie r'vā al ciastell plou attira, ch' ang n' i ess' aspettè, e la saluda cung legrimes ai oudli lorantes. 'L duca 'ng veccio venerabile, s'l'abbraccea d'l dutt scommout, sceoucche zaccang Simeone t'l tempio dijōle ci el: Sengn', Signur, tolesse osc' servo, fengn' ch' mi oudli à udù chesta ultima grazia.“ La uma s'la tira al cour soutt a tan d' legrimes e disc': „Sengn' mouri contenta, dea che tou t' viis, e tua innozenza e fora d' vigne dubbio. Ingsceoù d'gorō les legrimes in abbracceamentg' d' ligrezza.

Spo s' oji al picce mūt, e scraia d' buriada: „Dunque tou t' es nosc' nipōte. Vì, ma vi ca, lascete abbraccè, Dì t' benedesce, nosc' bung picce, t'feje felize, amabil e cara creatura.“ L' duca e la duchessa s' 'l tolō ung all' at'r e s'l curì d' bassi e legrimes, e s' l' inzertiā ploucche mai. „Cutang mirabile è 'l bung Iddì,“ mettoi spo pro: „Fia, nos t' tignōng belle pur morta, e nen āng plou d'guna speranza d' t' udei ciamò soulla terra e fengn' nes àle fatt la grazia d' t' abbraccè tè e to picce fi.“

Intang comparesc' ci 'l vesco, cina fengn' nia osservè da Genofefa, e chesc' fō la colm d'la ligrezza, ch' el i parō scoucche 'ng angel dal

Ceil. L'om d' Iddi òt impruma ad ella, spo al conte, e infing ai genitori i dà a duttg' la benedisiung; alza spo les mangs e disc': „Sengn' a adempì 'l Signur, cicche so spirito m' à zaccang fatt udei: a te, fia, e a os duttg' elle gnu conzedū la maiù fortuna, ch'ang s'po aspettè soulla terra. La tua, Genofefa, à impermò scomencè dō grang penes, sceoucche vigne contentezza dess' scomencè soulla terra. La sapienza e bontè d' Iddi à fatt cicche d'gungn' n' s' ess' pungsè, e surapassa vigne immaginaziung. Sceoucche in dè d'la nozza nes àle indò chilò abinè duttg' adum, in na maniera d' morvouia, e cuntra aspettaziung nes àle injignè chesc' bell dè, ullacche 'l ringraziung cung legrimes d' consolaziung. El n' ung mancia d'gungn' d' chicche ē a nozza, anzi chesc' picce è d' plou, purcicch' Iddi fesc' plou d' chel, ch' El impormett. Beato chel che tengn' fora la prova, tantosc' ch'el sarà porvè cearà, arrāle la corona d'la vita impormettuda da Iddi a chicche l'ama e i serv; la corona d'la vita è ci a os conzeduda.“ — Les vëres ligrezzes tena familia mess' dagnara avei la s. Religiung pur fundamenta e compagnia, spo elles d'les dertes; ligrezzes al' ingcuntra blott mondanes è zenza saù e merito. —

C A P O XVIII.

Frutt di patimentg' d' Genofefa.

Appena ch'ang āva aldì inearc, che Genofefa ē gnuda ceaffada, gnēle jent ad arlere in grang quantità pur la udei; e Guelfo, sounng sua parora da cavalier, i m'ssā lascè r'vè dant duttg'; e el n' ē na folla immensa, mo chīta, e cung bella maniera gnē duttg' cina sounng ūsc' nè s'ingfidā a sè moure o ji 'ng vare plou innant. I ommi sè desmostrā plengn's d'respett sceoucch' s' ei foss' te dlisia, col ciapell soutt'l bracc', i piccei mittungs soul bracc' d'la uma tignō sou les picces mangs.

Pur solito ceaffāng la contessa sounung canape vistida d' blanc. Ella sè sentā spo teng scangn' da spones; i trattg' d'l mūs venerabile, plouttosc' smort, desmostrā tres na dignità zeleste, e n'amabilità e grazia, ch'ella parō d'estr teng raggio d' gloria. Cuna usc' amabile i portāla dagnara dant a duttg' parores, ch ei nè s' desmentīā lēre: „Mia bona jent, dijōla, me fajeis na grang ligrezza cung osta visita, i m'la gode d' osc' amur, ch' s' interessais d' mi patimentg' e d' mies ligrezzes. I nè po fa cun d' manco de pungsè che nen aife ci os alles outes val da pati; i sa, ch' ung o l'at'r d'os à grang tribulaziungs da sopportè, mo amede os Iddi e confidede in El, spo nè se perdede d'ardiment, El delibera

chicche l' ama da vigne necessitè, e vengn' in aiut, cang ch'ella pè desperada; tang maiù la nezessitè tang plou da imprò la mang d' Iddì, purcicch' El fesc' dutt pur nosc' bengn'; na prova evidente aife t' mia vita.“

„Cuntentesse cung chel tang, ch' ais, s' el foss' ci puc; chè incie col puc pong m'nè na bona vita, chesta sperienza ai fatt t'l desert. Seife pou tang puri ch' oreis, d' plou arreife dagnara, ch' iou nen ess' te bosc, na ūtia almanco, 'ng ceum d'guant, 'ng lett, d'ingvēr 'ng fuc da sè scealdè, e 'ng pude speifa sana; d' plou nè mess'l nia avei l'uomo. N'i ceaffèi sou amur alles robes d'l mon, nè mettede osta confidenza soul grōs, soung roba morta, mo in Dì, ch' è vī, e po fa di ricc' puri, e benestanti fora di puri; d' chesc' aife in mè 'ng esempio, ch' è ciamò in vita.

„Tignisse pro Iddì in oraziung fervorosa, mantignifse d' coscienza netta, chè chicche s' tengn' a Iddì, e l' à dagnara t'l cour, porta 'l Paraisc' in sè istesc'. La s. oraziung dà forza pur fa 'l bengn' e pur sopportè 'l mal e ruva cina al trono d' Iddì onnipotente, e nè va mai fora a oūt; 'ng bung plomac' morjell è na bona coscienza te vigne tibulaziung! in p'rijung, ing maratlia e ing mort, iou l' à porvada.

„E s' la coscienza s' mort: e chè nè sent rimorsi, incie zenza avei commettū grangn'

delitti, sceoucch' ang m' incolpava me? pur vede d' fa a una cung Iddì, a chesc' fing jide da Gesù Cristo, so Fì sacrificchè pur salvè i peccatori, pur fa El la penitenza de nouse' piccià, confidede in El, ch' à dè so sanc, pur nes fa avei 'l perdon. Se minung d' est'r senza colpa, nes ingiannungse, mo se r'conesceung nouse' d'fettg' Iddì giust e fedele nes perdonerà, e purificherà cicch'è macciè.

„Ascoltede'l Vangele e les s. dottrines cung bona orentè, e gnareis dagnara plou da bengn', purcicche i predicatori d'la fede vengn' colla crusc' t' una mang e col liber t'l atra. Ciamò naota, scoltede sou 'l Vangele, tollel' a cour, purvede d' vire daō suos dottrines, purcicch'el contengn' parora, ch' mena a cuntentezza chicche la tol sou cung fede. Al medemmo temp r'cordesse, che t'la crusc' elle salvezza, per mezzo d'la crusc', i patimentg' e la mort è r'vè Cristo a sua gloria, ingsceou pudungse incie nos ma pur mezzo d'les crusc', tribulaziungs e penes d' vigne sort r'vè al regno d' Iddì. Nen elle vei, pur chesta unica vera strada oreife purvè d' jì?“ Soung chestes parores i dēla a vignung la mang, e cung chesc' orōla, ch' duttg' impormettess' d' fa, cicch' ella i ā ditt.

Les ammoniziungs plou a cour ceaffā pur at'r i maridà e i genitori; ai prumts i raccomanāla cialdament'r d' mantignì la pesc' e

l'amur, de sè stravardè da gelosia, d' ni dè mai a ment a ries leinghes, che chir d' desturbè la pesc' e concordia; che ella l' ā poumassa porvada, cicche po na leinga baojorona a desturbè i matrimoni incie i plou cuntentg'. Ai peresc' spo e alles umes i raccomanāla di dè na bona educaziung a su fiis, d' i tra sou t'la s. Religiung e devoziung cristiana, d' inspire spezialment'r na grang devoziung a Maria Ss.: „Ng vero d'vot de S. Maria nè jarà purdù,“ mettōla pro. A val uma, ch' i stē daimprò col picce soul bracc': „Considerede“ dijōla, „chesta piccera creatura nen à so desting al mon scritt soul frunt. Segn' s'la rīle amabilment'r, mo ci pur chesc' viadù gnarāle su dis d' tribulaziung, d' gramezzes, legrimes, la sorte, che tocca a duttg' i mortali. Pur chesc' dei ma na bona educaziung, acceocch' el aie in sè istess la forza da sè fa strada tra i tormentg' soulla terra. Mia uma n' udō neine dang fora les crusc', ch' dō gnì pursura mi ciè, cang ch'ella m' neinā soul bracc', mo s'ella nè m'essa da piccera ingsou inistradè t'l s. timur d' Iddi, ad avei ferma confidenza in El iou ess' m'sse restè soutt alles crusc', e m' mete alla desperaziung te chel desert, ii ess' ceaffè 'l spifo alla vita, e nè foss' plou chilò. La vita d'l uomo foss' massa pflocchia e dura senza la derta fede in Dì, e i mezzi d' salvezza da Gesù C. Chesc' inspirei ite pur temp a ousc' mittungs.“

Intang jē Schmerzenreich da chi piccei e i sincā belles recordanzas, e el n'ung r'vā un d'mezz, zenza avei ceaffè r'gàl. Na te buntè, amabilitè e consolaziung, ch' gnē da Genofefa, fajō soung chella bona jent na impr'siung tang grana, che finmai ommi groi pittā sceocche creatures. La pietè, les desgrazies, la rassegnaziung t'l orentè d' Iddi, les ammoniziungs e l'esempio d' Genofefa diventā dunque gausa d' benedisiung pur dutt chel paisc'. La jent gnē in veritè plou d' timor d' Iddi, arbandonā i ri costumi, e troupes families soutt e sura in discordia, s' dē alla pesc', a bell armonia e contentezza. L' bung vesco dijō plou gonöt: Cang ch' Iddi ò fa nasce troupp d'l bengn' pur mezzo dena persona, la ciariel d' tribulaziungs, e chesc' è sengn', ch' Iddi i conzederà grang benedisiung: les penes e les parores d' Genofefa à portè plou frutt, che miis p'r-dicches.“ — In generale è i fattg' miüs da p'rdicchè, che les parores. Ang po ma osservè les parores e p'rdicches di santg'. *Exempla trahunt, verba movent.* Les parores fesc' tloccei 'l dent, i fattg' 'l tira. —

C A P O XIX.

Golo.

Cang ch' ei s'ung jē dalla stanza d' Genofefa, orō duttg' incie na ota udei Golo. Pur sentenza criminale òle cundannè alla mort, pur

colpa d'calunniatore, infedele, e d' trei omizidi, ch' el ā aibù l' intenziung d' commette, quindi i toccāle d' gnì scarzè in cat'r pērts da cat'r bos; mo pur interzessiung d'la Signura compassionevole 'l conte i ā scinchè la vita, e mudè jou 'l castigo in p'rjung perpetua. 'L soldà d' guardia, ch' i 'l messā lascè udei a jent, nen ā ng n' ora d' pesc', mo el nel fajō nia ingērt e dijō: „Gnide, che soun g stuaj d'la contessa aife udū 'l vero retratt d'l innozenza e virtù, considerede t' chesta p'rjung l' immagine d'l picciè e d'l vizio.“

El jē dangfora cunung chent'l e 'ng smazz p'foc d' tlēs, e el sgricceā a duttg' belle ad aldì 'l raugnament d'la grang porta d' ferr, e ciamò plou tromorai audei la figura d' chel ch' ē t' i ferz intang che la lum fajō luminus in te p'rjung. In veritè, Golo ē spaventùs da udei; sterri in tlottes pingolā i ciaveis fosc' jou pur 'l frunt, e la berba lungia, ch'arjunjō cina al piete, fajō ciamò plou da sprigorè chel mūs smort, in curù, ch' sommiā i pareis d'la p'rjung, e sū oudli fosc' sciavà sount luminā sceoucche bureis da fuc. La ria coscienza 'l tormentā in na maniera, ch' el gnē fora d' sè, spo p'tāle d'l ciè t' chi murz, colles morones soul salajei e urlā terribilment'r. Cang ch' el ē spo pro sè istess gnēle cung baià, ch' fajō pora a vigne animà da bengn'.

„Matt, mille ötes matt!“ scraiāle, „guai a ung, che s' despartesc' da Iddì, e i deura 'l cour

alles ries passiung, ch' i soffieia la usc' d'la coscienza. El sentirà 'ng plajei falz, miserabile, trappulung, e dō i vegnel 'l pentiment e la m'feria, el pesta soung flūs, mo spo plunf'l t'l frignung soutt alles m'demmes flūs ascognù. Guai a chicche va do i plajeis proibis! El mina d' r'vè pro na ceōscea d' roufes, e couie 'ng ceuff, intang mett'l la mang souna bisca da tosser, ch' soffla, s'ingroppa in mille rōdes, l' astrenc' e 'l scherza zenza dè dō, cina ch' ella nel l' à fatt intōcc'.

S'mia, ch' ang l' ā assigurè plou ōtes, damanāle impò gonōt indò. „Elle dunque vei, ch' la contessa è gnuda ceaffada, e so fi? èle vei, o ai iou sommiè? No, no, el nen è 'ng semme, ella è in veritè tale, e i sung sigù, purcicch' ais da savei, ch' Iddi è terribile in fa vendetta, El i à fatt ledi da chesta p'rjung, pur m' caccè ite mè. Sè, a chilò, ullacch' i sung sdraiè, soung chesc' salajei, ch' i batte cui pungn's, ē zaccang Genofefa sentada; fengn' m'n' anadai, ch' Iddi è giust.“

Datrattg' scraiāle indō: „Gneife dunque a m' dō, sillagrizidi? mè m'neife alla mort? attira vegni, (e levā sou); i à sacrificè na uma innozente, e 'ng pure baming, i m'la meritada, ch' el m' vegne taiè ia 'l ciè; iou à macciè la terra d' sanc zenza maccia, e ciarei a mies mangs sura ia e sott ite dutt in sanc, e 'l ru d' miis legrimes nen è bastang d'les lavè nettes. El è ora ch' 'l mi d'gorre soung

plazza d' giustizia; i sung pronto; mille òtes plouttosc' morì soult alla manara, che tignì fora plou dī chesc' torment chilò (e mostrā soul cour) chesta rabbia, che cova caite.“

Cang ch' el gnē davert la porta d' p'rjung, i ciarāle datrai fitt alla jent, spo scraiāle cunung bur riament: „Dert, seife ci os finalment'r r'vā ite: incie os, da ostes ries inclinaziungs trasportà, ais sedott l' innozenza. Co no? lascede ndei ostes mangs, s' elles nen è moles dalles legrimes doloroses, d' na uma infelize, e intentes da sanc deng pure baming. Nelles ureife mostrè sou? Nè s'ingfideife a les mostrè ca ah! . . . I sa bengn', ch' seis colpevoli, ch' ostes mangs a pēr d'les mīs è spurciades d' sanc e legrimes: meriteis ci os castigo. Gnide ite, gnide chilò, ve! chilò, meffo der chilò elle osc' post. A mè, a mè, chisc' malfattori m' alda a mè.“

Ad aldì chestes, i piccei mittungs s' t'mō e ascognō 'l mus t'l gormēl d'la uma, gioventù, d'ung e l'at'r sesso, impormettō, d' s' mantignì la coscienza netta dal malfà, ch' è chel, ch' mena a te m'feria spoventofa; „plouttosc' urungfe ceaugnè raisc' e erbes cung Genofefa innozente te bosc, che gode les festes da ball e les mangiaries d' Golo soung ciastell cuna ria coscienza, e finì tang malament'r.“ E in stlù pro la porta d' ferr, dijō 'l soldà d' guardia: „Ais r'jung mia bona jent, se 'l vizio nè finesc' tang spaventofament'r soulla terra, arrall' in

Dall' atra pèrt d'la grotta elle gnu fatt na piccera ciasotta pur 'l romita, cunung urt ing bung ordine, bagnè dang picce ru: chilò gnēle d' con-ting trouppa jent; e 'l romita i mostrā e spiegā vigne cosa: la piccea crusc', les pittures, la grotta, la pera, ullacche Genofefa fajō oraziung, la fontana, ullacch' ella piā sou l' ega, i contā la storia, e raccomanā d' vīre dō so esempio.

'L popol la tignī e onorā pur santa, e oramai ceant angn' dō ēle ommi venerabili dai ciaveis blanc', ch' s'la godō a cuntè, ch' ei l' ā conesceuda, da piccei, e i portā dant a su nūūs, ch' ē dutt atenziung, les instriziungs de Genofefa.

L' ciastell d' Sigfrid, solitament'r nominè Sigmern, o Simmern, ullacch' i sposi abitā, è gnu plou tert desdrutt, mo sōtt l'innom Alten-simmer ēle ciamò les rovinas da udei; intang 'l rispett e l'amur pur Genofefa s' à dagnaraman-tignī angfatt. Troupes belles dlisies è gnudes fabbricades in so unur, e ad ella dedicades; e pur d'vota recordanza troupes elles porta ciamò l'innom d' Genofefa. — Chesta è la storia ordinaria de nos duttg': pur tribulaziungs in pazienza alla santità, purmezzo d'la crusc' alla gloria. Non coronabitur, nisi legitime certaverit. (2. Thim. 2, 5.) Ai veri combattenti la gh'rlanda in Ceil.

Fine.

Index.

| | |
|--|-----|
| Avvertenza a chicche lì | III |
| Capo I. Genofefa t' sua gioventù . . pag. | 1 |
| „ II. Verra „ | 5 |
| „ III. Cicch' el i tocca a Genofefa „ | 9 |
| „ IV. Genofefa te p'rjung . . . „ | 13 |
| „ V. Cicch' el suzzed' te p'rjung „ | 16 |
| „ VI. Genofefa vengn', a savei, cicch' el i aspetta . . . „ | 20 |
| „ VII. Genofefa ledia dalla p'rjung „ | 25 |
| „ VIII. Genofefa t' bosc . . . „ | 31 |
| „ IX. Vita romitaria d' Genofefa . „ | 37 |
| „ X. La uma t' bosc . . . „ | 43 |
| „ XI. Ullà tō val da s'visti t'l desert? „ | 53 |
| „ XII. Cicch' el i tocca ciamò a Ge- nofefa „ | 60 |
| „ XIII. Preparaziung alla mort . . „ | 70 |
| „ XIV. Ci fesc' Sigfrid? . . . „ | 80 |
| „ XV. Ci d'vent'l fengn'? . . . „ | 89 |
| „ XVI. La gh'rlanda pur i patimentg' „ | 98 |
| „ XVII. Co stala coi genitori d' Ge- nofefa? „ | 109 |
| „ XVIII. Fruttdi patimentg' d' Genofefa „ | 118 |
| „ XIX. Golo „ | 122 |
| „ XX. Conclusiung, la cerfa . . . „ | 126 |



N. L' 2. sfou
all' ultima lima, 'l
sengn' fora d' regola

. sfoui è pur azzident nia r'vè
ma, 'l bung lettore scuse illò val
l' regola.

UNIVERSITY OF CHICAGO



44 889 154

1- 3641

BX 688746
4700 Schmid
.G29S3 Storia d' S.
Gendefa

1- 3641

BX 4700
.G29S3

688746

SWIFT LIBRARY

UNIVERSITY OF CHICAGO



44 889 154

